

দেবলা দেবী ।

(ঐতিহাসিক নাটক)

——————

[মনোমে হন থিয়েটারে অভিনীত]

(প্রথম অভিনয় রজনী—শনিবার ৩২শে আষাঢ়, ১৩২৫ সাল)

শ্রীনিশিকান্ত বসু রায় বি, এল,
প্রণীত ।

একাদশ সংস্করণ ।

আষাঢ়,—১৩৩৪ সাল ।

প্রকাশক—শ্রীহরিদাস চট্টোপাধ্যায়,
গুরুদাস চট্টোপাধ্যায় এণ্ড সন্স,
২০৩/১১ নং কর্ণওয়ালিস ষ্ট্রীট—কলিকাতা ।

মূল্য ১/- এক টাকা মাত্র ।

নাটোমিখিত ব্যক্তিগণ ।

পুরুষগণ ।

আমাউদ্দিন	দিল্লীর সম্রাট ।
খিজির খাঁ	ঐ পুত্র ।
কালু	ঐ সেনাপতি ।
করুণসিংহ	গুজরাটের ভূতপূর্ব অধীশ্বর
গণপৎ	ঐ ভ্রাতৃপুত্র ।
দেবীসিংহ	ঐ অনুচর ।
বলদেবজী	দেবগিরির অধীশ্বর ।
আলী খাঁ	খিজিরের অনুচর ।
অক্ষীম খাঁ	পোতা ।

সভাসদগণ, ককিরগণ, মৈত্রগণ ইত্যাদি ।

স্ত্রীগণ ।

কমলা দেবী	করুণসিংহের পত্নী ।
দেবলা দেবী	ঐ কন্যা ।
লক্ষ্মী বান্ধ	বলদেবজীর মাতা
মাতঙ্গা	বাদী ।

নর্তকীগণ, বাদীগণ ইত্যাদি ।

দেবলা দেবী ।

——————

প্রথম অঙ্ক ।

——————

প্রথম দৃশ্য ।

অরণ্য ।

(করুণসিংহ ও দেবীসিংহ । একপার্শ্বে দেবলা নিদ্রিতা ।)

করুণসিংহ । ধর্মপত্নীকে বিলাসের দাসী ক'রেছে,—তিন তিনটে পুত্রকে
স্বহস্তে হত্যা ক'রেছে,—রাজা থেকে বিতাড়িত ক'রেছে,—আজ
আমার অশ্রয়—এই জীর্ণ লীর্ণ ভগ্ন কুটার, আহা—কটু তিক্ত
কদম্বা ফলমূল ! এত ও কি পাপিষ্ঠ আলাউদ্দিন তৃপ্ত হয়নি ? আর
আমার কি আছে দেবীদাস, যে সেই নোভে আবার সে আমার
বিরুদ্ধে দৈন্ত পাঠা'চ্ছে ?

দেবী । এ সৈন্ত আলাউদ্দিন পাঠা'চ্ছে না—

করুণ । তবে ? বল, ব'লতে এসে খাম্বলে কেন ?

দেবী । ব'লতে যে সাহস হয় না প্রভু—

করুণ । কোন ভয় নেই দেবী । নিঃশঙ্কচিত্তে বল, মহা ক'বতে ক'বতে

এ প্রাণ পাষণ,—বজ্র ধারণেও আজ সক্ষম ।

দেবী । মা পাঠাচ্ছেন ।

করুণ । কে ?

দেবলা দেবী।

[প্রথম দৃশ্য।

দেবী। মা।—

করুণ। কমলা?—

দেবী। আজ্ঞে হাঁ।

করুণ। মিথ্যা কথা—এ হ'তে পারে না।

দেবী। আমি সত্য—

করুণ। চূপ কর, আমাকে ভাব'তে দাও। (উন্মত্তের গায় পাদচারণ)

কমলা পাঠাচ্ছে ?

দেবী। আজ্ঞে হাঁ।

করুণ। অথচ একদিন এই প্রসারিত বক্ষ সে আশ্রয় পেয়েছে, একদিন
আমায় সে আত্মদান ক'রেছিল! বোধ হয় আমার জন্ম তখন প্রাণ
দিতেও সে কুণ্ঠিত হ'ত না; আর আজ আমাকে হত্যা ক'রতে সে
এত ব্যগ্র—এত লালায়িত! হায় নারি, এত বিশ্বাসিতর দাসী,—এত
নীচ—এত অপদার্থ তোরা! দেবী! বোধ হয় আমি জীবিত-
থা'কলে সে কুলটার ব্যভিচারের স্রোতে বাধা পড়ে, তাই আমার
হৃদয়-শোণিতে সেই বিষ বিদূরিত ক'রতে মনস্থ ক'রেছে।

দেবী। আপনাকে হত্যা করা তাঁর উদ্দেশ্য নয়।

করুণ। তবে ?

দেবী। দেবলাকে তিনি নিজের কাছে রাখতে চান।

করুণ। অর্থাৎ তাকেও পাঠানের হারেমে পুরে মুসলমানের উপভোগের,
—দেবী—দেবী—না, না,—তা কখনই হ'বে না। দেবলাকে আমি
এমন এক স্থানে লুকিয়ে রাখ'ব—যেখানে শত আলাউদ্দিন—
শত কমলা—শত কাফুর—সহস্র জন্ম চেষ্টা ক'রলেও তার সন্ধান
পাবে না—তার ছায়াও দেখতে পাবে না। সহায়হীন—সম্পদহীন
হলেও, আমি কলিয় পিতা—কন্টার মর্যাদা নষ্ট হ'তে দেব না—
দেবভোগ্য কুমুমকে দানবের পায়ে ডালি দেব না। দেবীদাস—

প্রথম অঙ্ক]

দেহসো দেবী।

দেবী। অদেশ করুন—

করণ। বিরক্তি না ক'রে আমার তরবারি আন। ঐ দেবী! সমুদ্রে—

এই উত্তম স্নেহ। জাগরিতা হ'য়ে যদি একবার সে আমার “বাবা”

ব'লে ডাকে, তবে তার মুখের সেই মধুর পিতৃ-সম্বোধন প্রাণের মধ্যে

সহস্র তরঙ্গ তুলে আমার কর্তব্য ভুলিয়ে দেবে। দাও তরবারি—

শীঘ্র—

দেবী। অন্য উপায়ে—

করণ। দেবী, সূদিনের সঙ্গে সঙ্গে আত্মীয়-স্বজন—নিজের স্ত্রী পর্যন্ত

আমাকে ভাগ করেছে; শুধু তুমি ছায়ার মত আমার সঙ্গে সঙ্গে

ঘুরছ? আজ তুমিও আমার অধারা হ'লে! [দেবীর প্রস্থান।]

করণ। দেবলা—কমলার গর্ভজাত সন্তান,—তার শেষ চিহ্ন। সে

পাপিষ্ঠার কোন চিহ্ন এ সংসারে রাখ'ব না—নিয়তির মত কঠোর

হস্তে সব মুছে ফে'ল'ব। যা'তে কেউ কোন দিন আমার নামের

সঙ্গে সে পাপিষ্ঠার নাম যুক্ত ক'রতে না পারে।

(তরবারি হস্তে দেবীদাসের প্রবেশ)

এই যে এনেছ! দাও, তরবারি দাও। দেবীদাস, তুমি মুখ ফিরিয়ে

দাঁড়াও—ওকে তুমি কোলে পিঠে ক'রে মানুষ ক'রেছ, তুমি এ দৃশ্য

সহ্য ক'রতে পারবে না। জয়, একলিঙ্গদেবের জয়!

দেবী। (সহসা ফিরিয়া) একটা কথা—

করণ। খবরদার, কোন কথা শুনতে চাই না। ইচ্ছা হয়,—স্থানান্তরে

যাও! জয়, একলিঙ্গদেবের জয়।

(আঘাতোচ্চোগ।)

দেবলা। (উঠিয়া) বাবা—বাবা—

করণ। (হাত হইতে তরবারি পড়িয়া গেল) ভগবান্! কর্তব্যসাধনে

এ কি বিঘ্ন! এ কি ক'রলে প্রভু!

(ললাটে করাঘাত)

দেবী। দয়াময়, অপার করুণা তোমার!

দেবলা দেবী ।

[প্রথম দৃশ্য ।

দেবলা । এ কি মূর্ত্তি তোমার বাবা ! মুখ রক্তবর্ণ—চোখ দিয়ে আগুন

ছুটছে—সমস্ত শরীর কাঁপছে । বাবা, বাবা, কি হ'য়েছে তোমার ?

করুণ । ভগবান্, শক্তি দাও,—শক্তি দাও—হৃদয়কে পাষণ ক'রে দাও ।

দেবলা । একি ? তরবারি ? দেবীদাদা মুখ ফিরিয়ে কাঁদছে !—বাবা,

আমায় কি তুমি হত্যা ক'রতে চাও ? কেন বাবা, আমি ত কোন

অপরাধ করিনি । আমি মরলে তোমায় দেখবে কে ? কে বন

থেকে তোমার খাবার সংগ্রহ ক'রে আ'নবে ? কে তোমাকে গান

গেয়ে ঘুম পাড়া'বে—কে তোমার সেবা ক'রবে ? বাবা, বাবা—

কথা কও, কেন মুখ তেকে দাঁড়িয়ে রইলে ? আমার দিকে চাও—

করুণ । দেবীদাস—দেবীদাস, আর কত সময়,—আর কত সময় !

(বক্ষে করাঘাত)

দেবলা । (করুণসিংহের হাত ধরিয়) বাবা—বাবা—

করুণ । (দেবলাকে বক্ষে ধরিয়) কণ্ঠা আমার ;—হা ভগবান্ !

দেবলা । আজ তুমি কেন এত বিচলিত বাবা ?

করুণ । কেন ? যদি জা'নতিস—ও হো হো—

দেবলা । দেবীদাদা, বাবা কেন অমন ক'রছেন ? বাবার কি কোন

অসুখ ক'রেছে ?

দেবী । না দিদি, তিনি বেশ সুস্থ আছেন ।

দেবলা । তবে ? ওঃ বুঝেছি—আমি এত বেলা পর্য্যন্ত ঘুমিয়ে আছি,—

খাবার যোগাড় করিনি,—তাই ক্ষুধায় পীড়িত হ'য়ে, বাবা আমার

উপর রাগ ক'রছেন ! আমার ক্ষমা কর বাবা । এবার থেকে

রোজ সকালে উঠব । তুমি রেগ'না,—আমি এক দৌড়ে ফল নিয়ে

আসছি ।

[প্রস্থান ।

করুণ । দেবীদাস,—

দেবী । আজ্ঞে,—

করণ । এখন উপায় ?

দেবী । দেবলার হত্যা বিধাতার অভিপ্রেত নয় ।

করণ । তা সত্য । কিন্তু উপায় ?

দেবী । যিনি আসন্ন মৃত্যু থেকে এই ক্ষুদ্র অসহায় বালিকাকে রক্ষা
ক'রেছেন তাঁর উপর নির্ভর করুন । তিনিই উপায় ক'রে দেবেন ।

করণ । শোন দেবী, আলাউদ্দিনের সৈন্য সত্বর এখানে এসে প'ড়বে—
তা'রা দেবলাকে বলপ্রয়োগে আমার বুক থেকে ছিনিয়ে নিয়ে
যাবে,—রক্ষা ক'রতে পা'রব না ; বাপ্পার বংশজাত ললনা পাঠানের
অক্ষয়িনী হবে । ব্যভিচারের কলঙ্ককাহিনী কাণে শুন্তে
হবে,—মুখ শুঁজতে আরও নিবিড় বনে পালাতে হবে,—দেহ, মন,
নিষ্ফল শক্তিহীন আক্রোশে, লজ্জায়, ঘৃণায় পুড়ে ক্ষার হ'য়ে
যাবে । বেঁচে থাকলে আরও অনেক শুন্তে হবে—আরও অনেক
দেখতে হবে,—আরও অনেক সহিতে হবে ! এর চেয়ে মৃত্যু শ্রেয়ঃ
নয় কি ?

(দেবীদাস নিরুত্তর । করণসিংহ বলিতে লাগিলেন)

এই সব নিবারণের দুই উপায় আছে । এক দেবলাকে হত্যা করা,—
অপর, নিজের প্রাণ ত্যাগ করা । প্রথমটা আর আমার দ্বারা সম্ভব
হবে না । সে সময় যখন তাকে হত্যা ক'রতে পারিনি, তখন আর
তরবারি দৃঢ় হস্তে ধ'রতে পারব না । তার মুখের দিকে একবার
চাইলে অতীত সহস্র মধুর চিত্র নিয়ে চ'থের সামনে দাঁড়িয়ে মুষ্টি
শিথিল ক'রে দেবে । আর তা হ'বে না । দ্বিতীয় পন্থা অবলম্বন
করা, ভিন্ন অণু উপায় নেই । আমার মৃত্যুর পর দেবলার অদৃষ্টে যা
থাকে, তাই হবে—আমি দেখতে আসব না । তাকে আমি তোমার
হাতে ম'পে দিয়ে যাচ্ছি । দেবীদাস—

দেবী । অঃঃ ।

দেবলা দেবী ।

[প্রথম দৃশ্য ।

করণ । আমার অবস্থা বুঝতে পেরেছ ? স্থির চিত্তে ভাবে দেখ । মরা
ভিন্ন আমার আর অন্য উপায় নেই । কিন্তু কেমন ক'রে মরব ?
আত্মহত্যা—না, মহাপাপ । হাঁ—হয়েছে । দেবী, তুমি আমায় এ
বিপদে সাহায্য কর ।

দেবী । আদেশ করুন—

করণ । শোন দেবীদাস, পুত্রের অধিক এতদিন তোমাকে স্নেহ ক'রেছি
—পালন ক'রেছি । আজ পুত্রের কার্য্য কর । পুত্র যেমন পুন্মাম
নরক থেকে পিতার আত্মাকে উদ্ধার করে, তুমিও তেমনি এই
গুরুভার অপমান,—লাঞ্ছনা,—মানির নরক হ'তে আমাকে উদ্ধার
কর—আমাকে মুক্ত কর ।

দেবী । আতঙ্কে আমার প্রাণ যে শিউরে উঠছে । কি অপনার উদ্দেশ্য ?

করণ । ক্ষত্রিয়-সন্তান তুমি, কিসের আতঙ্ক তোমার ! ক্ষত্রিয়ের
জীবনের একমাত্র সাধনা—কর্তব্য পালন ; তা সে কোমলই হ'ক,
স্বাধার কঠোরই হ'ক । শোন দেবীদাস, দেবলা ফল আহরণ
ক'রতে বনে গিয়েছে,—তার ফিরবার আর বড় বিলম্ব নেই !
এই উত্তম সুরোগ—

দেবী । কিসের সুরোগ ?

করণ । ম'রবার ও মা'রবার । ঐ অস্ত্র নাও, দৃঢ় মুষ্টিতে ধর, নাও—
নাও—

দেবী । (তথা করিয়া) তারপর ?

করণ । ঐ তরবারি আমার বুকে আমূল বসিয়ে দাও !

দেবী । সে কি ! (তরবারি কেলিয়া দিয়া) অসম্ভব ।

করণ । কি অসম্ভব ?

দেবী । আমি পা'রব না ।—কখনই না ।

করণ । তবে পাঠানের হস্তে ক্ষত্রিয়ের লাঞ্ছনা দেখতে প্রস্তুত হও ।

প্রথম অঙ্ক]

দেবলা দেবী ।

দেবী । প্রভু, পিতা, এ আমায় কি পরীক্ষায় ফেললেন ! পুত্রের অধিক
স্নেহে এতকাল পালন করে এ আজ আমায় কি কঠোর আদেশ
ক'রছেন ! আমায় রক্ষা করুন—আমায় দয়া করুন !

করণ । দেবী, বন্ধু বল,—ভ্রাতা বল,—পুত্র বল,—সব আমার তুমি ।
তুমি ভিন্ন কে এ বিপদে আমায় সাহায্য ক'রবে ? নাও দেবী, অস্ত
নাও, আর বিলম্ব ক'রো না । হয়ত দেবলা এখনই এসে প'ড়বে ।
তবুও মূর্খত্বের মত নিশ্চল হ'য়ে দাঁড়িয়ে রইলে ! কাপুরুষ, কেন
ক্ষত্রিয়ানীর গর্ভ কলঙ্কিত করেছিস ? এত অপদার্থ তুই তা পূর্বে
জানতেম না । উত্তম—আমি নিজেই,—

(তরবারি লইলেন ও আঘাত করিতে গেলেন ।

দেবীদাস হাত ধরিয়া ফেলিলেন ।)

দেবী । আত্মহত্যা ক'রবেন !

করণ । উপায় নেই । তোমার মত ভীক অমুচর যার, তার এ ভিন্ন
অন্য গতি নেই । হাত ছাড় কাপুরুষ—ঐ শুক পত্রের মর্ষর শব্দ—
ঐ দেবলা আ'স্ছে—নিকটে—আরও নিকটে—জয় একলিঙ্গদেব—

(বক্ষে তরবারির আঘাত)

দেবী । পিতা, কি ক'রলেন—কি ক'রলেন—

করণ । দেবী, পুত্র আমার, আশীর্বাদ ! দেবলা তো—মা—

ভ—গি—নী । (মৃত্যু)

(দেবলার প্রবেশ)

দেবলা । বাবা, বাবা,—দেবীদাদা, বাবা কোথায় ?

দেবী । ঐ—

দেবলা । এ্যা ! এ কি ? বাবা—বাবা—

(মৃত্যু)

দেবলা দেবী।

[দ্বিতীয় দৃশ্য।

দ্বিতীয় দৃশ্য।

দিল্লী—প্রাসাদ-কক্ষ।

(গণপৎ ও খোজার প্রবেশ)

খোজা। এই কক্ষে অপেক্ষা করুন, বেগম সাহেবার সাক্ষাৎ পাবেন।

গণপৎ। উত্তম।

| খোজার প্রস্থান।

(বিপরীত দিক হইতে কমলাদেবীর প্রবেশ)

কমলা। এই যে গণপৎ! গণপৎ, কি জন্য আমার সঙ্গে সাক্ষাতের
প্রার্থনা ক'রেছ?

গণ। কারণ না থাকলে দিল্লীসম্রাটের প্রধানা বেগমকে এ ক্লেশ দিতে
সাহস ক'রতেম না।

কমলা। হঁ, তারপর?

গণ। শুনলেম দেবলাকে ধ'রতে নাকি বিশ হাজার সৈন্য যাচ্ছে—আর
তুমিই নাকি তাদের পাঠাচ্ছ?

কমলা। হাঁ।

গণ। এর কারণ জিজ্ঞাসা ক'রতে পারি কি?

কমলা। তোমার প্রয়োজন?

গণ। কিছু আছে বৈকি। নারি! কুক্ষণে তুমি এই রূপের ডালি নিয়ে
সংসারে এসেছিলে,—কুক্ষণে তুমি গুজরাট-রাজঅস্ত্রপুরে প্রবেশ
করেছিলে! নিজের সর্বনাশ ক'রেছ,—কন্যারও সর্বনাশ ক'রতে
যাচ্ছ; নিজে ম'জেছ—কন্যাকেও মজাতে যাচ্ছ; নিজে ডুবেছ,—
কন্যাকেও সাগরের অতল জলে ডুবিয়ে দিতে যাচ্ছ। ব্যভিচারের
শ্রোতে কি হিন্দু—নারী—মাতৃ—সব বিসর্জন দিয়েছ! ধিক
তোমাকে, আর শতধিক তোমার গর্ভধারিণীকে—যার স্তনদুগ্ধে
তোমার মত শয়তানীর দেহ পুষ্ট হ'য়েছিল!

দেবলা দেবী।

[প্রথম অঙ্ক

কমলা। আর তুমি গুজরাট-রাজের লাভুপুত্র, সংখক তোমার জননীৰ স্তনদুগ্ধ—যাতে তোমার ন্যায় শত্রুপদলেহী কাপুরুষের দেহ পুষ্ট হ'য়েছিল! স্নেহের কবল হ'তে কুলকামিনীকে রক্ষা ক'রবার ক্ষমতা যাদের নেই, তাদের মুখে এ নিলজ্জ তিরস্কার শোভা পায় বটে!

গণ। নারি! স্বীকার করি, আমরা তোমার অযোগ্য রক্ষক,—তাই আলাউদ্দিন তোমাকে আয়ত্তে পেয়েছে; কিন্তু তোমার নারীজীবনের কৌস্তভরত্ন—তোমার সতীত্ব, কেন মুসলমানের পায়ে ডালি দিয়েছে? কেন আত্মহত্যা করনি? হারেমের কি বিষ ছিল না—শাগিত অস্ত্র ছিল না! কেন প্রাচীরের গায়ে মাথা ঠুকে মরনি? তা হ'লেত আজ আমাদের এ কলঙ্কিত মুখ জগতে দেখাতে হ'ত না।

কমলা। যে রাজপুত্র-রমণী ধর্মরক্ষার তত্ত্ব হাস্তে হাস্তে জলন্ত অগ্নিতে দেহ বিসর্জন করে, তাদের কি আজ সতীত্ব রক্ষার উপায় তোমাদের কাছে শিখতে হবে? আমি পাঠানের হারেমের বাস ক'রছি সত্য, কিন্তু দুরাত্মা আলাউদ্দিনের নিকট আত্মবিক্রয় ত দূরের কথা—আমি তাকে স্পর্শ ও করিনি।

গণ। আজ কি আমরা এই অসম্ভব কথাও বিশ্বাস ক'রতে হবে!

কমলা। তবে শোন গণপং, একথা এ পর্যন্ত কারোও বলিনি—ব'লবার অবসরও পাইনি। রণক্ষেত্রে অশ্বপৃষ্ঠে গুজরাট-রাজের পার্শ্বে দাঁড়িয়ে যুদ্ধ ক'রছিলাম—হঠাৎ শত্রুনির্মিত্ত একটা শর আমার বাম বাহুতে বিদ্ধ হয়। সমস্ত দিনের পরিশ্রমে ক্লান্ত আমি—মাটিতে প'ড়ে গিয়ে মূচ্ছিতা হই। জ্ঞান হ'লে দেখলাম, আমি আলাউদ্দিনের শিবিরে বন্দিনী।

গণ। তারপর?

কমলা। আমায় দিল্লী নিয়ে এল। শোকে কিন্তুপ্রায় আমি—সাতদিন

[দ্বিতীয় দৃশ্য ।

দেবলা দেবী ।

অনাহারে ছিলাম,—মুসলমানের স্পৃষ্ট আহার গ্রহণ করিনি,—
প্রতি মুহূর্তে ম'রবার স্বযোগ অন্বেষণ করতাম,—এক বাঁদীকে
উৎকোচের প্রলোভন দেখিয়ে বিষ সংগ্রহের চেষ্টা করলেম,—সে
বিশ্বাসঘাতকতা ক'রে সম্রাটকে সব বলে দিল,—আমার উপর কড়া
পাহারার হুকুম হ'ল । শেষে নিরুপায় হ'য়ে একদিন প্রাচীরের গায়ে
মাথা ঠুকতে লাগলেম । দুই তিন আঘাতের পর বাঁদীরা এসে
আমায় ধ'রে ফেলল । আমি নজরবন্দী হ'লেম । এই দেখ, সে
আঘাতের চিহ্ন আজও মিলায় নি ।

সগ । তারপর ?

কমলা । এই সংবাদ বাদশাহের কাণে যায়,—অষ্টম দিনে আলাউদ্দিন
আমার কক্ষে প্রবেশ ক'রে আমাকে আহার ক'রতে অনুরোধ
করে এবং আমি অনাহারে থাকলে বলপূর্বক আমার উপর
অত্যাচার ক'রবে ব'লে ভয় দেখায় । আমি তখন অন্তোপায়
নজরবন্দী,—ম'রবার উপায় নেই,—অনাহারে শরীর অবসন্ন,—
পিশাচের পাপকার্যে বাধা দিতে শক্তিশূন্য,—শোকে উন্মাদিনী—
জ্ঞানহারা—চক্ষে অন্ধকার দেখলেম । মনে মনে কেবল ভগবানকে
ডাকতে লাগলেম ! তখন কে যেন আমার কাণে কাণে কি ব'লে
দিল,—মন্ত্রমুগ্ধার মত অগ্রপশ্চাৎ বিবেচনা না ক'রে, আমি সেই
অদৃষ্ট অজ্ঞাতের আদেশ পালন ক'রলেম ; বাদশাহকে ব'লেম,
আমি আহার ক'রতে প্রস্তুত আছি,—তিনি যদি আমার কন্যা
দেবলাকে আমার নিকট এনে দিবে আমার শোকসম্পূর্ণ চিত্তকে
শান্ত করেন ; আর যতদিন দেবলা এখানে না আসবে, ততদিন
আমাকে স্পর্শ ক'রবেন না—এই প্রতিজ্ঞা করেন । বাদশাহ প্রথমে
অস্বীকৃত হ'লেন, কিন্তু যখন দেখলেন যে আমার সঙ্কল্প পর্ব্বতের
স্বায় অটল, তখন তিনি সম্মত হ'লেন

দেবলা দেবী ।

[প্রথম অঙ্ক

গণ । তারপর ?

কমলা । সেইদিন থেকে আমি বাদশাহের নিকট স্বাধীনতা পেলেম—
কিন্তু আমার বৃকের মধ্যে নরকের আগুন দ্বিগুণতেজে জ্বলে উঠল ।
শয়নে, স্বপনে, তন্দ্রায়, জাগরণে আমার মৃতপুত্রগণ আমার নিকটে
এসে আমায় প্রতিহিংসা নিতে উত্তেজিত করে । এ চোখে নিদ্রা
নেই গণপৎ, মাঝে মাঝে যখন তন্দ্রায় ঢুলে পড়ি,—একটা যবনিকা
সরে গিয়ে আমার চোখের সামনে তাদের মৃত্যুদৃশ্য স্পষ্ট হ'য়ে ভেসে
ওঠে,—তারা আলাউদ্দিনের হৃদয়শোণিত চায়—আমায় কিপ্তু ক'রে
তোলে—ঐ বে—ঐ বে—আমি এখনও দেখতে পাচ্ছি—তিন
তিনটে পুত্র ! ওহো—হোঃ—হোঃ—গণপৎ—গণপৎ—এ বৃকে বড়
জ্বালা—বড় জ্বালা—

গণ । স্থির হও, স্থির হও—

কমলা । শোন গণপৎ, সেই অজ্ঞাতের আদেশে আমি দেবলাকে
দেখতে চেয়েছি । তাই বাদশাহী ফৌজ দেবলাকে আনতে
যাচ্ছে ; আমিও দেবলাকে দেখবার বাহ্যিক একটা আকুল
আকাঙ্ক্ষা জানাচ্ছি । পূর্বে জানতে পেরে গুজরাটরাজ যাতে
বাদশাহের আক্রমণ প্রতিরোধ ক'রতে প্রস্তুত হ'তে পারেন, কোনও
মতে যাতে তারা দেবলাকে আনতে না পারে, আমি সে চেষ্টাও
ক'রেছি । রাজবারা আবার নূতন শক্তিতে সঞ্জীবিত হ'য়ে উঠেছে,—
মারাঠাজাতি জা'গ্ছে—কাশ্মীর নবপ্রাণ পেয়েছে—কোথাও কি
দেবলা আশ্রয় পাবে না?—রমণীর মর্মবেদনায় কারও প্রাণ কি
কঁদে উঠবে না ?

গণ । বাদশাহের সঙ্গে কি তোমার সাক্ষাৎ হয় ?

কমলা । হাঁ,—প্রত্যহই তিনি আমার এখানে আসেন ; কিন্তু তাঁর
প্রতিশ্রুতি পূর্ণমাত্রায় পালন করেন । শোন গণপৎ, পুত্রহত্যার

প্রতিশোধে না নিয়ে আমি ম'রতে পা'রব না,—তারা আমায় ম'রতে দেবে না। অলস হ'য়ে ব'সে থাকলে চ'লবে না—এই বৈরনির্ঘাতন ব্রতে তুমি আমার সহায় হও। একদিকে দেবলাকে আ'নবার প্রত্যেক উত্তম যাতে এদের ব্যর্থ হয়, তার উপায় কর; অন্যদিকে কাফুরকে, সৈন্তাধ্যক্ষগণকে, সৈন্তগণকে—এমন কি, এ রাজ্যের আবালবৃদ্ধবনিতাকে সম্রাটের বিরুদ্ধে ফেপিয়ে তুলতে চেষ্টা কর। প্রয়োজন হয়—উৎকোচে বশীভূত কর,—প্রত্যেকের মনে সম্রাটের বিরুদ্ধে ছলে বা কৌশলে একটা বিদ্বেষের ভাব জাগিয়ে দাও। যাতে দেবলাকে আ'নবার পূর্বেই এই পাপ খিলিজি সিংহাসনের এক একখানি ইষ্টক ভেঙ্গে খ'সে মাটিতে গ'ড়িয়ে পড়ে।

গণ। আমরা এদিকে কৃতকার্য হবার পূর্বেই যদি দেবলাকে তারা ধ'রে আনে ?

কমলা। কোন চিন্তা নেই গণপং, আমি রাজপুত্রকামিনী—দেবলা রাজপুত্রের কন্যা; কারও সাধ্য নেই যে, রাজপুত্রমণীর ধর্ম নষ্ট করে। যদি এরা দেবলাকে বাস্তবিকই ধ'রে আনে, তাহ'লে মা ও মেয়ের চক্রান্তে এই খিলিজি সাম্রাজ্যের উপর দিয়ে এমন একটা প্রলয়ের প্রভঞ্জন ভীম ভৈরব-গর্জনে ব'য়ে যাবে—যাতে আলাউদ্দিন কেবল দিবা রাত্র “তাহি তাহি” ডাক ছেড়ে বঙ্গগার মৃত্যুকামনা করবে। তুমি এখন যাও, সম্রাটের আসবার সময় হল। (গমনোচ্ছতা ও ফিরিয়া)

হাঁ, শোন গণপং, আর কখনও আবার সঙ্গে সাক্ষাৎ ক'র না। কেউ সন্দেহ ক'রতে পারে—খুব সাবধান। যাও, ঐ কক্ষে খোজা তোমার জন্য অপেক্ষা করছে।

[বিপরীত দিকে উভয়ের প্রস্থান ।

তৃতীয় দৃশ্য।

দিল্লী—প্রমোদ-কক্ষ।

খিজির খাঁ ও কাফুর।

খিজির। লড়াইয়ের নামগন্ধ নেই, অথচ বিশহাজার স্তম্ভিত সৈন্য
যা'চ্ছে! এর কারণ কি কাফুর?

কাফুর। কারণ বিশেষ জানি না, তবে সম্রাটের আদেশ!

খিজির। সম্রাটের আদেশ! অসহায় একটা বার্লিকাকে করে আমরার
জন্তু এত আড়ম্বর। কার নেতৃত্বাধীনে এই সৈন্য যাচ্ছে?

কাফুর। আপনার। কেন, আপনি জানেন না?

খিজির। কই, গুনিনি ত। তুমি?

কাফুর। আপনার অধীনস্থ একজন সেনানায়ক মাত্র।

খিজির। হঁ।

কাফুর। সম্রাটের আদেশ—এখনই রওনা হ'তে হবে। আমি আপনার
আদেশের অপেক্ষায় আছি।

খিজির। তুমি যাও, আমি এখন বিশ্রাম ক'রব।

কাফুর। বিশ্রাম!

খিজির। ক্ষতি কি? ভোগের জন্তুই ছুনিয়ায় এসেছি।

কাফুর। এখনই যে রওনা হ'তে হবে।

খিজির। দেখা যাবে।

কাফুর। সম্রাট জানলে অসন্তুষ্ট হবেন

খিজির। সম্রাটের সন্তোষ অসন্তোষের জন্তু উত্তরদায়ক আমি—তুমি
না। কৈ হায়? আলী-খাঁ! যাও কাফুর, আমার বিশ্রামের

দেবলা দেবী ।

[তৃতীয় দৃশ্য ।

(নর্তকীদের সহিত সুরাপাত্র হস্তে আলীখাঁর প্রবেশ)

কাফুর । (স্বগত) এই উচ্ছ্বল ইন্দ্রিয়ের দাম দিল্লী সিংহাসনের ভাবী
অধীশ্বর ! [প্রস্থান ।

খিজির । সুন্দরীগণ, কাৰ্য্যগতিকে কিছুদিনের জন্য আমার স্থানান্তরে
যেতে হবে,—আমার ইচ্ছা, তোমরাও আমার সঙ্গে যাও । শিবিরে
শিবিরে ঘূঁরতে তোমাদের কষ্ট হবে না ত ?

আলী । বলেন কি হুজুরালি ? ওদের বাবার বাবা শিবিরে শিবিরে
ঘূঁরতে পারবে,—ওদের আবার কষ্ট !

১ম নর্তকী । জনাব, আপনার সঙ্গে দোজাকে গিয়েও আমরা স্থখী ।

খিজির । উত্তম । তবে নাচ—গাও—স্বৃষ্টি কর,—সঙ্গীতের প্রতিপদে,
প্রতিমূর্ছনায়, ললিতদেহের প্রতিপদক্ষেপে ঋতুরাজকে জাগিয়ে
তোল । আলীখাঁ—

আলী । হুজুর, মেহেরবান্ ।

(মদ্যদান ও খিজিরের পান । নর্তকীদের গীত আরম্ভ হইল,
খিজিরখাঁ শুনিতে শুনিতে তন্দ্রাবিষ্ট হইলেন ।)

নর্তকীগণের গীত ।

তোল হোল তোল তান—

আজি সাজে কি তোমার মান ?

হের কোকিল মূখরা, প্রেমের ফোয়ারা

ছুটার মাতারে ঝাণ ।

ঐ প্রেম ঘোবে লসী হাসিরা,

ছোছনা কিরণ ঢালিরা,

আজি ডুবারে সকল উঠিছে কেবল

অনাবিল প্রেরণান ।

অধরে ধর প্রেম-সরোবর,
রূপের প্রভায় কর অরঞ্জর,
প্রেমিক রতনে, আদরে ষতনে
প্রেমমুখা কর দান ॥

(বেগে কমলাদেবীর প্রবেশ এবং নর্তকীদলসহ আলীর প্রস্থান)

কমলা। খিজিরখাঁ!

খিজির। কে?

কমলা। আমি।

খিজির। (উঠিয়া) গুজরাট-রাজমহিষী কমলা দেবি! আপনি!

এখানে! আদেশ করুন।

কমলা। সম্রাট তোমাকে গুজরাট যাত্রা ক'রতে আদেশ' দিয়েছেন,

সে আদেশ পালিত হয়নি কেন?

খিজির। মাফ ক'রবেন বিবিগাহেবা, এ প্রশ্নের উত্তর প্রয়োজন হ'লে

আমি সম্রাটকেই দেব। এ কথা জিজ্ঞাসা ক'রতে আপনার এত

ক্লেশ স্বীকার ক'রবার প্রয়োজন ছিল না।

কমলা। তা হ'লে তুমি গুজরাটে যাবে না?

খিজির। সম্রাটের আদেশ অবনতমস্তকে পালন ক'রুব।

কমলা। রমণীর কলকণ্ঠ আর সুরার শুভ্রাফেনরাশির মধ্যে নিজেকে

নির্মজ্জিত ক'রে, চক্ষু মুদে প'ড়ে থাকাই কি সেই রাজভক্তির

পরিচয়?

খিজির। যাও নারী, নিজকার্যে যাও। বিরক্ত ক'র না।

(আলাউদ্দিনের প্রবেশ)।

আলা। খিজির?

খিজির। সম্রাট! পিতা! বান্দাকে স্বরণ ক'রুলেই বান্দা হাজির হ'ত।

আলা। তুমি এখনও দিল্লীতে?

দেবলা দেবী।

[তৃতীয় দৃশ্য।

খিজির। সম্রাটের বোধ হয় স্বরণ নেই যে, তাঁর স্বাক্ষরিত আদেশপত্র এখনও আমাকে দেওয়া হয় নি।

আলা। তাইত! বয়সের সঙ্গে ভুলের বড় নিকট সম্বন্ধ। উত্তম, আমি আদেশপত্র পাঠাবার ব্যবস্থা করছি তুমি প্রস্তুত হও।

খিজির। বো হুকুম। ~~আলা~~ আলাউদ্দিনের প্রশ্ন।

আমার কৈফিয়ৎ শুনেছেন বিবিসাহেব?।

কমলা। আমায় ক্ষমা কর খিজির, আমি আমার কণ্ঠ্যর জন্য উন্মাদিনী।

খিজির। বিশ্বাস করতে প্রবৃত্তি হয় না। নারী! তোমার হৃদয় পাষাণের চেয়েও কঠিন—শুষ্ক,—কঠোর; তাতে এক কণা স্নেহ নেই—মায়ী নেই—দয়া নেই; নইলে স্বামীত্যাগ করে—ক্ষমা করবেন রাণী, আমি মাতাল, আমার কথার কোন মূল্য নেই। কোন চিন্তা করবেন না—আপনার কণ্ঠ্যকে স্থগী করতে আমি প্রাণ দিতেও কুণ্ঠিত হব না। কিন্তু এক কথা—

কমলা। কি, বল।

খিজির। কিছু মনে করবেন না। শুনছি গুজরাটরাজ জীবিত—আপনার কণ্ঠ্যকে আনতে যদি তাঁর প্রাণ সংহার করা প্রয়োজন হয়?

কমলা। (স্বগত) তিনি কি জীবিত আছেন? থাকলেও তাতে প্রাণ নেই। শুধু কঙ্কাল পড়ে আছে। জলুক—আগুণ ধূ ধূ করে জলে উঠুক—নইলে প্রতিশোধ নেবার শক্তি জুটবে না। বিষ দিয়ে বিষক্ষয় করব।

খিজির। চূপ করে রইলেন কেন? উত্তর দিন।

কমলা। আমার কণ্ঠ্যকে আমি চাই—

খিজির। তাতে প্রয়োজন হলে স্বামীহত্যায়ও কুণ্ঠিত নও—কেমন? এই ত? নারী, না, তোমাকে বলবার আমার কিছু নেই, তবে তুমি বড় অভাগিনী। যাও, কোন চিন্তা নেই—আমি যাচ্ছি। [কমলার প্রশ্ন।]

এই ত নারী-চরিত্র ! এদের বিশ্বাস !—মূর্খ তার, যারা রমণীকে বিশ্বাস করে । এদের অসাধ্য কিছু নেই । এরা ব্যভিচারিণী হ'তে পারে—পুলহত্যা ক'রতে পারে,—স্বহস্তে পতির প্রাণবিনাশ ক'রতে পারে ।

(মতিয়ার প্রবেশ)

মতিয়া । তুমি নাকি আজ গুজরাট যাচ্ছ ?

খিজির । আজ কেন, এখনই ।

মতিয়া । কবে ফিরবে ?

খিজির । যেদিন কার্য সম্পন্ন হবে ।

মতিয়া । কতদিন আর এ ভাবে আশায় ঘুরবে ?

খিজির । কিসের আশা মতিয়া ?

মতিয়া । আমার জীবন মরণের সমস্যা নিয়ে ব্যস্ত ক'ব না ।

খিজির । তা হয় না মতিয়া ।

মতিয়া । কি ব'লছ তুমি ?

খিজির । যা হবে তাই ব'লছি । আজ আমার চোখ খুলেছে । নারি !

বড় স্বার্থপর তোমরা । প্রেমের স্থান তোমাদের হৃদয়ে নেই । তোমরা জান—শুধু নিজেদের কাজ গুছিয়ে নিতে । আমি বুঝতে পেরেছি—তুমি আগায় ভালবাস না,—তোমার ভালবাসা এই দিল্লী-সিংহাসনের উপর । আমি এই সাম্রাজ্যের ভাবী উত্তরাধিকারী জেনে, দেহ পণে এই সিংহাসন কিন্বার প্রয়াস পেয়েছি । হৃদয়ের সঙ্গে তোমাদের সম্বন্ধ বড় অল্প ।

মতিয়া । এ আজ তুমি কি ব'লছ ?

খিজির । যা সত্য তাই ব'লছি—যা স্বাভাবিক, তাই ব'লছি । নারি !

যাও, অণু শিকারের সন্ধান দেখ গে' !

দেবলা দেবী ।

[তৃতীয় দৃশ্য ।

মতিয়া । আমি তোমায় বড় ভালবাসি, দয়া কর—দয়া কর—একবার
প্রসন্ন-দৃষ্টিতে আমার দিকে চাও—আমার উপর সদয় হও । আমার
পায়ে ঠেল' না ।

খিজির । তা হয় না মতিয়া ।

মতিয়া । এ কলঙ্কের ছাপ নিয়ে আমি কেমন ক'রে জগতে মুখ দেখাব ?
আমার সর্বস্ব নিয়েছ, দোহাই তোমার, আমার রক্ষা কর—তোমার
পায়ে ধ'রে মিনতি ক'রছি ।

মতিয়ার গীত ।

আমার যা কিছু ছিল, সকলি বিলায়ে
গিয়াছি তোমাতে হারাইয়ে ।
(তোমার) চরণ-জড়িতা আশ্রিতা লভারে
যেওনা কেওনা দলিয়ে ।
আমি কণিক না রব, হ'য়ে তোমা-হারী,
(তুমি) শাসবায়ু ঘোর, নয়নের তারা ;
এ ক্ষুদ্র হৃদয় পুলক-উজ্জ্বল
লভি তোমারই কিরণধারা ;
আমি তোমারই স্বপনে আছি বিহার
আমার স্বপন কিওনা ভাঙিয়ে ।
আমি তব অদর্শনে বাঁচিবনা কভু
যাবে জীবন-প্রদীপ নিভিয়ে ।

খিজির । বাঁদি, এত সাধও মানুষের হয় !

মতিয়া । (উঠিয়া দাঁড়াইয়া) এতদূর ! শয়তান ! প্রলোভনে ভুলিয়ে
আমার সর্বস্ব অপহরণ ক'রে এখন পদাঘাতে দূর ক'রে দিচ্ছ ?

খিজির । রমণীর প্রেম ! হাঃ হাঃ হাঃ হাঃ— [প্রস্থান ।

(বিপরীত দিক হইতে জঙ্গিস খাঁর প্রবেশ)

জঙ্গিস । মতিয়া, বহিন্—

মতিয়া। জঙ্গিস্, ভাই, আমার সব ফুরিয়েছে।

জঙ্গিস্। প্রথমেই নিষেধ ক'রেছিলেম—শুনিস নি। শুনলে—আজ এ ভাবে কাঁদতে হ'ত না। ওরা মানুষ নয়—হৃদয়হীন পিশাচ। বড় গাছে নৌকা বাঁধতে গিয়েছিলি, তার উপযুক্ত প্রতিফল পেয়েছিস্।

মতিয়া। এখন উপায় ?

জঙ্গিস্। ইরানী হ'য়ে উপায় তুই আমাকে জিজ্ঞাসা ক'রছিস্ !
আশ্চর্য্য ! এখনও বৃকের রক্ত টগ্, ধগ্ ক'রে ফটে ওঠে নি ?

মতিয়া। জঙ্গিস্, আমি যে তাকে বড় ভালবাসতাম,—আমার কলিজার চেয়েও ভালবাসতাম।

জঙ্গিস্। মনকে কেন চোক, চারিস্ বোন ? 'ভালবাসতাম' কেন—
এখনও বাসিস্। মতিয়া, এ পথ ত্যাগ কর, অন্য পথ ধর—এ
নৃশংস অত্যাচারের প্রতিশোধ নে। সে যেমন তোর মর্ম ছিঁড়ে
দিয়েছে, তুইও তেমনি তার মশ্বে এমন আঘাত কর, যে তার
হৃৎপিণ্ড চীৎকার ক'রে কেঁদে উঠুক। পা'রবি ?

মতিয়া। পা'রব। কিন্তু আমার শক্তি কোথায় ?

জঙ্গিস্। তেরি প্রাণে প্রলয়ের প্রবল শক্তি ধুমিয়ে আছে,—তাকে
নাড়া দিয়ে জাগিয়ে তোলা।

মতিয়া। সহায় ?

জঙ্গিস্। উপরে সেই সর্বশক্তিমান খোদা,—তার নীচের, তাঁর গোলামের
গোলাম—এই শক্তিহীন বান্দা জঙ্গিস্ খাঁ।

চতুর্থ দৃশ্য।

দেবগিরির সীমান্ত প্রদেশ।

(খিজির, কাফুর ও কতিপয় সৈন্যের প্রবেশ)

খিজির। এখন কি কর্তব্য ?

কাফুর। তাই ত,—বড় সমস্যার বিষয় হ'য়ে দাঁড়া'ল।

খিজির। পূর্বেই সংবাদ পেয়ে তারা গুজরাট পরিত্যাগ করেছে।

গুপ্তচরের মুখে যে সংবাদ পাওয়া যাচ্ছে, তাতে আমার বিশ্বাস, তারা এই দেবগিরি অভিমুখেই গিয়েছে।

কাফুর। তা হ'লে ত পথে আমাদের সঙ্গে সাক্ষাৎ হ'ত।

খিজির। তাও ত বটে।

কাফুর। সংবাদ পেয়েছি, করুণসিংহ আত্মহত্যা করেছেন।

খিজির। বটে! অবস্থা বিপর্যয়েও লোকটার দাঁড়ি প্রশ্ন ঘটেনি। তবে

বড় দুর্ভাগ্য! যাক্, আজ রাত্রির মত এখানে ছাউনি ফেলে
বিশ্রাম করা যাক্, কাল প্রভাতে যা হয় একটা কর্তব্য স্থির করা
যাবে। তোমাদের মধ্যে পাঁচজন এখানে প্রহরায় নিযুক্ত থাক।

কাফুর, তুমি ছাউনি ফেলতে আদেশ দেও।

[বিপরীত দিকে খিজির ও কাফুরের প্রস্থান

১ম সৈ। আর ত ভাই ঘুরে মরা যায় না। কোথায় দিল্লী আর
কোথায় গুজরাট,—আবার কোথায় গুজরাট আর কোথায়
দেবগিরি! আর সহ হয় না।

২য় সৈ। হঠাৎ এতটা অসহ হ'লে উঠলো যে ?

৩য় সৈ। দুর্ভাগ্যে পারছ না!—বিষম—বিকট—বিরহ।

১ম সৈ। আ হা হা! বিবি আনায় বড় ভক্তি ক'রত।

গীত ।

আমার বিবি—

(৩) তার রূপের চোটে, রোস্নি জ্বলে
কোথায় লাগে পটের ছবি ।
জানির গলা এমনি মিঠে—
কথা কর মধুর ছিটে,
কোয়েলা ঘাড় তোলে না, রা কাড়ে না,
কে জানে সে বাসা ছেড়ে, কোন্ কবরে থাকে থাকি ।
রুমালে আঁতর মেখে,
মিষ্ণি দাঁতে, সুরমা চোখে,
খোঁপাতে জড়িয়ে মালা, ছড়িয়ে আলা
চলে জানি ঠাটঠমকে,
না জানি নয়ন জলে সে কবিলে, ভান্ছে কতই আমার ভাবি ।
পিন্নারি বড়ই মোরে পেরার করে,
চোখের আড় ক'রতে নারে,
কত বৃত্ত ক'রে না গুড়ু ক সেজে নলটী এ'ন মুখে ধরে :
আদরে চ'লে প'ড়ে কখন বা ঠোনা মারে,
(আবার) রাগলে পরে পরজার বাড়ে,
তোরা এমন জানি কোথায় পাবি ।
মেরি জানি কোন্ কাজে নয় পোক্ত ?
সাজা মাল খরিদ ক'রে ছেড়ে খোড়াই রেক্ত,
আবার এমনি পাকায়—
(মরি হায় নোলাতে লাল করে বার)
শোলাও কাবাব কোর্না কোপ্তা
(৩) তার গুণের কথা ক'রতে ব্যস্ত
হার মেবে বার হাকেম কবি ।

২য় সৈ । যা ব'লেছ মিয়া, বিবি তোমাকে ঠিক চাচার মত দেখ'ত ।

৩য় সৈ । চূপ্, চূপ্, ঐ কারা আ'স্ছে ।

দেবলা দে বা ।

[চতুর্থ দৃশ্য ।

১ম সৈ । তাইত ! একটা পুরুষ আর একটা মেয়ে ।

২য় । এস না, একটু অন্তরালে গিয়ে দেখা যাক কি করে ।

[সকলের প্রস্থান ।

(বিপরীত দিক হইতে দেবীদাস ও দেবলার প্রবেশ)

দেবলা । দেবীদাদা, এইবার কোথায় যাচ্ছি ?

দেবী । দেবগিরি ।

দেবলা । দেবীদাদা !

দেবী । কি দিদি ?

দেবলা । দেবগিরিতে কি আশ্রয় পাব ?

দেবী । কেমন ক'রে বলব বোন ।

দেবলা । তিনি আমার পাণি প্রার্থনা ক'রেছিলেন,—মারাঠা ব'লে বাবা তাঁকে ফিরিয়ে দেন ! অপমানিত হ'য়ে তিনি ফিরে গেলেন । আজ বিপদে প'ড়ে তাঁর আশ্রয় চাইতে যাচ্ছি । তিনি কি সেই অপমান ভুলে,—আলাউদ্দীনকে শত্রু ক'রে—আমাকে আশ্রয় দেবেন ? না, দেবীদাদা, চল ফিরে যাই ।

দেবী । কোথায় যাব দিদি ? কেগলেত,—বার কাছে যাই, সেই আলাউদ্দিনের ভয়ে ফিরিয়ে দেয় ।

দেবলা । যেখানে যাই, সেই কুকুরের মত তাড়িয়ে দেয়, অথচ আমরা কোন দোষে দোষী নই । আমাদের একমাত্র অপরাধ, যে আমরা দুর্বল—আমরা অসহায় ! আমি যাব না দেবীদাদা—

দেবী । কি ক'রবে ?

দেবলা । বাবা যে অস্ত্রখানা বৃকে বিঁধিয়েছিলেন, সেখানা আমার বৃকে বিঁধিয়ে দাও—এই দারুণ অপমান থেকে আমায় রক্ষা কর

দেবী । হা ভগবান্ ! করুণসিংহের কণ্ঠার আজ এই অবস্থা !—রাজ-কণ্ঠার এই পরিণাম !

প্রথম অঙ্ক । ১

দেবলা দেবী ।

(সৈনিকগণের প্রবেশ)

১ম সৈ । ইয়া আল্লা, যার জন্ত এত ঘোরা ঘুরি, সেই মূঠোর মধ্যে !

এস বিবি,—

দেবী । কে তোমরা ?

১ম সৈ । তোমার দুষমন্—

দেবী । কি তোদের উদ্দেশ্য ?

১ম সৈ । আমরা সম্রাটের সৈনিক, ঐ বিবির জন্ত এতদূর এসেছি ।

শুনলেত ? এখন চলে এস ।

দেবলা । দেবীদাদা—দেবীদাদা—

দেবী । ভয় কি দিদি—বে'র হবার সময় এ কথাও ভেবে তার উপায়

শির ক'রে রেখেছি । দাঁড়া'—বুক পেতে সোজা হ'য়ে. দাঁড়া'—

ভয় পা'স না ।

(আঘাতোত্তোগ ও কাফুর আদিয়া তাহার হাত ধরিল ।)

কাফুর । এ কি ? কে তুমি ? কেন এই বালিকাকে হত্যা

ক'রুছিলে ?

১ম সৈ । হুজুরাবলি, ঐ গুজরাটের রাজকন্যা ।

কাফুর । বটে ! কে ? দেবীদাস না ?

দেবী । চিন্তে পেরেছ কাফুর ?

কাফুর । পা'রু না ! এক আধ দিনের আলাপ নয় যে ভুলে যাব ।

দেবী । তবু ভাল । এখন আমাদের কি ক'রবে ?

কাফুর । রাজকন্যাকে তাঁর মাতা স্বরণ ক'রেছেন ।

দেবী । তার পর ?

কাফুর । তাঁকে নিয়ে যাবার জন্ত আমরা এসেছি ।

দেবী । কাফুর, সে দিনের কথা বোধ হয় বিস্মৃত হওনি, যে দিন দাস

বিক্রেতার বিক্রয় ক'রবার জন্ত তোমা'কে গুজরাট এনেছিল ।

দেবী।

[চতুর্থ দৃশ্য।

তারপর তোমার করুণ নেত্রযুগল এবং কাতর মুখশ্রী দেখে, মহানুভব মহারাজ তোমাকে ক্রয় করেন; তুমি তাই নয়, তোমার উপর তাঁর স্নেহমমতা আবেগের ধারার মত বর্ষণ ক'রে দিনে দিনে তোমার অবস্থা ও পদের উন্নতি বিধান করেন। তাঁরই রূপায় আজ তুমি এই উন্নত পদে—তাঁরই করুণায় আজ তুমি দিল্লীখরের দক্ষিণ-হস্তস্বরূপ। কাফুর! আজ সেই উপকারের প্রতাপকার স্বরূপ আমার স্বর্গগত প্রভুর নামে তাঁর কন্যার জন্য যদি তোমার অনুগ্রহ প্রার্থনা করি, আমার সে প্রার্থনা কি পূর্ণ হবে?

কাফুর। তা হয় না দেবীদাস—

দেবী। আজ তুমি চাকার কত উপরে—আর আমরা কত নিম্নে! এই দেবীদাসও একদিন তোমার অনেক উপকারে এসেছিল, সে যদি সে দিন সেই পণ্যবীথিকার উপস্থিত না থাকত তবে বোধ হয়—বাক, আর সে কথায় লাভ কি? কিন্তু কাফুর, তুমি স্থির জেন, আমাকে বধ না ক'রে আমার প্রভুকন্যার কেশাগ্রও স্পর্শ ক'রতে পা'রবে না।

কাফুর। বৃথা চেষ্টা দেবীদাস। কেন অকারণ প্রাণ হারাবে? বিশ-সহস্র সৈন্যের বিরুদ্ধে একাকী তুমি কি ক'রবে?

দেবী। ম'রতে ত পারব। আমি ধর্মত্যাগী নই,—তোমার মত এখনও আমাতে ক্লীবত্ব জন্মেনি। প্রাণের গায়া বড় করি না।

কাফুর। উত্তম। আক্রমণ কর সৈন্যগণ—

(সৈনিকগণ অগ্রসর হইল ও ঠিক সেই সময় খিজির খাঁর প্রবেশ)

খিজির! ক্ষান্ত হও। শিক্ষিত সুসজ্জিত পাঁচ জন একজনকে আক্রমণ ক'রতে উদ্ভত হ'য়েছিলে, আর তার সহায় এক জীর্ণ তরবারি! ছিঃ ছিঃ ছিঃ ছিঃ—বীরশ্রেষ্ঠ কাফুরখাঁর সঙ্গে থেকে কি এই রণনীতি শিক্ষা ক'রেছ—এই বীরত্বাভিমান হৃদয়ে পোষণ ক'রেছ?

ধিক তোমাদের ! রাজপুত্রবীর, তোমাদের পথ মুক্ত—যেখানে ইচ্ছা
গমন কর ।

কাফুর । সাহাজাদা, ঐ গুজরাটের রাজকন্যা—

খিজির । তা জানি—

কাফুর । জানেন, অথচ হাতে পেয়ে—

খিজির । ছেড়ে দিচ্ছি । এত সৈন্য নিয়ে এসেছি কি বৃথা আড়ম্বরের জগ্ন ?

তা নয় কাফুর । এই বালিকা যেখানে গেলে নিজেকে নিরাপদ মনে
করে, সেখানে যা'ক, ভারতের যে কোন শক্তির আশ্রয় নিতে চায়—
নিক ! আমার সাধ্য হয়, আমি সম্মুখ যুদ্ধে সেই শক্তিকে
পরাজিত ক'রে একে করায়ত্ত ক'রুব ! বিশসহস্র সৈন্যের নায়ক
হ'য়ে তম্বরের মত—রক্ষিহীন অবস্থায়,—একে 'ধ'রে, আমি
কলঙ্কের পসরা মাথায় ক'রতে চাই না । রাজপুত্র বীর ! মুক্ত
তোমরা,—তোমার সঙ্গিনীকে নিয়ে যেখানে ইচ্ছা, যাও ; কেউ
তোমাদের বাধা দেবে না । আর যদি আবশ্যক বোধ কর এই
দস্যুসকল-বিজন-বনপথে তোমার কোন দোসর থাকার যদি প্রয়োজন
অনুভব কর, আমি সানন্দে তোমার সঙ্গিনীর রক্ষিস্বরূপ গিয়ে তোমাদের
অভিষ্টস্থানে পৌঁছে দিতে পারি । আমায় বিশ্বাস কর বন্ধু—প্রাণান্তেও
কোন অনিষ্ট ক'রুব না । খোদার কসম,—কখনও বিশ্বাসঘাতকতা
ক'রুব না ।

দেবী । হে উদার মহানুভব পরমাত্মীয় ! হৃদয়ের কৃতজ্ঞতা জানাবার
উপযুক্ত ভাষা খুঁজে পাচ্ছি না । ঘনঘটাচ্ছা তামসী রজনীতে পথভ্রান্ত
পথিকের নিকট দূরগত কণ্ঠস্বরের মন্ত—কে আপনি, আমাদের
বিপদমুক্ত ক'রলেন ?

খিজির । পরিচয় পেলে ত বিশেষ স্মৃথী হবে না । আমি সম্রাট আলা-
উদ্দিনের জ্যেষ্ঠ পুত্র খিজির খাঁ ।

দেবলা দেবী।

[চতুর্থ দৃশ্য ।

দেবী। পরিচয় নামে নয়,—পরিচয় মুখে। আপনি যেই হ'ন—ঐ ধীর
প্রশান্ত বদনমণ্ডল,—ঐ দীর্ঘ স্নিগ্ধ আয়ত নয়নযুগল দেখে, কেমন
ক'রে ধারণা ক'রব যে আপনার হৃদয় শয়তানের লীলাভূমি! হে
অপ্রত্যাশিত বান্ধব, আপনি যেই হ'ন—অসংখ্য ধন্যবাদের সঙ্গে
আপনার সাহায্য গ্রহণ ক'রছি।

খিজির। উত্তম, তবে এস—(প্রস্থানোত্তত ও ফিরিয়া) আমার প্রত্যাগমন
পর্যন্ত এইখানে শিবির সংস্থাপিত রাখবে। চল বন্ধু—

[দেবলা, দেবীদাস ও খিজিরের প্রস্থান।

কাফুর। সব শিবিরে যাও।

[সৈন্যগণের প্রস্থান।

এই উচ্ছ্বল যুবকের আজাদীম হ'য়ে থাকতে হ'বে! কুকণে
আলাউদ্দিনের দাসত্ব স্বীকার ক'রেছি। (গগপতের প্রবেশ)

গগপৎ। কি ভাবছ খাঁ সাহেব ?

কাফুর। কই; বিশেষ কিছু নয়।

গগপৎ। তবু—

কাফুর। সাহাজাদা দেবলাকে মুস্তোর মধ্যে পেয়েও ছেড়ে দিয়েছেন।
শুধু তাই নয়, নিজে রক্ষী হ'য়ে তাকে দেবগিরি পৌছে দিতে
গিয়েছেন।

গগপৎ। তারপর ?

কাফুর। আপাততঃ এই পর্য্যন্ত।

গগপৎ। তুমি কেন নিষেধ ক'রলে না ?

কাফুর! ক'রেছিলেম, কিন্তু কোন কল হয় নি।

গগপৎ। সেকি! সাহাজাদা তোমাকে অমান্ত ক'রলেন।

কাফুর। তিনি সেনাপতি—আমি তাঁর অধীন সেনানায়ক মাত্র।

গগপৎ। হ'লেনই বা তিনি সেনাপতি—তুমিও একটা'য়ে সে লোক নও।

সত্ৰাট স্বয়ং তোমার পরামর্শ না নিয়ে এক পাও চলেন না, আর

কুমার তোমাকে অমান্ত ক'রলেন ! আশ্চর্য ! কাফুর, তোমার যে শৌর্য এবং বুদ্ধিমত্তা,—এতে রাজকাণ্ড পরিচালনা করা যায় না কি ?

(কাফুর গগপতের মুখের দিকে চাহিয়া রহিলেন ।

গগপৎ বলিতে লাগিলেন)

সম্রাট আলাউদ্দিনের স্বাস্থ্যভঙ্গ হয়েছে । তাঁর মৃত্যুর পর—আমার ইচ্ছা যে, এই সিংহাসন কোন যোগ্য ব্যক্তি দ্বারা অলঙ্কৃত হয় । তোমার কি মত ?

কাফুর । এ অতি উত্তম প্রস্তাব ।

গগপৎ । আলাউদ্দিনের পুত্রগণ বিলাসী, উচ্ছৃঙ্খল, ইন্দ্রিয়পরায়ণ, হিতাহিত-জ্ঞানশূন্য—তাদের সিংহাসনে বসালে পৃথিবীরাজের আসনের অমর্যাদা করা হবে । কি বল ?

কাফুর । নিশ্চয় ।

গগপৎ । তোমার আমার মস্তকে কি মুকুট মানায় না ? তুমি কি এ সিংহাসনের অল্পযুক্ত ?

কাফুর । গগপৎ ! আমি তোমার কথা ঠিক বুঝতে পা'রছি না !

গগপৎ । কেন পা'রবে না ? আমি বুঝিয়ে দিচ্ছি । সাগরের কূলে দাঁড়িয়ে তেউ গগতে চাও—না মাণিক তুলতে চাও ? শোন কাফুর, উন্নতির জন্য তুমি আমার জ্যেষ্ঠতাত করুণসিংহকে পরিত্যাগ করেছিলে, তাই তার এই শোচনীয় পরিণাম । অন্তে যাই বলুক, আমি তোমার সে কার্যের প্রশংসা করি । কে কার জন্য পেছনে পড়ে থাকতে চায় ? কাফুর—ধাপে ধাপে উপরে উঠে যাও—প্রত্যেক সুযোগটিকে আঁকড়ে ধর , এই আমি,—বলত কাফুর—কেন এই বিধর্মী পরম শত্রুর দাসত্ব স্বীকার ক'রে বিবেকের বিরুদ্ধে কাণ্ড ক'রছি, কারণ আর কিছুই নয়—আমি সুযোগের অপেক্ষায় আছি । আমার উদ্দেশ্য

শুক আমার জ্যেষ্ঠতাতের রাজ্য পুনরুদ্ধার করি । বর্তমানে তোমার সমকক্ষ ব্যক্তি ভারতে নেই—দিল্লী সিংহাসনও বড় তুচ্ছ জিনিষ নয় । কেন এ সুযোগ ছাড়বে ?

(কাফুর নিরুত্তর হইয়া ভাবিতে লগিলেন)

ভারত আমাদের । ভাব দেখি একবার—কোন সুদূর দেশ থেকে পাঠান এ রাজ্য এসেছে ? ভাব দেখি একবার—কি ভাবে তারা এই রাজ্য শাসন করছে ! প্রকৃত পক্ষে করবার যা কিছু তা' এই দেশবাসী আমরাই করছি. তারা শুক দিবারাত্রি প্রমোদের পবন-পক্ষে নিমজ্জিত । কাফুর, তোমার দেহেও হিন্দুর শোণিত প্রবাহিত । অবস্থা-বিপর্যাসে তুমি পরমান্বরে গঠনে বাধ্য হ'য়েছ, কিন্তু আমি তোমায় হিন্দুই মনে করি । এস ভাই, আমাদের হতরাজ্য আমরা পুনরুদ্ধার করি—পৃথিবীরাজের সিংহাসন থেকে পাঠানকে দূর করে তাড়িয়ে দিই ।

কাফুর । তুমি ঠিক বলেছ গণপং—আমি এ প্রস্তাবে সম্মত ।

গণপং । এই ত তোমার যোগ্য কথা ; তবে ভগবানের নামে শপথ কর, এই মহাকাব্যে, প্রয়োজন হ'লে, প্রাণ দিয়েও আমার সাহায্য করবে ।

কাফুর । শপথ করছি—

গণপং । উত্তম ! তুমি নিশ্চিত জেন কাফুর, এ সিংহাসন তোমার ।

কাফুর । না গণপং; যদি কখনও সম্ভব হয়—সিংহাসন তোমারই হবে ।

আমি তোমার জ্যেষ্ঠতাতের গোলাম ছিলাম, আজ থেকে আবার তোমার আশ্রাবহ । আমি সিংহাসন চাই না, আমি চাই—
দাসত্বের মধ্যে স্বাধীনতা ;—সেটুকু পেলেই আমি তুষ্ট ।

গণপং । বেশ, তাই হবে । এত উদার, এত মহৎ তুমি কাফুর !

কাফুর । চল, শিবিরে যাই ।

[প্রস্থান ।

পঞ্চম দৃশ্য ।

দেবগিরি—রাজসভা ।

(বলদেব সিংহাসনে উপবিষ্ট । সভাসদগণ । সম্মুখে নতজানু দেবীদাস ।
দেবলা ও খিজির কিছুদূরে দণ্ডায়মান ।)

বলদেব । আমরা মারাঠা,—হলকর্ষণের দ্বারা জীবিকার সংস্থান করি—
গুজরাটের প্রবল প্রতাপান্বিত মহারাজ করুণসিংহের কন্যাকে আশ্রয়
দেবার উপযুক্ত স্থান ও শক্তি আমাদের নেই ।

দেবী । অভিমান ত্যাগ করুন মহারাজ, আজ আমরা বড় বিপন্ন ।
আলাউদ্দিনের বিরাটবাহিনী আমাদের পেছনে । আপনি আশ্রয়
না দিলে, এ বালিকাকে কে রক্ষা করবে ? এখনই এ পাঠানের
করায়ত্ত হবে—হিন্দুনারীর মর্যাদা থাকবে । হিন্দু আপনি, হিন্দু-
ললনাকে রক্ষা করুন ।

বলদেব । কোথায় আজ তোমাদের সে জাত্যাভিমান,—যার জন্য এক
দিন অপমান করে আমাদের তাড়িয়ে দিয়েছিলে ?

দেবী । পুনঃ পুনঃ কেন সে কথা ভুলছেন । এই বালিকার মুখ চেয়ে
—এর আসন্ন বিপদের কথা স্মরণ করে—সে কথা ভুলে যান ।

বল । সে কথা ভুলবার নয় ।

দেবী । তবে কি আশ্রয় পাব না ?

বল । না—

খিজির । (স্বগত) কাপুরুষ—

দেবী । নতজানু হ'য়ে আমরা অপরাধ স্বীকার করছি—ক্ষমা করুন ।
দোষের কি মাজ্জনা নেই ? দোঁঃগাই আপনার, অতীত বিস্মৃত
হ'য়ে প্রসন্নমনে একবার আমাদের দিকে চান,—এই বালিকাকে
রক্ষা করুন—বড় মুগ্ধ করে আজ আপনার শরণাগত হ'য়েছি—

দেবলা দেবী ।

[পঞ্চম দৃশ্য ।

আমাদের ফিরিয়ে দেবেন না । রক্ষা করুন—এই অসহায়া বিপন্ন
বালিকাকে রক্ষা করুন ।

বল । করুণসিংহের কণ্ঠ্যর জন্তু তোমার কোন প্রাথনাই পূর্ণ হবে না ।
দেবলা । দেবীদাদা, দেবীদাদা, চ'লে এস,—আর এক মুহূর্ত্তও নয় ।
দেবী । চূপ কর্ দিদি—আমরা যে ভিখারি ! ভিক্ষকের আবার মান
অভিমান কি !

দেবলা । পিতৃনিন্দা আর কত শুনব ?

দেবী । কি ক'রবি দিদি—তোমার অদৃষ্টের দোষ ! নইলে করুণসিংহের
কণ্ঠ্য হ'য়ে আজ দেবগিরিতে আশ্রয় ভিক্ষা ক'রতে আস'বি কেন ?
মহারাজ ! ও বালিকা,—ওর কোন কথায় আপনি রুষ্ট হবেন
না । আপনি মহান্, আপনি এই বিশাল সাম্রাজ্যের অধিপতি,—
সহস্র দীন দরিদ্রের প্রতিপালক,—আমাদের উপর সদয় হ'ন !

বল । কেন পুনঃ পুনঃ বিরক্ত ক'রছ—তা হবে না । কে আছিন্,
এদের দুর্গের বাহিরে রেখে আয় ।

দেবী । মহারাজ, একান্তই যদি আশ্রয় না দেন, তবে হিন্দু আপনি—
আপনার সমক্ষে এই বালিকাকে হত্যা ক'রে এর মর্যাদা রক্ষা
ক'রুন ; পারেন—দাঁড়িয়ে দেখুন । মহারাজ, এই সেই পবিত্র
তরবারি,—যার সাহায্য গ্রহণ ক'রে আমার দেবতুল্য প্রভু,
কলঙ্ক ও গনস্তাপের জালা থেকে নিজেকে রক্ষা ক'রতে মরণের
বৃক মুখ তেকেছেন,—আর আমি সেই দেবীদাস, যে সে মৃত্যু
প্রসূরমূর্ত্তির মত নির্ঝাক—নিশ্চল হ'য়ে চোখের উপর দাঁড়িয়ে
দেখেছে—একটুও কাঁপেনি—একটুও টলেনি ! বলুন, এখনও
আশ্রয় দেবেন কি না ?

বল । কে এ বাতুল ! যাও, এখান থেকে বেরিয়ে যাও ।

দেবী । হাঁ যাচ্ছি । তবে যাবার পূর্বে আপনার কীর্ত্তির এমন

একটা স্থায়ী চিহ্ন রেখে যা'ব, যা, আপনার মৃত্যুর পরও জলন্ত অক্ষরে জাজ্জল্যমান থাকবে । (দেবীর প্রতি) দাঁড়া দিদি, কোন ভয় নেই । জয় একলিঙ্গদেবের জয় !

খিজির । কি কর বন্ধু ?

দেবী । হাত ছাড়—এ ভিন্ন অন্য উপায় নেই ।

(লক্ষ্মীবাঈএর প্রবেশ)

লক্ষ্মী । কে বলে অন্য উপায় নেই ! আমি আশ্রয় দেব । এস বালিকা, নারী ভিন্ন নারীর ব্যথা আর কে বুঝবে ? এস মা, আজ থেকে এই বৃদ্ধাই তোমার রক্ষক ।

দেবী । কে তুমি মা, জগজ্জননি—জগদ্ধাত্রীর মত নেমে এসে আমাদের এই বিপদ সাগর হ'তে কোলে তুলে নিলে ?

লক্ষ্মী । কে আমি ? পরিচয় দিতে যে আমার মাথা লুইয়ে পড়ে—
আমি—আমি—ঐ কুলদ্বারের জননী ।

দেবী । মা, মা, তবে কি যথার্থই কুল পেলেম । জয় একলিঙ্গদেবের জয় ! বা দিদি, আর ভয় নেই । যে বক্ষে আজ তুই আশ্রয় পেয়েছিস, শত ঝঞ্ঝাট আর তোর কোন শঙ্কা নেই । মহারাজ, আমাদের পূর্বাপরাধের কথা বিস্মৃত হ'য়ে—এখন একবার প্রসন্ন হ'ন ।

লক্ষ্মী । কোন প্রয়োজন নেই । আমি আশ্রয় দিয়েছি—আমি রক্ষা ক'রব । বলজি, তুমি না হিন্দু—তুমি না বীরধর্মী—যোদ্ধা ব'লে না তোমার বড় অভিমান ! ছিঃ ছিঃ ছিঃ ছিঃ—

খিজির । (স্বগত) এই মারাঠা-জননী ! এ জাতি জাগবে । যে জাতির মধ্যে এমন “মা” জন্মেছে, সে জাতির অভ্যুত্থান অবশ্যস্তাবি ।

লক্ষ্মী । শরণাগতকে রক্ষা করা প্রত্যেক বীরের অবশ্য কর্তব্য ; নইলে কিসের জন্ত শোঁধ্যা—কিসের জন্ত শক্তির উপাসনা ? বিক তোমাকে

কাপুরুষ

দেবলা দেবী ।

[প্রথম দৃশ্য ।

বল । মা, মা, আর আমায় তিরস্কার ক'র না । অভিমানের কুহকে আমার নয়ন আচ্ছন্ন ছিল,—তোমার মহত্বের উজ্জ্বল আলোকে সমস্ত আবিলতা দূর ক'রে আমার চোখ খুলে দিয়েছে । মহিমাময়ী জননী, এই ভাবে হাত ধ'রে এই অন্ধকার প্রশ্ন-কুটিল জগতে আমাকে পথ দেখিয়ে নিয়ে যাও—শত সমস্তার মীমাংসা ক'রে আমার ধম্মে—আমার কৰ্ম্মে,—আমার সাধনায় আমাকে সফলতার কিনারায় নিয়ে পৌঁছে দিয়ে আমার শক্তিহীন জীবনকে ধন্য কর । রাজপুত্রবীর, আমার দুর্ব্যবহারের কথা বিস্মৃত হও,—আমাকে মার্জনা কর । সম্রাটের বাহিনীকে শত্রু ভাবে গ্রহণ ক'রব—প্রয়োজন হ'লে তোমাদের জগ্ন জীবনদানেও কুণ্ঠিত হ'ব না ।

খিজির । মহারাজ, তবে আমার নিমন্ত্রণ গ্রহণ করুন ।

বল । কে আপনি ?

খিজির । আমি যে মুসলমান, তা পরিচ্ছদ দেখেই বুঝতে পারছেন ।

আমার অণু পরিচয়—আমি দিল্লীশ্বরের বর্তমান বাহিনীর সেনাপতি ।

বল । আপনার নাম জ'নতে পারি কি ?

খিজির । নাম বলায় বিশেষ আপত্তি নেই । তবে শুণ্ণ মহারাজ, আমি

সম্রাট আলাউদ্দিনের জ্যেষ্ঠপুত্র খিজির খা ।

বল । সম্রাটের জ্যেষ্ঠপুত্র খিজির খা !

খিজির । হাঁ মহারাজ, আপনাকে নিমন্ত্রণ ক'রতেই আমি এতদূর এসেছি ।

দেবী । না মহারাজ, এই উদার যুবক আমার সঙ্গিনীর রক্ষী হ'য়ে

এতদূর এসেছেন ।

বল । রাজপুত্র ! তোমার কথা আমি ঠিক বুঝতে পারছি না ।

তোমার প্রভুকণ্ঠাকে ধ'রবার জগ্ন না এঁরা এসেছেন ?

খিজির । আমি বুঝিয়ে দিচ্ছি মহারাজ । দেবগিরির সীমান্তে আমার

নৈগ্ণদের সঙ্গে এঁদের দেখা হয় । সে সময় ইচ্ছা ক'রলে অন্যায় সে

আমি এ বালিকাকে করায়ত্ত ক'রতে পারতাম ; কিন্তু তা করিনি, বিশদহস্ত সৈন্তের নায়ক হ'য়ে তস্করের মত ব্যবহার ক'রতে আমার প্রবৃত্তি হয়নি । তাই রক্ষী হ'য়ে এঁদের এখানে পৌঁছে দিয়েছি, এই মাত্র ।

বল । বুঝলেম—আপনি বীর ; কিন্তু উপস্থিতক্ষেত্রে আমি আপনাকে ছেড়ে দিতে পারি না । কারণ আমার দুর্গে প্রবেশ ক'রে আপনি অনেক আভ্যন্তরিক অবস্থা অবগত হ'য়েছেন ।

খিজির । কি ক'রতে চান ?

বল । আপাততঃ কিছুদিন—অর্থাৎ যুদ্ধ শেষ না হ'ওয়া পর্যন্ত আপনাকে বন্দী থাকতে হবে ।

খিজির । তা'তে আপনার লাভ ?

বল । যুদ্ধকালে যে সকল বিষয় আমার প্রতিকূলে আ'সবে, সে সমস্ত আপনি অবগত হ'য়েছেন । আপনাকে ছেড়ে দিলে, আমার বিপদ হ'তে পারে ।

খিজির । বন্দী করা না করা সে অবশ্য আপনার অভিক্রটি । তবে আপনার আশঙ্কা সম্পূর্ণ অমূলক । আমায় বিশ্বাস করুন, অগ্রায় সংগ্রামে জয়লাভ ক'রবার প্রবৃত্তি আমার নেই । আমি লক্ষ্য ক'রেছি, আপনার দুর্গের দক্ষিণাংশ স্বদৃঢ় নয়—সংস্কার আবশ্যক । কতদিনের মধ্যে আপনি প্রস্তুত হ'তে পারবেন ?

বল । দুই সপ্তাহে ।

খিজির । উত্তম,—দুই সপ্তাহ পরে দেখা হবে ।

(প্রস্থানোচ্চত ও ফিরিয়া) মাফ ক'রবেন মহারাজ, আমার সম্বন্ধে আপনার আদেশে ?

বল । কিসে বুঝাব যে আপনি আপনার প্রতিশ্রুতি পালন ক'রবেন ?

দেবলা দেবী।

[পঞ্চম দৃশ্য।

খিজির। আমার মুখের কথায়। মহারাজ! খিজির খাঁর কথা আর
কাজে বড় নিকট সম্বন্ধ।

বল। যান—আপনি মুক্ত।

খিজির। মহারাজের সৌজন্তে স্থখী হ'লেম না। আপনি আজ আমায়
যদি বধ অথবা বন্দী ক'রতেন, তবে আমি বুঝতাম যে প্রারম্ভেই
মারাঠা জাতির মধ্যে নীচতা ঢুকেছে—এদের উন্নতি অসম্ভব। এই
মহীয়সী নারীকে দেখে আমার মনে যে আশঙ্কা জেগেছে, তা'
মুহূর্তে অপনোদিত হ'ত। কিন্তু তা' হ'বার নয়—এ জাতির
উত্থান অবশ্যস্তাবী। তবে কিলম্ব আছে; যে দিন প্রতি ঘরে
এইরূপ “মা” হবে, সেই দিন এই জাতি দিল্লীর অটল সিংহাসনও
টলাবে—এদের জয়-ডঙ্কার গভীর নিনাদ হিমালয়ে প্রতিধ্বনিত
হ'বে। মহিমাময়ী নারী! যাবার পূর্বে তোমাকে একবার
আমার “মা” ব'লে ডা'কতে ইচ্ছা হচ্ছে। তুমি শুধু বলজির
মা নও—তুমি জগতের মা। তা হ'লে আসি মহারাজ,—বিদায়
বন্ধু—সেলাম—সেলাম—

[খিজিরের প্রস্থান।

দ্বিতীয় অঙ্ক ।

—०ঃ०—

প্রথম দৃশ্য ।

শিবিরাত্যন্তর ।

(খিজির খাঁ, আলী ও নর্তকীগণ ।)

নর্তকীগণের গীত ।

ঝগ ঝগ ঝগ ঝগ পিয়লা বাজে ।
ঝুগু ঝুগু ঝুগু ঝুগু মঞ্জীর গাজে ॥
বেগু বীণা ঘন বাজে মৃদঙ্গ,
কদম্বে উঠিছে তান তরঙ্গ,
আও আও পিয়ারী, নাচি ঘুরি কিরি,
হেলই হুলই সারি সারি সারি,
হানি ঝর আখিশর তুলিয়ে প্রলয় বড়,
পিরাসী প্রেমিক হৃদয়-মাবে ॥

(গান চলিতেছে এমন সময় কাফুর ও গণপতের প্রবেশ ।

নর্তকীদল গান বন্দ করিল)

খিজির । কি সব থাম্লে যে—

আলীখাঁ । আজ্ঞে—

খিজির । চোপরাও বেইমান—চালাও নাচ—চালাও গান—ফুঁতি

চাই—জমাট—ভরপুর—

দেহলা দেবী।

[প্রথম দৃশ্য।

কাফুর। তার পূর্বে আমার একটা কথা শুধলে বিশেষ বাধিত হব
সাহাজাদা—

খিজির। আমার এখন বাধিত ক'রবার সময় নেই, নাচ,—
গাও—

কাফুর। আমি বেশী সময় নেব না।

খিজির। কেন বিরক্ত ক'রছ, ইচ্ছা হয়—এই আনন্দে যোগ দাও।

কাফুর। মাফ্ ক'রবেন সাহাজাদা—

খিজির। তা' আমি জানি কাফুর। তুমি তা' পারবে না, আর তোমার
বন্ধুটির ত অসাহায্য। একাজে ভরা বুক চাই—খোলা প্রাণ চাই—
আলীখাঁ—

আলী। খোদাবন্!

(সজদান ও খিজিরের পান)

কাফুর। আর কত দিন এমন নিশ্চলভাবে শিবির কৈলে ব'সে
থাকব ?

খিজির। আরও ছয় দিন।

কাফুর। আরও ছয় দিন!

খিজির। তা'তে আশ্চর্য্য হ'চ্ছ কেন ?

কাফুর। কারণ জানতে পারি কি ?

খিজির। আমি বলদেবকে প্রস্তুত হ'তে দুই সপ্তাহ সময় দিয়েছি।

কাফুর। বলেন কি ! শত্রুকে প্রস্তুত হ'তে সময় দিয়েছেন !

খিজির। হাঃ হাঃ হাঃ—মাতালের খেয়াল !

কাফুর। এ আপনার কি রণনীতি আমি ঠিক বুঝতে পারছি না
সাহাজাদা—

খিজির। আমার দুর্ভাগ্য ! দেখ কাফুর খাঁ, একে বিশহাজার সৈন্য
নিয়ে এসেছি এক অসহায়া বালিকাকে ধরতে,—তার উপর, তার

দ্বিতীয় অঙ্ক ।]

দেবসী দেবী ।

আশ্রয়-দাতাকে অপ্রস্তুত অবস্থায় যদি আক্রমণ করি, তবে বীর-
সমাজে আর মুখ দেখাতে পারিব না ।

কাফুর । সম্রাট আপনার এ আচরণে বিশেষ সন্তুষ্ট হবেন বলে আমার
বোধ হয় না ।

খিজির । কারণ ?

কাফুর । সহজে যে কার্য সম্পন্ন হ'ত, তা' এখন স্কন্ধিন হ'য়ে দাঁড়াবে ।

খিজির । সম্পন্ন হবে ত ?

কাফুর । তা' হ'তে পারে ।

খিজির । তবে কঠিনতা যে সম্পন্ন ক'রতে পারে, সে কেন সহজটা
ক'রে নিজের অক্ষমতার পরিচয় দেবে ?

কাফুর । কিন্তু এ রণনীতি নয়—

খিজির । আলী খাঁ—

আলী । খোদাবন্ । (মগদান ও পান)

খিজির । দেখ কাফুর, যুদ্ধটা যে খেলা মনে করে, প্রাণটাকে যে ধুলোর
মত তুচ্ছ জ্ঞান করে, তার রণনীতি এই রকম । ওঃ—কথায় কথায়
অনেক সময় নষ্ট হচ্ছে—

কাফুর । তাহ'লে আমরা যাচ্ছি—

খিজির । কেন ? একটু শোনাই না—প্রাণটাকে একটু তরল ক'রে
নাও—দেখবে চোখের আঁধার কেটে গিয়ে সব সাদা হ'য়ে যাবে ।
কি, চ'লবে ?

কাফুর । ক্ষমা ক'রবেন সাহাজাদা—এম গগপত ।

(গগপৎ ও কাফুরের প্রস্থান)

খিজির । প্রাণের কথা যে চোখে ফুটে বেরোয় । যাক, বাধা পেয়ে জমাট
স্ফুর্তি ভেঙ্গে গেছে । কৈ হায়, আমার অশ্ব ! তোমরা বিশ্রাম করগে'
—আমি শিকারে যাব । (প্রস্থানোচ্চত ও ফিরিয়া । আলী খাঁ !

দেবলা দেবী ।

[দ্বিতীয় দৃশ্য ।

আলী । খোদাবন্

খিজির । লেয়াও উল্লুক—

আলী । হুজুর মেহেরবান্ !

(মদ্যদান ও খিজিরের পান)

খিজির । ব্যস—এইবার হয়েছে ।

[প্রস্থান ।

(বিপরীত দিকে অন্ধ সকলের প্রস্থান)

দ্বিতীয় দৃশ্য ।

ভূর্গাত্যন্তর—দ্বিহুল প্রাসাদের গবাক্ষ ।

(দেবলা গান করিতেছেন, অন্তরালে দাঁড়াইয়া বলদেব শুনিতেছেন)

দেবলার গীত ।

সহিতে—দহিতে—জনম মম,

কে আছে অশাগী আমারই মম ।

নয়ন ভলে সদা যে ভাসি,

গিরছে শুধরে অধরে হাসি,

সঙ্কিত হৃদয়ে শুধুই তম ।

(বলদেব গীত সমাপ্ত হইলে ধীরে ধীরে নিকটে আসিলেন)

বলদেব । দেবলা—

দেবলা । (চমকিত হইয়া) কে ? ওঃ—আদেশ করুন মহারাজ—

বলদেব । মহারাজ ! এই কি তোমার নিকট আমার যোগ্য সম্ভাষণ

দেবলা—

দেবলা । আপনাকে ত সবাই 'মহারাজ' ব'লে ডাকে—

বল । সবাই ডাকে ব'লে কি তোমারও ডা'কতে হবে ! মনে পড়ে

দেবলা, সেই দুই বৎসর পূর্বের কথা ;—আমার স্বর্গগত পিতৃদেবের

সঙ্গে আমি তোমার পিতার আশ্রয়ে অতিথিস্বরূপ অবস্থান

দ্বিতীয় অঙ্ক]

দেবলা দেবী।

ক'রছিলেম। এমনি এক শারদীয় মধুর প্রভাতে পুষ্পডালা হস্তে এক
পুষ্পরাণীর সঙ্গে আমার সেই প্রথম পরিচয়,—চোখে চোখে সেই
প্রাণের আকুল আবেদন,—তারপর সেই কুম্বমোহানে প্রত্যহ
মিলন,—দিনে দিনে ঘনিষ্ঠতা—হৃদয়ের ভাব বিনিময়,—মনে পড়ে ?

দেবলা। পড়ে।

বল। তারপর সেই অভিশপ্ত বিদায়ের মুহূর্ত্ত—চারি চক্ষু ছল ছল,—
বাম্পপূর্ণ,—দুটি প্রাণ বেদনা-বিধুর ;—দুটি রসনা নীরস—নীরব—
নিথর ; তারপর,—তারপর এক প্রলয়ের অন্ধকার ; পায়ের নীচে
দিয়ে জগত সরে গেল—চক্ষের দীপ্তি নিভে গেল,—মনে পড়ে ?

দেবলা। পড়ে—

বল। তখন,—তখন ত দেবলা—আমায় এত সম্মান ও সন্মোচের সঙ্গে
তুমি 'মহারাজ' ব'লে ডাকতে না—

দেবলা। তখন আপনি মহারাজ হ'লেন, তাই ডাকিনি—

বল। মহারাজ না ছিলেম, যুবরাজ ত ছিলেম। কই "যুবরাজ" ব'লেও ত
একবার ও আমায় ডাকিনি ! তখন ত ভুলেও একবার "তুমি" ভিন্ন
"আপনি" বলতে না—আজ কেন এ অনাহৃত সম্মান—এ নিশ্চয়
সন্মোচ দেবলা ?

দেবলা। আজ এর প্রয়োজন হ'য়েছে—

বল। কেন ?

দেবলা। অবস্থার পরিবর্তনের জন্ত—

বল। অবস্থার পরিবর্তন !

দেবলা। হাঁ মহারাজ, অবস্থার পরিবর্তন। দুই বৎসর পূর্বের সে
দেবলা ছিল রাজকন্যা, আর ঐ দেবলা আশ্রয়হীনা—সহায়হীনা
পরের গলগ্রহ।

বল। আমায় ক্ষমা কর দেবলা—

দেবলা দেবী।

[দ্বিতীয় দৃশ্য।

দেবলা। কিসের ক্ষমা মহারাজ ?

বল। অভিমান-বশে সে দিন বা' কিছু ব'নেছিলেম, ভুলে যাও—
আমার দুর্ভাবহারের কথা বিশ্বতির অতল জলে ডুবিয়ে ফেল।
আমি নরাদম—আমায় ক্ষমা কর। আবার একবার তেমনি
প্রেমস্নিগ্ধ দৃষ্টিতে আমার দিকে চাও—আবার একবার তেমনি
ক'রে আমাকে ডাক।

দেবলা। তা কি হয় মহারাজ ?

বল। কেন দেবলা ?

দেবলা। ভিখারিণী আজ কেন সাহসে রাজ্যেশ্বরের সঙ্গে সেই অসঙ্কেচ
ভাবে বাপহার ক'রবে ?

বল। এখনও অভিমান ! আমি ত এমন ছিলাম না দেবলা,—তুমিই
আমাকে উন্মাদ ক'রেছ, তাই আমি হিতাহিত জ্ঞান হারিয়েছিলেম।
জান কি দেবলা, তোমার জন্তু আমি কত সজ্জ ক'রেছি ?

দেবলা। মহারাজ !

বল। বেশ, আমি চ'ল্লেম। আর তোমাকে বিরক্ত ক'রতে আসব না।
আসন্ন যুদ্ধে সপ্তাহের মধ্যে আমার সমস্ত চিহ্ন এ জগত থেকে মুছে যাবে।
যা'ক—সেই ভাল। পলে পলে মৃত্যুর চেয়ে একেবারে সব গোল
মিটে যা'ক। একটা ভুল—জীবনে একটা ভুল।

(উদ্ভাস্তভাবে প্রশ্নান।

দেবলা। কি ক'রলেম ! স্মৃতি কুমতির স্বন্দ্র এ 'কোথায় এসে
প'ড়লেম ? প্রাণকে আর কত শাসবদ্ধ ক'রবার চেষ্টা ক'রব !
সে যে বিদ্রোহী হ'য়ে উঠ'ছে। ভিখারিণীকে চির-ঈশ্বরিত মাণিকের
সন্ধান দিলে, সে ত সেই নির্দিষ্ট স্থান দিয়ে চোখ বুজে
ইটবে। এই জগতের নিয়ম। তিনি আগুন নেভাতে এসে
ছিলেন—আমি বাতাস দিয়ে তাকে আরও শক্তিময় ক'রে তুললেম।

দ্বিতীয় অঙ্ক]

দেবলা দেবী ।

এ যে দাবাগির মত জ'লে উঠল—উঠুক; ঐ অনলে ঝাঁপ দিয়ে
কৃতকর্মের প্রায়শ্চিত্ত ক'রব ।

(গবাক্ষের পথে চাহিয়া রহিলেন ।)

তৃতীয় দৃশ্য ।

অরণ্য ।

[খিজিরের প্রবেশ]

খিজির । আশ্চর্য্য ! পুনঃ পুনঃ বর্ষা নিক্ষেপ ক'রলেন, আর
প্রতি বারে আমার লক্ষ্য ব্যর্থ হ'ল ! প্রাতঃকাল থেকে এই
দ্বিপ্রহর পর্য্যন্ত একটা ব্যাঘ্র লুকোচুরি খেলে আমাকে হয়রান
ক'রল ! ক্লান্ত অশ্বকে ছেড়ে দিতে বাধ্য হ'লেম ! রিক্ত হস্তে
প্রাণান্তেও শিবিরে ফি'রব না ! যেক্ষেপে পারি ঐ ব্যাঘ্র আজ
শিকার ক'রবই ক'রব । ক্ষুদ্র ব্যাঘ্র—ক্ষুদ্র শক্তি তার,—
কতক্ষণ আমার সঙ্গে জুঝবে ! ঐ যে, ঐ যে, ঝোপ থেকে
বেরিয়ে প্রাণরক্ষার জন্য উর্দ্ধ্বাস ছুটেছে ;—এবার আর তোর
নিস্তার নেই । [বেগে প্রস্থান ।

পট পরিবর্তন ।

(অরণ্য পার্শ্বস্থ প্রাস্তর । দূরে, দেবলা যেখানে দাঁড়াইয়াছিলেন,

সেই গবাক্ষ দেখা যাইতেছে । মৃত ব্যাঘ্র স্কন্ধে

খিজির খাঁর প্রবেশ)

খিজির । এ কোথায় এসে প'ড়লেম ? ঐ যে দেবগিরির দুর্গ !
তাইত, পথ ভুলে বিপথে এসে প'ড়েছি ! দুর্গের এত নিকটে
আসা উচিত হয় নি । কিন্তু আর যে পদমাত্র চ'লবারও আমার

শক্তি নেই,—পিপাসায় ছাতি ফেটে যাচ্ছে—ক্ষুধার যন্ত্রণায়
প্রাণ যাচ্ছে। যা হয় হবে, একটু বিশ্রাম করি ।

(বর্ষা ও ব্যাঘ্র ভূমিতে রাখিয়া উপবেশন)

আঃ কি স্নিগ্ধ সমীর—সমস্ত শরীর জুড়িয়ে গেল ! একটু জল
কোথাও পেতেম ।—নির্কোষ ব্যাঘ্র, জানিস্ আমার হাতেই তোমার
মৃত্যু, তবে প্রাণ রক্ষার এই নিফল চেষ্টা ক'রে কেন আমাকে
কষ্ট দিলি । না—না, তোমার অপরাধ কি ? তুই ত পশু,—সংসারের
সেরা সৃষ্টি এই মানুষ—এরাও কি মৃত্যু অনিবার্য জেনেও প্রাণ
রক্ষার কম চেষ্টা করে ! ঐ দেবগিরির অধীশ্বর—স্থির জানে—
কোন ক্রমেই আমার গতিরোধ ক'রতে পা'রবে না—তবুও
প্রাণপণে দুর্গসংস্কার, সৈন্যসংগ্রহ, অস্ত্রশস্ত্রের আমদানি ক'রছে ।
এত শোভা এ দুর্গের ! ক্ষুদ্র হ'লেও সৌন্দর্য্যে এর তুল্য দুর্গ
ভারতে আছে কি না সন্দেহ । ঐ যে গবাক্ষ পথে একখানি
প্রস্তর-প্রতিমা—মরি মরি, না জানি কোন সুদক্ষ শিল্পী কত
কৌশলে কত বৎসর পরিশ্রম ক'রে পাষাণের বুক থেকে ছিনিয়ে
এনেছে । ঐ প্রতিমা যদি জীবন্ত হ'ত—ঐ চক্ষু যদি বিজলি
খেলত,—ঐ অধর যদি হাস্যরঞ্জিত হ'ত—ঐ কণ্ঠ যদি কুজন ক'রে
উঠত—ঐ হৃদয়ে যদি ভাব খেলত,—তবে এর বিনিময়ে এ
বিশ্বব্রহ্মাণ্ড—একি ! একি ! আমি কি উন্মাদ না প্রকৃতিস্থ !
পাষাণ প্রতিমা বলে এতক্ষণ যাকে দারণা ক'রেছি, সে নড়ে
উঠেছে—সজীব রমণীমূর্তি ! একি সম্ভব ! এত সৌন্দর্য্য ! এ যে
কোটীকল্পজন্ম অনিমেষ নয়নে দেখলেও দেখে আশা মিটে না
কে এ ? সুন্দরি, ঐ দূর থেকে একবার আমার সন্দেহ ভঞ্জন
কর,—একবার তোমার সুধাকণ্ঠে চীৎকার ক'রে আমায় জানিয়ে
দাও যে তুমি জীবন্ত—প্রাণহীনা পাষাণ নও—

(যে সময় উদ্ভ্রান্ত ভাবে খিজির খাঁ দেবলাকে দোখতেছিলেন, সেই সময় দুইজন মারাঠা প্রহরী নিঃশব্দে আসিয়া তাঁহার কোষ হইতে তরবারি হস্তগত করিয়া তাঁহার ভাব লক্ষ্য করিতেছিল ও সহস্র বদনে পরস্পরের সহিত দৃষ্টি বিনিময় করিতেছিল ।)

খিজির । যেও না,—যেও না, সুন্দরী, ক্ষণেক অপেক্ষা কর—ক্ষণেক অপেক্ষা কর,—আর এক নিমেষের জন্ত তোমার ঐ ভুবনমোহন রূপ দেখে আমার চক্ষু-তৃপ্তির স্বেযোগ দাও, যাঃ—গেল, স্বপ্ন ভেঙ্গে গেল !

সৈন্যগণ । হোঃ হোঃ হোঃ—

খিজির । (চমকিত হইয়া) কে তোমরা ?

১ম সৈঃ । চেহারা দেখেই বুঝতে পারছেন মশাই, আমরা স্ত্রীলোক নই—পুরুষ—

খিজির । তারপর ?

১ম সৈঃ । তারপর পরিচ্ছদ দেখে বুঝতে পারছেন যে, আমরা অস্ত্র ব্যবসায়ী ।

খিজির । তা এখন কি উদ্দেশ্যে এখানে শুভাগমন ।

১ম সৈঃ । উদ্দেশ্য অতি মহৎ—অতিখিসংকার ।

খিজির । কি রকম ?

১ম সৈঃ । মহাশয় বিদেশী—তাতে বিধর্মী,—বিশেষতঃ এখন যুদ্ধ বিগ্রহের সময়, এক্ষেত্রে মশাইর কিছু দিন আমাদের অতিথিশালায় থাকতে হবে ।

খিজির । অর্থাৎ আমায় বন্দী ক'রতে চাও ?

১ম সৈঃ । ক'রতে চাই কি রকম ! মশাইত বহুক্ষণ থেকে আমাদের বন্দী ।

খিজির । বন্দী ! সিংহ শৃগালের বন্দী ! এ কি ! আমার তরবারি !
(প্রহরীদ্বয় উচ্চ হাস্য করিল)

দেবসী দেবী।

[তৃতীয় দৃশ্য।

১ম সৈঃ। মশাই আর কেন বৃথা খোঁজাখুঁজি ক'রছেন, তার চেয়ে
সোজা সূজি আগাদের সঙ্গে চ'লে আসুন না!

খিজির। বুঝলেম তোমরা কৌশলী, অতর্কিত অবস্থায় আমার তরবারি
হস্তগত ক'রেছ।

১ম সৈঃ। আপনিও ত বেশ বুদ্ধিমান—চট করে ধ'রে কেলেছেন।
এখন আমাদের সঙ্গে এসে আর একটু বুদ্ধির পরিচয় দিন দেখি।

খিজির। তোমরা অস্ত্র ব্যবসায়ী—বীরধর্মী,—আমি নিরস্ত্র—অস্ত্র দিয়ে
আমায় আত্মরক্ষার সুযোগ দাও।

২য় সৈঃ। কেন ওর সঙ্গে বৃথা বকাবকি ক'রছিস্? চল ধ'রে নিয়ে বাই।
চ'লে আয়। (খিজিরের হাত ধরিল

খিজির। থবরনার—(হাত ছাড়াইয়া লইলেন) এত স্পর্ধা!

১ম সৈঃ। শোন বন্দী, যেচ্ছায় না গেলে, বল প্রয়োগে তোমাকে যেতে
বাধ্য ক'রব।

খিজির। স্বপ্নেও মনে স্থান দিস্ না যে জীবিতাবস্থায় আমায় বন্দী করে
নিয়ে যাবি। নিরস্ত্র হলেও তোদের মত ছুটো মুষিককে বধ করা
আমার পক্ষে বড় কঠিন হবে না—

১ম সৈঃ। আক্রমণ কর—ওর মুণ্ড নিয়ে মহারাজকে উপহার দেব।
(আক্রমণ করিল)

(বেগে বালকবেশী নতিয়াব প্রবেশ)

নতিয়া। এই নিম্ন তরবারি—আত্মরক্ষা করুন।

(ক্ষিপ্ৰহস্তে তরবারি লইয়া খিজির প্রহরীদ্বয়কে আক্রমণ করিলেন
এবং তাঁহার তরবারি গমিয়া পড়িল।)

খিজির। লও, পুনরায় তরবারি লও—নিরস্ত্রের অস্ত্র আমি অস্বাঘাত
করি না। ধর তরবারি—

১ম সৈঃ । আমরা আর যুদ্ধ ক'রব না—

খিজির । কেন ?

১ম সৈঃ । পরাজয় স্বীকার ক'রছি ।

খিজির । এই রণকৌশল, এই খড়্গচালনা, এই বীরত্ব নিয়ে খিজির

খাঁকে বন্দী ক'রতে এসেছিলে ! মূর্খ ! কোথায় আমার অপহৃত
তরবারি ?

(১ম প্রহরী কোম হইতে তরবারি বাহির করিয়া দিল ।)

হা, এই বটে ।

১ম সৈঃ । আমাদের সম্বন্ধে আদেশ ?

খিজির । মৃষিকের প্রাণ সংহার ক'রে অসির অবমাননা ক'রব না ।

যাও, স্বস্থানে গমন কর । যদি লজ্জা থাকে—যদি মাতৃষ হও—অস্থ-

হীনের অঙ্গে আর কখনও অস্ত্রাঘাত ক'র না । যাও—

(প্রহরীদ্বয় প্রস্থানোত্তত)

একটা কথা,—ব'লতে পার—যাকে আমি ঐ দুর্গের গবাক্ষপথে
দেখেছিলাম, সে সজীব মূর্তি,—না প্রাণহীন প্রতিমা ?

১ম সৈঃ । সজীব বই কি । ঐ ত গুজরাটের রাজকন্যা, আমাদের
ভাবী-রাজ্যেশ্বরী—

খিজির । গুজরাটের রাজকন্যা ঐ,—ঐ দেবলা ?

১ম সৈঃ । আজ্ঞে হাঁ ।

খিজির । আমাদের ভাবী রাজ্যেশ্বরী ?

১ম সৈঃ । এই রকমই শুনেছি—

খিজির । এখনও বিবাহ হয়নি ?

১ম সৈঃ । এই যুদ্ধের পর নাকি হবে ।

খিজির । যাও ।

[প্রহরীদ্বয়ের প্রস্থান ।

তার মুখত কখনও দেখিনি—দেখবার চেষ্টাও করিনি । কেবল এক নিমেষের জন্য দৃষ্টি তার পায়ের উপর পড়ে, প্রাণকে চঞ্চল ক'রে তুলেছিল । তখনই বিবেকের কঠিন বশাঘাতে প্রাণকে নিরস্ত করেছিলাম । এত সুন্দর দেবলা ! এ যে ধ্যানের ধারণা—কল্পনার ছবি ! যুদ্ধান্তে ঐ মৌনধা-প্রতিমা কাপুরুষ বলদেবের হৃদয় আলো ক'রবে—বেহস্তের ছবি দানার অক্ষয়শায়িনী হবে ! ভাল, দেখা যাক ।

মতিয়া । মশায় বোধ হয় কোন নবাব বাদশার পুত্র ।

খিজির । কে ? ও—হাঁ, তা—কি বলছিলেন ?

মতিয়া । এতক্ষণ কি ঘুমুচ্ছিলেন—না জেগে স্বপ্ন দেখছিলেন ?

খিজির । না—না—আমি একটু অন্তমনস্ক হ'য়ে প'ড়েছিলাম । তা' কি বলছিলেন ?

মতিয়া । আপনি বোধ হয় কোন নবাব বাদশার পুত্র ?

খিজির । হাঁ, আপনি কি করে জানলেন ?

মতিয়া । তবে মশায় আমার থামতে হ'ল ।

খিজির । কেন ?

মতিয়া । ঐ যে 'আপনি' 'জানলেন' প্রভৃতি কথাগুলো—আমাকে বললে আমি বড় চটে যাই ! বিশেষ, আমি হচ্ছি প্রায় বালক—বলুন সত্য কি না ?

খিজির । হাঁ, বালক বই কি !

মতিয়া । তবে একদম 'তুমি' চালিয়ে দিন না,—যেহেতু আপনি বয়সে বড় ।

খিজির । বেশ, তাই হবে ।

মতিয়া । হাঁ—কি কথা হচ্ছিল ?

খিজির । কি ক'রে আমার পরিচয় পেলে ?

মতিয়া । পরিচয় ত আর কপালে জয়পত্র মেরে লেখা থাকে না,—
পরিচয় পাওয়া যায় ব্যবহারে ।

খিজির । ব্যবহারে !

মতিয়া । তা বই কি ! এই দেখুন প্রাণ আমার উড়ু উড়ু
করছিল—ভাগিাস্ আমি বনে ছিলাম, তাই দৌড়ে এসে জান্টাকে
ঘোল আনা বজায় রেখেছি । কেমন কি না বলুন—না এক দম
অস্বীকার ক'রবেন ! আপনারা ত সে বিষয়ে অনভ্যস্ত নন ।

খিজির । অস্বীকার ক'রব কেন ? তুমি আমার প্রাণ রক্ষা করেছ ।

মতিয়া । তবু ভাল যে আজ একটা উপকারের কথা স্বীকার করেছেন ।
এই বোধ হয় আপনার জীবনে প্রথম । হাঁ, তারপর, প্রাণ রক্ষা
ক'রলেম, মশায় কোথায় আমাকে ধন্যবাদ দেবেন, ছু'এক সন্ধ্যা
নিমন্ত্রণ ক'রে পোলাও—কালিয়া—কোপ্তা—কোম্বা খাওয়াবেন,—
তা নয়, ও সব চুলোয় থাক—আমার তরবারিখানা পর্য্যন্ত বাজেয়াপ্ত
—ফিরিয়ে দেবার নাম গন্ধ মেই ! এ সব কাজ আমাদের মত
গরীবে পারে না । উপকারীর অপকার—কৃতজ্ঞতার স্থলে কৃতঘ্নতা,
—প্রাণঢালা ভালবাসার পরিবর্তে হেনস্তা,—প্রার্থিত আত্মদানের
বিনিময়ে পদাঘাত,—এ ত সাহাজাদা, নবাবজাদা, আমিরজাদা-
দের ধর্ম । কি মশাই, হঠাৎ বড় গম্ভীর হ'লেন যে—একবার
চম্কে উঠেছেন—তাও লক্ষ্য ক'রেছি । বিবেক দংশনে শিউরে
উঠলেন, না অপ্রিয় সত্য শুনে মনে মনে চ'টে যাচ্ছেন ?

খিজির । (হাত ধরিয়া) বালক ! আমায় ক্ষমা কর । এই নাও
শৈশবের তরবারি । আমায় বিশ্বাস কর ভাই আমি অকৃতজ্ঞ
নই । তবে মনটা কিছু বিচলিত হওয়ায় এই বেয়াদবি হয়েছে ।
কিছু মনে ক'র না ।

মতিয়া । মনটা কিছু বিচলিত হয়েছিল ! কেন ? কি ভা'বছিলেন ?

খিজির । সে একটা সাধারণ কথা—

মতিয়া । সাধারণ কথা ! তা কা'কে ভাবছিলেন ?

খিজির । কা'কে !

মতিয়া । তা নয় ত কি ! আপনার যে বয়স, এ বয়সে লোকে ত কা'কেই ভাবে । আমরাও আপনার কয়সে 'কাকে' ভাবব । বলুন না লোকটা কে ? তাকি আর আপনি আমাকে ব'লবেন— তবে মেধাবান্ ব'লে দেশে আমার খ্যাতি ছিল,—আনি ঠিক বুঝে ফেলেছি । কি মশাই—ব'লব ?

(গীত)

আজু মঝু শুভদিন ভেলা ।
 আনি পেশু পরভাত বেলা ।
 সজনি ভাল করি পেশু না ফেল,
 মেধালা সঙ্গে তড়িত লতা অনু
 ফসলে শেল দেই বেলা ।
 ধনি অলপ-বয়সী বালা,
 অব মাধনি কুহপ-মালা ;
 খোরি বরণে, আশ না পুরল,
 বাচল মখন-আলা ।

কেমন মশায়, হয়েছে ?

খিজির । তুমি অদ্ভুত ! কথায় কথায় তোমার পরিচয় নেওয়া হয় নি,
 আপত্তি না থাকে ত পরিচয় দিয়ে আমার কৌতূহল চরিতার্থ কর ।

মতিয়া । পরিচয় নিতে হ'লে আগে মশায়, পরিচয় দিতে হয় ।

খিজির । আমি দিল্লীর সম্রাট আলাউদ্দিনের জ্যেষ্ঠপুত্র খিজির খাঁ ।

মতিয়া । হাঃ হাঃ হাঃ—কেমন মশায় মিলেছে ত ? হ'তেই হবে ।

আমার আর কি পরিচয় আপনাকে দেব—আমি ত আর নবাব
 বাদশার পুত্র নই, যে চট করে বাপের নামটি আউড়ে দেব, আর

আপনি পট্ ক'রে চিনে ফেলবেন । খোদাবক্স বা রহিমুল্যার মত
একটা নাম ব'ললে ত আর আপনি চিনবেন না । বিশেষ আমার
বাড়ী এ দেশে নয় ।

খিজির । কোথায় তোমার দেশ ?

মতিয়া । ইরানের নাম শুনেছেন ? সেইখানে ।

খিজির । তোমার নাম ?

মতিয়া । স্পষ্ট কথা ব'লতে হ'ল মশাই,—রাগ ক'রবেন না । আমাদের
ইরানী নাম আপনার উচ্চারণ হবে না—তার উপর অশুদ্ধ উচ্চারণ
শুনলে আমি বড় চটে যাই । নামে কাজ কি, আপনি
আমাকে “ইরানী” ব'লেই ডা'কবেন ।

খিজির । কি উদ্দেশ্যে এই কিশোর বয়সে সূদূর ইরান থেকে এখানে
এসেছ ?

মতিয়া । উদ্দেশ্য মশাই সবারই এক থাকে—স্বকার্য উদ্ধার । উদ্দেশ্যের
মধ্যে কোন তারতম্য কোথাও দেখা যায় না । সবাই স্বকার্য উদ্ধারের
জন্য ঘুরছি । কেমন ? তাই না ? তবে যদি জিজ্ঞাসা করেন,—কি
তোমার সে স্বকার্যটা ? তার উত্তরে আমি ব'লব, যে বুদ্ধিমান
লোকে সে সব প্রকাশ করে না । অল্পপরিচয় হ'লেও আপনি যদি
বুদ্ধিমান হ'ন, তা' হ'লে বেশ বুঝেছেন যে আমি একজন প্রকাণ্ড
বুদ্ধিমান । যেহেতু আমি বুদ্ধিমান—আমি ব'লব না ।

খিজির । বাগক ! তোমার মুখ যেন আমার পরিচিত ব'লে
বোধ হচ্ছে—বলতে পার, তোমার কি কোন ভগিনী
হ'লে ?

মতিয়া । কেন মশাই, সাদী ক'রবার সখ হ'য়েছে নাকি ? আমার এই
সুন্দর মুখখানি দেখে বুঝি ভাবছেন যে আমার কোন নিশ্চয় খুব
সুন্দরী হবে । তা' মশাই, বড়ই দুঃখের সঙ্গে জানাচ্ছি যে, সে

দিকে বিশেষ স্বেবিধা হবে না । এক দাদা আর ঐ খোদা ভিন্ন
সংসারে আমার কেউ নেই ।

খিজির । এত সাদৃশ্য হুজনে ! আশ্চর্য্য ! অথচ—যাক, এদিকে
কোথায় যাচ্ছিলে ?

মতিয়া । ঐ দুর্গে ।

খিজির । কেন ?

মতিয়া । যদি কোন চাকরি পাই ।

খিজির । তুমি চাকরি ক'রবে ?

মতিয়া । কি আর করি মশাই,—দাদা এই তরবারিখানা হাতে দিয়ে
সোজা পথ দেখিয়ে ব'ললেন—“যাও,—নিজের কাজ উদ্ধার কর' ।
মিথ্যা ব'লব না—অনেক দূর আমার সঙ্গে এসে, আমাকে এগিয়েও
দিয়েছেন । ব'লুন ত, এখন চাকরি ভিন্ন আর উপায় কি ?

খিজির । তুমি কি ক'রতে পার ?

মতিয়া । ইরানী, জন্ম হ'তে এক প্রতিশোধ নিতে শেখে ।

খিজির । আমি যদি কোন চাকরি দেই, ক'রবে ?

মতিয়া । না মশায় ।

খিজির । কেন ?

মতিয়া । আপনি বড় রূপণ—

খিজির । রূপণ !

মতিয়া । আজ্ঞে হাঁ ।

খিজির । (সহাস্যে) কিসে বুঝলে ?

মতিয়া । রূপণ না হ'লে এত বড় বাদশাহের পুত্র আপনি, নিশ্চয়ই
একটা শরীর-রক্ষক রাখতেন । আপনার প্রকৃতির পরিচয় না পেলে
আপনাকে ত আমি সম্রাট-পুত্র ব'লে বিশ্বাসই ক'রতেম না ।

খিজির । শরীর-রক্ষকের কি প্রয়োজন ?

মতিয়া । প্রয়োজনটা এখনও বুঝছেন না ! দুই একজন সঙ্গে থাকলে

ত আজ এই মারাঠাদের হাতে আপনার জীবন বিপন্ন হ'ত না ।

খিজির । সত্য ব'লেছ বালক । গোমাকেই আমার শরীর-রক্ষকের

পদে নিযুক্ত ক'রছি—বল, কি বেতন চাও ?

মতিয়া । আমরা ইরাণী,—বেতন নিই না ।

খিজির । তবে ?

মতিয়া । প্রাণ—

খিজির । উত্তম । তাই হবে,—প্রাণদাতা—এ প্রাণ তোমার ।

মতিয়া । (নতজানু হইয়া খিজিরের পদতলে তরবারি রাখিয়া)

সাহাজাদা ! আজ থেকে আপনার গোলামী স্বীকার ক'রলেন ।

অনেক রুচ কথা ব'লেছি, গোস্তাকি মাক হস্ত ।

খিজির । কি ক'রছ ইরাণী ! তোমার স্থান ত ও নয় । তোমার স্থান

এই বক্ষে । এস প্রাণদাতা, আমার হৃদয়ে এস—

(আশিষ্টকন করিতে গেলেন ।)

মতিয়া । (সরিয়া) মশাই, এখানে আমার পোষাবে না । আপনি অতি

বেয়াড়া মনিব, গোলামের সঙ্গে ব্যবহার ক'রতে জানেন না ! আপনি

জানবেনই বা কি করে,—কোন দিন ত লোকজন রাখেন নি ।

খিজির । কে গোলাম ? তুমি ? না, না, ইরাণী, তুমি গোলাম নও,

প্রাণদাতা,—বন্ধু, চল তোমার কথা শুনতে শুনতে শিবিরে যাই ।

মতিয়া । বাঘটা কি ওখানেই পড়ে থাকবে ?

খিজির । হাঃ হাঃ হাঃ—ও ত একেবারেই ভুলে গিয়েছি । তুমি

আমার যোগ্য পার্শ্বরক্ষক—চল বন্ধু—

মতিয়া । চলুন—(খিজির ব্যাঘ্র সন্ধে করিয়া মতিয়ার হাত ধরিলেন)

ও বধা কার ?

খিজির । তাই ত ! পদে পদে আজ আমার ভ্রম হ'চ্ছে । মারাঠাদের

দেবী দেবী ।

[চতুর্থ দৃশ্য ।

সঙ্গে সংগ্রামের সময়ও আমার এ বর্ষার কথা মনে হয় নি, আশ্চর্য্য !
যোগ্য ব্যক্তিকেই আমার শরীর-রক্ষকের পদ দিয়েছি । ইবাণী !
এইবার বোধ হয় যাওয়া যাবে—

মতিয়া । চলুন । (যাইতে যাইতে স্বগত) সেই একদিন, আর এই
একদিন ! ওঃ—

[উভয়ের হাত ধরাধরি করিয়া প্রস্থান ।

চতুর্থ দৃশ্য ।

কক্ষ ।

(দেবীসিংহ ও বলদেব ।)

দেবী । এ আপনি কি ক'রলেন মহারাজ,—সুযোগ পেয়ে স্বেচ্ছায় তা
পরিভ্যাগ ক'রলেন । মহানুভব খিজির খাঁ প্রস্তুত হবার জন্য
আমাদের যে দুই সপ্তাহ সময় দিয়েছিলেন তা' পূর্ণ হ'তে এখনও
পাঁচ দিন বাকী । যে সৈন্য সংগৃহীত হ'য়েছে, পাঁচ দিনে অনায়াসে
তার দ্বিগুণ সৈন্য সংগ্রহ ক'রতে পারতেন,—দুর্গ সম্পূর্ণরূপে সংস্কার
ক'রতে পারতেন । হেলায় এ সুযোগ ত্যাগ করে আজই আপনি
পাঠান-শিবিরে “প্রস্তুত হয়েছেন” বলে সংবাদ পাঠালেন !

বল । কি ক'রতে চাও ?

দেবী । এখনও সময় আছে—ক্ষিপ্ৰগামী অশ্বারোহী পাঠিয়ে দূতকে
কিরিয়ে আনুন—

বল । তা' আর হয় না দেবীদাস ! সে দূত এতক্ষণ পাঠান-শিবিরে ।

দেবী । এখন উপায় ?

বল । তরবারি—

দেবী । বিবেচনা না ক'রে কেন এ কাজ ক'রলেন ?

বল । যা' হ'বার হ'য়ে গেছে । আর ফিরবার উপায় নেই । “কেন”

শুনে আর কি লাভ হবে রাজপুত্র ?

দেবী । কি ক'রেছেন বুঝতে পা'রছেন ? খামখেয়ালী ক'রে আমাদের সর্বনাশ ক'রেছেন । সমস্ত আয়োজন—সমস্ত ক্লেশ—সমস্ত উত্তম—আপনার অবিমূষ্যকারিতায় এক নিমেষে সব পণ্ড হ'য়ে গেল । বড় আশা ক'রে আপনার আশ্রয় ভিক্ষা ক'রেছিলাম ; তখন স্বপ্নেও মনে করিনি যে, এইভাবে আপনি কর্তব্য সম্পাদন ক'রবেন । মূর্থ সে, যে গুরুদায়িত্বপূর্ণ কার্য চপলমতি বালকের হস্তে গুলু করে । কুক্ষণে আপনার নিকট আশ্রয় ভিক্ষা ক'রেছিলাম,—কুক্ষণে আপনার জননী আমাদের আশ্রয় দিতে প্রতিশ্রুত হ'য়েছিলেন ।

বল । কেন বৃথা অন্বেষণ ক'রছ সেনানী ! যখন যুদ্ধ হ'বে, দাঁড়িয়ে দে'খ, তোমার প্রভুকণ্ঠকে রক্ষা ক'রতে কি ভাবে বলজীর হস্তধৃত তরবারীতে বিদ্যুৎ চমকে, কি ভাবে এক এক ফোটা হৃদয়শোণিত টেলে শত্রু অসি রঞ্জিত করি । স্থির জেন, যতক্ষণ বলজীর দেহে প্রাণ থাকবে, যতক্ষণ একজন মারাঠা জীবিত থাকবে,—ততক্ষণ কেউ তোমার প্রভুকণ্ঠের কেশাগ্রও স্পর্শ ক'রতে পারবে না । শুধু কি আজ তোমরাই বিপন্ন রাজপুত্র ?—আমার সিংহাসন,—আমার কুলনারীর মর্যাদা, আমার প্রাণপ্রতিম প্রকৃতি-পুঞ্জের ধন, মান, প্রাণ—আমার এই সমৃদ্ধিশালী সোণার রাজ্য—এ সব কি বিপন্ন হয় নি ? যাও, নিজের কাজে যাও ।

দেবী । হা অদৃষ্ট !

[প্রস্থান ।

বল । নিজের উপর প্রতিশোধ নেব ! এমন একটা ভুল, যাতে নবপল্লবিত প্রফুটিত-কুসুম-শোভিত একটা মনোরম উত্তম শিশুশানে পরিণত হ'য়েছে । ঠিক ক'রেছি—প্রাণ বালি দিয়ে এ ভুল সা'রব । চিব তুষানলের চেয়ে একবার আগুনে কাঁপ দিয়ে সমস্ত জ্বালা জুড়ান ভাল ।

(লক্ষ্মীবাসীএর প্রবেশ)

লক্ষ্মী । আমায় ডেকেছ বলজী ?

বল । হাঁ মা, সৈন্য প্রস্তুত, আমি যুদ্ধে যাচ্ছি । আমার মাথায় তোমার পায়ের ধুলো দাও, তোমার আশীর্ষকের অক্ষয় কবচে আমাকে আবরিত কর ।

লক্ষ্মী । যুদ্ধের যে এখনও পাঁচ দিন বিলম্ব আছে—

বল । আমি প্রস্তুত হ'য়েছি ব'লে পাঠান-শিবিরে দূত পাঠিয়েছি । তারা সত্বরই এসে পড়বে ।

লক্ষ্মী । তোমার সমস্ত আয়োজন সম্পূর্ণ হ'য়েছে ?

বল । সাধ্যমত ক'রেছি । আমার ইচ্ছা যে দুর্গ থেকে বেরিয়ে আমিই পাঠানদের আক্রমণ করি । কেন তাদের আক্রমণের সম্মান দেব ? কিন্তু একটা সমস্যায় প'ড়েছি—কার উপর দুর্গরক্ষার ভার দেই ।

লক্ষ্মী । যাকে উপযুক্ত মনে কর—

বল । বলতে যে সাহস হয় না মা,—যদি অভয় দাও—

লক্ষ্মী । আদেশ কর রাজা—

বল । এ কি ছলনা—ছলনাঘরী !

লক্ষ্মী । প্রতি প্রজা, রাজাদেশ বর্ণে বর্ণে পালন ক'রতে প্রয়োজন হয় ত প্রাণ দেবে—

বল । তবে করুণাময়ী, এতকাল যে করুণার স্নিগ্ধ ছায়ায় তোমার শিশু বলজীকে এত বড় ক'রে তুলেছ, আজ সে করুণার এক কণা তোমার রাজাকে ভিক্ষা দাও—দুর্গের ভার নিয়ে আমায় নিশ্চিত কর ।

লক্ষ্মী । এই ক্ষুদ্র শক্তি নিয়ে কি এত বড় ভার বহিতে পা'বুব রাজা ?

বল । শক্তিময়ী জননী ! সম্ভ্রাম অজ্ঞান ব'লে কি এই ভাবে তার সঙ্গে ছলনা ক'রতে হয় ? তোমার শক্তি ক্ষুদ্র ! মহাশক্তির অংশে তোমার

জন্ম, মারাঠারাজের দেহের প্রতি অণু তোমার শোণিতে—তোমার
স্বনতুঙ্গে গঠিত—পরিপুষ্ট। আমায় নিশ্চিত কর মা।

লক্ষ্মী। মহারাজের যদি এই ইচ্ছা হয়—উত্তম, এ দীন প্রজা তাঁর
আদেশ পালনে প্রাণ দেবে।

বল। এতক্ষণে নিশ্চিত। এইবার আমায় আশীর্বাদ ক'রে বিদায় দাও
মা। (প্রণাম করিলেন)

লক্ষ্মী। এস পুত্র—যুদ্ধে জয়লাভ কর। আশীর্বাদ করি, তোমার বীর
নামে যেন কলঙ্ক স্পর্শ না করে—এতকাল মারাঠাজাতির যে পূজা
পেয়ে এসেছ, সে পূজার যেন সম্মান রক্ষা ক'রতে পার—পদোচিত
কার্য সাধনে যেন সক্ষম হও। জয় শঙ্কু— [প্রস্থান।

বল। এইবার নিশ্চিতমনে সমরানলে ঝাঁপ দেব।

(প্রস্থানোচ্চত—পশ্চাদিক্ হইতে দেবলার প্রবেশ)

দেবলা। মহারাজ!

বল। কে? ওঃ, রাজকণ্ঠা! কি বলুন?

দেবলা। যা' বলতে এসেছিলাম তা' বলতে দিলেন কই।

বল। যদি কিছু বলবার থাকে, সত্বর বলুন—(সৈন্যগণ “জয় শঙ্কু”
বলিয়া নেপথ্যে কোলাহল করিয়া উঠিল)—ঈ শুভ্—কম্বুনাতে
মৃত্যুর আহ্বান,—আর ত বিলম্ব ক'রবার সময় নেই,—সহস্র
বাহু বিস্তার ক'রে মরণ আলিঙ্গন ক'রতে ধেয়ে আসছে,—যদি কিছু
বলবার থাকে, সজাগ থাকতে বলুন—এর পর শুন্বার আর সুযোগ
হবে না।

দেবলা। কেন এ কাজ ক'রলেন?

বল। কেন! হায় পাষণ-প্রতিমা, জানিনা ভগবান্ কোন্ উপাদানে
তোমার হৃদয় সৃষ্টি ক'রেছিলেন! সে কি মরুর চেয়েও নীরস,—
প্রস্তরের চেয়েও কঠিন; নিয়তির চেয়েও নির্ভয়? কেন এ কাজ

দেবলা দেবী।

[চতুর্থ দৃশ্য ।

করেছি শুনবে ? এক ভুলে দশ দিক্ আঁধার হ'য়ে গেছে,—হৃদয়ে
প্রলয়ের কালাগ্নি জ্বলছে—তাই সমস্ত যন্ত্রণার অবসান ক'রতে,
ইচ্ছা ক'রে অণু ভুল ক'রেছি । এ ভুল নয়—কঠোর প্রায়শ্চিত্ত,—
এ মরণ নয়,—মহাশাস্তি—

দেবলা । আমায় ক্ষমা কর বলজি—(হাতে ধরিলেন)

বল । একি ? মরণের তীরে দাঁড়িয়ে এ কি শুনছি,—এ কি দেখছি !
প্রাণ আমার আনন্দে নেচে উঠছে—গধুর স্পর্শ সমস্ত শরীর নীপের
মত কটকিত হ'য়ে উঠেছে ! ধীরে হৃদয়—আরও—আরও ধীরে
নৃত্য কর ।—পারে দাঁড় করিয়ে কেন এ সুধার স্বাদ একবার দিয়ে
বাহিত মরণকেও তিক্ত কর কুহকিনী ! কেন অসময়ে এ
চিরবাহিত অমৃতসন্তার সম্মুখে এনেছ ? প্রাণভ'রে উপভোগ
ক'রবার ত আর সময় নেই । ঐ ঐ আসছে—আসছে মৃত্যু—
করাল ভীষণ বদন ব্যাদান করে—সে ত আজ ছেড়ে যাবে না—
আমার নিমন্ত্রণ পেয়ে যে সে আসছে—কাল যদি এগ্নি ক'রে শাত
ধ'রে “বলজী” বলে একবার ঐ প্রেমগদগদস্বরে ডাকতে—তবে
বোধ হয়—(নেপথ্যে সৈন্তগণ,—জয় শঙ্খ—জয় শঙ্খ) আর বিলম্ব
ক'রতে পারি না—ঐ সৈন্তগণ হর্ষধ্বনি করে আমায় ডাকছে ।
মানিনী, যদি ফিরি, আবার দেখা হবে—নইলে এই আমাদের
শেষ মিলন । বিদায় দেবলা— [প্রস্থান ।

দেবলা । অশ্রু কেন ! স্বহস্তে যে বৃক্ষ রোপণ করেছি, তারই ফল
ভোগ ক'রছি । যেখানে যাচ্ছি—সেখানেই আগুন জ্বালাচ্ছি ।
এত অতিশয় জীবন আমার ! কি করেছি—কি করেছি !
বলজি, বলজি—মুখ ফুটে একদিনের তরেও বলতে পারিনি,
তোমায় আমি কত ভালবাসি,—আজ বলতে এসেছিলাম—
পারলেম না । এস, এস প্রাণেশ্বর—এতদিন যে কথা সরমে

বলতে পারিনি, আজ মুক্তকণ্ঠে বলব—তুমি শুনে যাও—তুমি
জেনে যাও,—দেবলা কায়-মন-প্রাণে তোমার—তোমার । বলজি,
হৃদয় দেবতা—এস, ফিরে এস—

(লক্ষ্মীবাসীএর প্রবেশ)

লক্ষ্মী । এই যে দেবলা—এ কি, কাদচ ? রাজপুত্রবানা,—এ ত অশ্রুতে
গণ্ড প্লাবিত ক'রবার সময় নয়—এস, কার্য কর—

দেবলা । কি ক'রব মা ?

লক্ষ্মী । ক'রবার অনেক আছে । পাঠানকে আক্রমণ ক'রতে রাজা
সমৈন্ত্রে দুর্গ থেকে বেরিয়ে গিয়েছেন—দুর্গরক্ষার ভার এখন আমার
উপর । চল আমার সাহায্য ক'রবে—

দেবলা । চলুন । (স্বগত) আমাকে রক্ষা ক'রতে তুমি প্রাণ দিতে
গিয়েছ—তোমার দুর্গরক্ষার্থে আমিও প্রাণ দেব ।

পঞ্চম দৃশ্য ।

রাত্রি—রণস্থল—শিবির ।

(কাফুর ও খিজির)

খিজির । চমৎকার শিক্ষা এদের !—এত কৌশলী,—এত নির্ভীক—এত
কশ্মঠ এরা ! আমি আশ্চর্য্য হ'য়েছি কাফুর, এই বলদেবের সাহস
ও বিক্রম দেখে । সে যখন অশ্বপৃষ্ঠে সৈন্তের পুরোভাগে দাঁড়িয়ে
যুদ্ধ ক'রছিল, তখন তার খড়্গচালনা দেখে আমার শরীর রোমাঞ্চিত
হ'য়েছে—কি অদ্ভুত ক্ষিপ্ততা ! খড়্গের গতি নির্ধারণ করে কার
সাধ্য ! বিদ্যুৎ-গতিতে চতুঃপার্শ্বে চক্রের মতন ঘুরছে, আর তার
সমস্ত অঙ্গে অনলপ্রভা ! অদ্ভুত—অদ্ভুত ! তার উপর আজ

দুই দিন এক বিন্দু জল পর্য্যন্ত মুখে না দিয়া এরা যুদ্ধ ক'রছে ।
চতুর্গুণ সৈন্য না থাকলে আমি কখনই জয়ী হ'তে পা'রতাম না—
আমার বিলাসী সৈন্যেরা ছিপ্রহর পর্য্যন্ত যুদ্ধ করে শ্রমকাতর,
ক্ষুধার্ত হয়ে প'ড়েছিল ;—চতুর্গুণ সৈন্য থাকায় আমি তাদের
পর্যায়ক্রমে বিশ্রামের অবসর দিতে পে'রেছিলাম । নইলে
পরাজয় অনিবার্য ছিল । এই মারাঠাজাতি ! এক এক জন
সৈন্য দেন এক একটা লৌহমুষ্টি ! যুদ্ধ ক'রতে হ'লে এদেরই
সঙ্গে যুদ্ধ ক'রতে হয়—পরাজয়ে আত্মপ্রসাদ—জয়ে পূর্ণানন্দ ।

কাফুর । এ যুদ্ধে আমরা অর্ধেক সৈন্য হারিয়েছি ।

খিজির । যাক্ । আমি লক্ষ্য করেছি—ম'রবার সময় তাদের বদন-
মণ্ডল গরিমার পবিত্র আঁভায় উজ্জল হ'য়ে উঠেছিল । উপযুক্ত
প্রতিদ্বন্দীর সঙ্গে সংগ্রামে মৃত্যু—এ ত যোদ্ধার পরম বাঞ্ছিত,—এ
মৃত্যুতে ইহকালে শাস্তি—পরকালে বেহেশ্ত্ ।

কাফুর । প্রস্তুত হ'বার সুযোগ দেওয়ায় এই বৃথা সৈন্যক্ষয় হ'ল ।

খিজির । কি বল তুমি কাফুর !—এমন যুদ্ধ ক'টা ক'রেছ—ক'টা
দেখেছ ! অতর্কিত ও অপ্রস্তুত অবস্থায় যদি তাদের আক্রমণ
ক'রতাম, হয় ত এর চেয়েও সহজে রণজয় হ'ত—কিন্তু তা'তে
কুড়ি হাজার সৈন্য নিয়ে এক বালিকাকে দ'রতে আসার কলঙ্ক
দূর হ'ত না । যাক্, বলদেবের এখনও কি জ্ঞান হয় নি ?

কাফুর । না ।

খিজির । বলদেব বীর বটে ! দুই দিন অনাহারে অনিদ্রায় সৈন্যের
পুরোভাগে দাঁড়িয়ে যুদ্ধ ক'রে হঠাৎ অশ্ব থেকে প'ড়ে মর্চ্ছিত হয় ।
ব'লতে লক্ষ্য করে কাফুর, তোমার শিক্ষিত সুসভ্য সৈন্যগণ সেই
অবস্থায় তাকে হত্যা ক'রতে গিয়েছিল—ভাগিন্স্ আমার পার্শ্বরক্ষক
ইরানী সেখানে ছিল ।

কাফুর । আমার ইচ্ছা আজ রাত্রেই দুর্গ আক্রমণ করি ।

খিজির । আজ রাত্রে—কতি কি ? কিন্তু তোমার বিলাসী সৈন্যগণ
পারবে কি ?

কাফুর । সহস্র সৈন্য হ'লেই সহজে দুর্গ হস্তগত করা যাবে । দুর্গ ত
প্রায় শূন্য, কে আমাদের গতিরোধ ক'রবে ?

খিজির । ভুল—কাফুর—ভুল । যত সহজ এখন মনে ক'রছ, কার্য-
ক্ষেত্রে দাঁড়িয়ে দেখ, তত সহজ হবে না । তুমি দেখনি, আমি
দেখেছি—ঐ দুর্গে এক বীর্যময়ী, বিদ্যাংবরণী রমণী আছে, তার
নয়ন হতে বীরত্বের একটা তীব্র অনল ছুটছে ; বলতে পারি না, সে
অনলের স্পর্শে কি হয় । যাক্, তুমি সৈন্যদের প্রস্তুত হ'তে আদেশ
দেওগে'—আমি একবার বলদেবকে দেখে যাচ্ছি ।

[বিপরীত দিকে উভয়ের প্রস্থান ।

ষষ্ঠ দৃশ্য ।

দুর্গাভ্যন্তর ।

(অশ্বপৃষ্ঠে লক্ষ্মীবান্ধি ও সৈন্যগণ ।)

লক্ষ্মী । পুত্রগণ, সাত সাত দিন অমিত বিক্রমে তোমরা তোমাদের দুর্গ
রক্ষা ক'রেছ—আজ পাঠান ভগ্নোৎসাহ—নিরুত্তম । তাদের
মুখমণ্ডল নিরাশার ঘনকালিমায় আচ্ছন্ন । তোমাদের হাতে—
তোমাদের রাজা, তাঁর সিংহাসন,—তাঁর স্বাধীনতা,—তাঁর সম্মান
সপে দিয়ে নিশ্চিন্ত হয়ে গিয়েছেন ;—আজ তিনি শক্র হস্তে বন্দী—
কঠিন পীড়ায় আক্রান্ত । পুত্রগণ, যে ভার গ্রহণ করেছ, তা বহন
কর,—গুরুদায়িত্বের মর্যাদা রক্ষা কর—প্রাণপণে যুদ্ধ কর—কদাচ
পাঠানকে এক পদও অগ্রসর হ'তে দিও না । তোমরা অশ্বতের

দেবলা দেবী ।

[ষষ্ঠ দৃশ্য ।

পুত্র—তোমরা কেন মৃত্যুকে ভয় করবে?—সে যে তোমাদের
খেলার জিনিষ—

সৈন্যগণ । জয় শব্দ—

গীত ।

চল চল সবে সমরক্ষেত্রে—অধনী আজ্ঞা তোর ;

মস্ত চিন্ত করিছে নৃত্য, মাতিব সমরে যোর ॥

উচ্চশির নভ, গর্জ মান হত,

নৃপতি মোদের শত্রু করগত;

রাগভক্ত কেবা—বীরপুত্র কটে,

যে বেথায় আহ—এস সবে ছুটে,

ভীর বলে সবে ভল-অসি করে,

বঁাপারে পড়িব বিপক্ষ মাঝারে,

অজিতে মান, বর্জিব প্রাণ, রাখিব রাজারে মোর ॥

পট পরিবর্তন ।

ভূর্গের বহির্ভাগ—পাঠান শিবির সম্মুখ ।

(খিজির কাফুর ও গণপাতের প্রবেশ ।)

খিজির । এখন বুঝেছ কাফুর, যে কাজ বড় সহজ মনে করেছিলে,
সেটা কত কঠিন ! সাত সাত দিন দিবারাত্র চেষ্টা করছি, কিন্তু
ভূর্গপ্রবেশ ত দূরের কথা—কোন প্রকারে তার অর্ধ ক্রোশের মধ্যে
পদমাত্র অগ্রসর হ'তে পা'রছি না ।

কাফুর । এখন কি কর্তব্য ?

খিজির । তাইত !

কাফুর । বর্তমান ক্ষেত্রে কৌশলের আশ্রয় গ্রহণ করাই আমার মতে
যুক্তিসিদ্ধ ।

খিজির । কি কৌশল ?

কাফুর । যে শক্তিতে আজ মারাঠা শক্তিমান হ'য়ে, এই অসাধ্য সাধন
ক'রছে—সেই শক্তিকে সরিয়ে দেওয়া ।

দ্বিতীয় অঙ্ক]

দেবলা দেবী ।

খিজির । কি ! সেই শক্তিময়ী নারীকে কৌশলে হত্যা ক'রতে চাও ?

কাফুর । তা' ভিন্ন অণ্ড উপায় নেই ।

খিজির । না, না, তা' হবে না, কখনই না ।—পারি—গায় যুদ্ধে দুর্গ

হস্তগত ক'রব,—না পারি—সেই মহিমাময়ী রমণীর কাছে অবনত

মস্তকে পরাজয় স্বীকার ক'রে দিল্লী ফিরে যাব—সেও ভাল, তা'তে

আনন্দ আছে । সাবধান কাফুর ! কদাচ এমন কাজ ক'র না—

সাবধান—

[প্রস্থান ।

কাফুর । এ মাতালের খেয়াল মেনে চ'লতে গেলে যে, বিশ হাজার

সৈন্য এখানেই রেখে যেতে হবে ।

গণপং । কি ক'রবে, সেনাপতির আদেশ ত পালন ক'রতে হ'বে ।

কাফুর । আলাউদ্দিনের দুর্বুদ্ধি হ'য়েছিল, তাই তিনি এই অর্ধাচীনকে

এ যুদ্ধে পাঠিয়েছিলেন । এক খেয়ালে দশ হাজার সৈন্য নষ্ট ক'রেছে

—আবার মাথায় কি খেয়াল ঘুরছে কে জানে ?

গণপং । সৈন্যক্ষয় হয়, ক্ষতি কি ? বরং সেটা আমাদের সুবিধার কথা

—ওদের শক্তিক্ষয় হ'চ্ছে ।

কাফুর । এ বিশ'সহস্র সৈন্য কারা, তা জান গণপং ? আমার নিজ হাতে

গড়া—আমার জন্ম এরা জীবন উৎসর্গ ক'রতে একটুও দ্বিধা ক'রত

না—প্রয়োজন হ'লে সম্রাটকেও অমান্য ক'রে আমার আদেশ পালন

ক'রত । সেই বিশ হাজার সৈন্য আজ আমি এই মূর্খের মূর্খতায়

হারান'ছি !

গণপং । তাই নাকি ?

কাফুর । না, গণপং, তা হবে না ! তেওয়ার ও আমার উদ্দেশ্য সাধনের

এই ব্রহ্মাণ্ড—আমি এ ভাবে হারা'তে পারব না ।—যা হবার তা

হ'য়েছে, এবার আমি বাধা দেব । হ'ক্ সেনাপতি—আমি আমার

ইচ্ছামত কার্য ক'রব, তাতে সম্রাট সন্তুষ্ট হন, আর অসন্তুষ্ট

দেবলা দেবী ।

[সপ্তম দৃশ্য ।

হন ;—ওঃ এই কুড়ি হাজার সৈন্য উপযুক্ত নেতৃত্বাধীনে পৃথিবী জয় ক'রতে পারত—! ক্ষুদ্র দেবগিরি জয় ক'রতে তার অন্ধেক গিয়েছে—বাকি অন্ধেকও যাবার মধ্যে—শুদ্ধ এক অর্কাচীন অপরিণামদর্শী মূর্খের জন্ম !

গণপৎ । প্রকাশে গোলমালটা না বাধিয়ে একটু কৌশল খাটিয়ে কাজ ক'রলে ক্ষতি কি ? উদ্দেশ্যও সিদ্ধ হ'ল—সদ্যবও থা'কল ।

কাফুর । এ যুক্তি মন্দ নয় । বেশ্য তাই হবে । [উভয়ের প্রস্থান ।

সপ্তম দৃশ্য ।

শিবির-পার্শ্বস্থ অরণ্য ।

[গণপৎ ও একজন সৈনিকের প্রবেশ ।]

গণপৎ । এই বৃক্ষে আরোহণ কর— (সৈনিকের তথাকিরণ)

কিছু দেখতে পাচ্ছ ?

সৈনিক । প্রহরীরা ইতস্ততঃ ঘুরে পাহারা দিচ্ছে—

গণপৎ । সাবধানে চারিদিকে নজর রাখ ! ঘন পত্রাজির মধ্যে আপনাকে লুকায়িত রাখ,—খুব ছসিয়ার—কেউ যেন দেখতে না পায় ।

সৈনিক । সাহাজাদার শিবির থেকে কে এক জন আমাকে লক্ষ্য ক'রছে—

গণপৎ । সাহাজাদার শিবির ! কে বুঝতে পারছে না ?

সৈনিক । না ছজুরালি—ঠিক বুঝতে পারছি না ।

গণপৎ । উত্তম, যেই হ'ক, তাকে লক্ষ্য ক'রে শরক্ষেপ কর—

সৈনিক । যদি স্বয়ং সাহাজাদা হন ?

গণপৎ । তর্ক না ক'রে আমার আদেশ পালন কর ।

(সৈনিকের তীরক্ষেপণ)

দ্বিতীয় অঙ্ক ।

দেবলা দেবী ।

সৈনিক । আমার লক্ষ্য বার্থ হয়েছে—আমার উদ্দেশ্য বৃত্তে পেরে
পূর্বেই সে সরে গিয়েছে । হুজুরালি, দুর্গের নবো এক অপূর্ব
দৃশ্য ! একজন স্ত্রীলোক ঘোড়ায় চড়ে সৈন্যদের কি ব'লছে, আর
তারা হর্ষধ্বনি ক'রছে ।

গণপৎ । ঐ—ঐ, ঐ স্ত্রীলোকটাকে হত্যা ক'রতে হবে । সাবধানে
লক্ষ্য স্থির ক'রে শরক্ষেপ কর,—খবরদার, এবার যেন লক্ষ্যভ্রষ্ট
না হয়—বিষাক্ত শর, তীব্র—অতি তীব্র বিষাক্ত শর যোজনা
কর,—খুব হুঁসিয়ার—

সৈনিক । যে আজ্ঞা—

(শর নিঃক্ষেপ করিল)

গণপৎ । কি সংবাদ ?

সৈনিক । শর রমণীর বক্ষ ভেদ ক'রেছে—

গণপৎ । বেশ—বেশ, তারপর ?

সৈনিক । রমণী মাটিতে পড়ে ছটফট ক'রছে—

গণপৎ । খুব বিষাক্ত তীব্র সন্ধান ক'রেছিলে ত ?

সৈনিক । আজ্ঞে হাঁ—

গণপৎ । বাস, এইবার খুব মতর্কতার সঙ্গে নেমে এস ।

(সৈনিক অবতরণ করিল ।) সৈনিক, কাদুর খঁ তোমাকে
আশাভিরিক্ত পুরস্কার দেবেন ।

সৈনিক । হুজুর মেহেরবান্—

গণপৎ । খবরদার,—একথা কারও নিকট প্রকাশ ক'র না—
প্রাণান্তেও না—

[খিজির খাঁ, ইরানী ও সৈন্যদ্বয়ের প্রবেশ]

খিজির । কুর্কাজ কোন দিন গোপন থাকে না গণপৎ ! নরোধম—কি
করেছিস্, সত্য বল ।

গণপৎ । (স্বগত) সর্কনাশ—

দেবলা দেবী।

[সপ্তম দৃশ্য ।

সৈনিক । আজ্ঞে, আজ্ঞে—

খিজির । কে আমার শিবিরে শর নিক্ষেপ করেছে ?

সৈনিক । আজ্ঞে—

খিজির । সত্য উত্তর না দিলে আমি তোমার প্রাণসংহারেও কুণ্ঠিত হব
না, সত্য বল—

সৈনিক । আজ্ঞে আমি—

খিজির । কেন ?

সৈনিক । এঁর আদেশে,—দোহাই সাহাজাদা, আমার কোন অপরাধ
নেই—আমায় ক্ষমা করুন ।

খিজির । কেন আমার শিবিরে তুমি তীর নিক্ষেপ ক'রতে আদেশ
দিয়েছ ? নিরুত্তর,—বুঝলেগ, আমাকে হত্যা করাই তোমাদের
উদ্দেশ্য ? এই জগৎ বুঝি একে পুরস্কারের আশা দিচ্ছিলে ?

সৈনিক । না খোদাবন্ । ঐ দুর্গে বিষাক্ত শরে একটি স্ত্রীলোকের
বক্ষ ভেদ ক'রেছি, সেই জগৎ কাফুর সাহেব—

খিজির । বিষাক্ত শরে স্ত্রীলোকের বক্ষভেদ ক'রেছি ! কে সে স্ত্রীলোক ?

সৈনিক । তা' ব'লতে পারি না হুজুর, তবে সে স্ত্রীলোকটী ঘোড়ায় চ'ড়ে
নৈশ্চদের কি ব'লছিল আর তারা আনন্দে চীৎকার ক'রছিল ।

খিজির । এঁয়া ! সেই বীরনারীকে বিষাক্ত শরে এই ভাবে তক্ষরের মত
হত্যা ক'রেছি ! নরাধম ! কি ক'রেছি—কি ক'রেছি ? (গলা-
টিপিয়া ধরিলেম) বল, কে তোকে এ কাজ ক'রতে আদেশ
করেছে ?

সৈনিক । কাফুর সাহেব—

খিজির । কাফুর !

সৈনিক । আজ্ঞে তিনি । দোহাই সাহাজাদা—আমার প্রাণ যায় !

খিজির । মুষিক, তোকে হত্যা ক'রে আমার হস্ত কলঙ্কিত ক'রব না ।

(পদাঘাত করিয়া) যা দূর হ—আর কখনো ঐ কলঙ্কিত মুখ
জগতে প্রকাশ করিস্ না। না, তোকে ছেড়ে দেব না। অর্থলোভী
পিশাচ তুই—তোমার বিবেক নেই। তুই জীবিত থাকলে হয়ত এ
অপেক্ষা আরও ভীষণ কার্য্য তোমার দ্বারা সম্ভব হবে, আজীবন
তোকে কারাগারে বন্দী ক’রে রাখব। না, সে শাস্তিও যথেষ্ট
নয়,—তোকে কুকুর দিয়ে খাওয়াব।

সৈনিক। হা আল্লা! (বসিয়া পড়িল)। (খিজিরের পদতলে পড়িয়া)
সাহাজাদা—আমায় জীবন ভিক্ষা দিন। দোহাই আপনার, দয়া
করুন—আমি বড় গরীব—আমায় প্রাণভিক্ষা দিন।

খিজির। যা, দূর হ’ কুকুর!

সৈনিক। করুণার অবতার! এ চাকরী গেলে আমার ছেলপুলে না
খেয়ে মারা যাবে। যদি দয়া করে প্রাণভিক্ষা দিয়েছেন, আমার
চাকরীটি বজায় রাখুন—দোহাই সাহাজাদা—

খিজির। ইরানী—

ইরানী। ও ত আজ্জাবহ ভূতা মাত্র।

খিজির। যা, আর কখনও এমন কাজ করিস্ না।

সৈনিক। সাহাজাদার জয় হৌক। [প্রস্থান।

খিজির। তুমি বুঝি এই মহাকাৰ্য্যে কাফুরের সহকারী! তোমার না
রাজবংশে জন্ম,—তুমি না গুজরাটেখরের ভ্রাতৃপুত্র,—তুমি না রাজ-
পুত্র,—এ বীরত্ব তোমারই যোগ্য! ইরানী, বন্দী কর—নিষে
ধাও। (তথাকরণে)। কাফুর, তোমাকে এখন না—যুদ্ধান্তে—

[প্রস্থান।

অষ্টম দৃশ্য ।

খিজির খাঁর শিবির ।

(নর্তকীগণসহ আলীখাঁ)

১ম নর্তকী । যুদ্ধ ত শেষ হ'ল—এইবার দিল্লী ফিরে যেতে পা'রুব ।

২য় নর্তকী । যা ব'লেছ ভাই, দিল্লী যেতে পারলে হাঁপ ছেড়ে বাঁচি ।

আলী । কেন চাঁদ, এখানে কি দম বন্ধ ক'রে ব'সে আছ ?

৩য় ন । যা' ব'লেছ মুক্বিব, আমাদের দিল্লীও যা—এই শিবির ও তা' ;

সেখানেও যা' ক'রতেম, এখানেও তাই করি—বেহেস্তে গেলেও

তাই ক'রতে হবে । ঢেকি স্বর্গে গেলেও ধান ভানে ।

আলী । কি গো পিয়ারী, ব্যবসার উপর যেন বড় বিরক্ত হ'য়ে পড়েছ ?

৩য় ন । আর ভাই পোষায় না—সুখ নেই—অসুখ নেই—হুকুম তামিল

ক'রতেই হবে ।

১ম ন । বাই-ই করি—ফৃতি ত আছে, ঐ সাহাজাদা আসছেন ।

(ইরাণী ও খিজিরের প্রবেশ)

খিজির । ইরাণী, এদের কক্ষান্তরে যেতে বল, নইলে আমাদের কথা-

বার্তার স্বেধা হবে না ।

ইরাণী । আপনাকে গান শুনাবে ব'লে বসে আছে—একটা গান না

শুনলে বড় মনঃস্কুণ্ণ হবে ।

খিজির । তা' হলে যে কথা বন্ধ হ'য়ে যাবে ।

ইরাণী । একটু পরেই না হয় হবে । ওঠ গো তোমরা, সাহাজাদাকে

গান শুনাও—

১ম ন । খো হুকুম—

আলী । হজুর মেহেরবান ।

(মদদান ও খিজিরের পান)

নর্তকীগণের গীত ।

তবে ফুটাও অধরে হাসি ।

প্রাণহীণ মোরা শুক তটিনী পর স্রব-শ্রোতে ভাসি ।
 অতি বেদনায় নরনে অশ্রু যদিও ছুটিতে চার,
 নিবারি সে বারি, চার কটাক হামিতে হইবে তার ;
 শ্রাস্ত ক্রাস্ত চরণ যদি চলিয়া পড়ে অবশে,
 মোরা তথাপি গাহিব, তথাপি নাচিব, মাতিব সবে হরষে ;
 মোদের হৃদয়-উৎস চিরনিরুদ্ধ, তবু মোরা ভালবাসি ।
 মোরা ছুদিনের তরে বিখ মাঝারে, ফুটিয়াছি বেন ফুল,
 তোমরা সোহাগে, তুলে নিয়ে বৃকে, কহিছ "নাহিক তুল",
 (কাল) বাসি হব যবে, দূরে ফেলে দেবে,
 নয়ন ফিরাবে, চরণে দলিবে,
 (হবে) হাসি রূপ গান, সব অবসান—ধূলিতে যাইব মিশি ।

ইরাণী । তোমরা এখন কক্ষান্তরে গিয়ে বিশ্রাম করগে' ।

| আলী ও নর্তকীগণের প্রস্থান ।

খিজির । ইরাণী !

ইরাণী । জনাব—

খিজির । এদের রূপ বড় মলিন ;—আমি আজ লক্ষ্য ক'রে দেখেছি—
 তা'তে লাবণ্য নেই,—মাধুর্যা নেই,—প্রাণ নেই ;—এদের দিল্লী
 পাঠিয়ে দেও ।

ইরাণী । যে কথা হ'চ্ছিল । এই দেখুন, ত্যাগে আর ভোগে এই বিশেষত্ব
 সাহাজাদা । লালসাকে যত ইচ্ছন যোগাবেন, সে তত শক্তিশালী
 —তত প্রথর—তত সর্বগ্রাসী হ'য়ে দাঁড়াবে । কাল আপনার
 যে চক্ষু ছিল,—আজও সেই চক্ষু আছে ; কাল এদের যে রূপ
 ছিল, আজও সেই রূপ আছে, সাধারণতঃ এক দিনে কি এমন
 পার্থক্য হ'তে পারে,—সব সেই আছে, কিন্তু কাল যাকে আপনি

লাবণ্যময়ী—সৌন্দর্যের রাণী মনে ক'রেছেন, আজ আপনার চক্ষে
সে রূপহীনা—কুরূপা । এর কারণ কি জানেন ? দেবলাকে দেখে
আপনার ভোগলালসা আবার জেগে উঠেছে—এদের দিয়ে আর সে
সস্তুষ্ট নয়—নূতন চায় । বুঝুন এখন, লালসার তৃপ্তি নেই—অস্ত
নেই—বিরাম নেই—উদ্দাম গতিতে ছুটেছে !

খিজির । ছুটুক না—আমার ত ইচ্ছার অভাব নেই ।

ইরাণী । স্বীকার করি আপনি সাহাজাদা,—আপনার লোকবল, অর্থবল
সবার চেয়ে অধিক । অপরের যেটা আয়াসলভ্য বা দুর্লভ্য সেটা
আপনি সহজেই পান । কিন্তু একটু চিন্তা ক'রে বলুন দেখি, এতদিন
যে লালসানলে আহুতি যুগিয়ে এসেছেন, কোনদিন বাস্তবিক যাকে
শাস্তি বলে—তা' পেয়েছেন কি ? লালসার প্রধান দূত—এই চোখ
দুটি । তারা ত সর্বদাই বিনন্দ হ'য়ে প্রভুর আহার খুঁজে
বেড়াচ্ছে । প্রতি মুহূর্তেই তাঁর সম্মুখে নূতন নজরাণা নিয়ে হাজির
হচ্ছে । তা' হ'লে দেখুন, তৃপ্তি বা শাস্তি নেই । তারপর হ'লেনই
বা আপনি সাহাজাদা, আপনি কি যখন যা' ইচ্ছা করেন, তখনই
তা'ই ক'রতে পারেন ? বহুদিন পূর্বে, ঐ দুর্গের পবাক-পথে,
আপনার চোখ দুটি আপনার লালসার নিকট দেবলারূপ নজর নিয়ে
হাজির হ'য়েছিল ; আপনি সাহাজাদা, প্রবলপ্রতাপাশ্রিত সম্রাটের
পুত্র, অপরিমিত লোকবল, অর্থবল আপনার—কই, সেই মুহূর্তে ত
লালসাকে চরিতার্থ ক'রতে পা'রলেন না—বরং এক দারুণ অশাস্তির
তীব্র বহি হৃদয়ে পুরে নিয়ে এসেছেন ।

খিজির । বালক তবে কি সর্বত্যাগী ফকির হ'তে হবে ?

ইরাণী । আমি তা' ত বলিনি ; উপভোগের কত পন্থা আছে ।

বাগানে ফুল ফুটে আছে,—সৌন্দর্য্যে দশদিক আলো হ'য়ে গেছে,—
কৌতুকপ্রিয় চঞ্চল বাতাস, গমন-পথে তাকে পেয়ে : অঙ্গ থেকে

স্বাস চুরি ক'রে পৃথিবীকে বিলিয়ে দিচ্ছে—ভূরাজ নেচে নেচে, ধেয়ে ধেয়ে, গান গেয়ে, পরাণ-বঁধুর বুক থেকে সুধা লুটে নিচ্ছে—
 বাঃ বড় মনোরম দৃশ্য ! এমন সময় আপনি সেই উদ্যানে প্রবেশ ক'রলেন । ফুলটি দেখেই আপনার প্রাণ মুগ্ধ হ'ল । তৎক্ষণাৎ তার বঁধুয়া, সেই ভ্রমরের বুক থেকে তাকে ছিনিয়ে নিয়ে—তার আশ্রয় সেই বৃন্ত হ'তে তাকে বিচ্ছিন্ন ক'রে—একবার নেড়ে চেড়ে নাকের কাছে ধ'রলেন—পরমুহূর্তে তাকে মাটিতে ফেলে পদদলিত ক'রে চলে গেলেন, অথবা দু'দণ্ডের জন্তু মালা গের্ণে গলার প'রলেন বা প্রিয়জনকে পরালেন । আপনার লালসা আবার অল্প আহারের সন্ধানে ছুটে গেল,—কিন্তু ফুলের কি অবস্থা হ'ল ? তার সৌরভ গেল,—সৌন্দর্য্য গেল,—হাসি গেল,—প্রাণের আশ্রুতে পুড়ে পুড়ে সে অকালে শুকিয়ে গেল । অল্প এক ব্যক্তি আপনার বহু পূর্বে সে বাগানে প্রবেশ ক'রেছিল,—সৌন্দর্য্যে তার প্রাণও মুগ্ধ হ'য়েছিল ; সে কিন্তু আপনার মত ফুলটি তোলেনি—তাকে স্পর্শও করে নি । দূরে দাঁড়িয়ে, ফুলের সেই হাসি,—সেই রূপ,—সেই আনন্দ নীরবে উপভোগ ক'রল—ফুলের সুখে সুখী হ'ল । এর নাম নীরব উপভোগ । এ ত্যাগের অতি নিকটে ;—এ অবস্থাকে ত্যাগ এবং ভোগের মধ্যবর্তী সেতু ব'লেও দোষ হয় না । বলুন দেখি, সুখী কে—আপনি ? না, সে ? শাস্তি কার ?—আপনার ? না, তার ?

খিজির । কে তুমি বালক ?

ইরাণী । আপনার শরীর-রক্ষক ইরাণী—আর কে !

খিজির । কার কাছে এ সব শিখলে ?

ইরাণী । আমার বাবা ত আর বড় একটা নবাব ষাদশা ছিলেন না, যে ছ'চারটে মৌলবী রেখে দেবেন ! এ সব আমার প্রাণের কাছে শেখা—মর্শের কাছে শেখা—ঠেকে ঠেকে—জ'লে জ'লে—পুড়ে পুড়ে শেখা ।

দেবলা দেবী ।

[অষ্টম দৃশ্য ।

খিজির । এই কিশোর বয়সে এত কি মনস্তাপ পেয়েছ
বালক ?

ইরাণী । তবে শুনবে বন্ধু, চোখ বখন প্রথম রঙ্গিন হ'য়ে উঠেছিল—যখন
আকাশ ইন্দ্রধনু বর্ণে রঞ্জিত বোধ হ'ত—পিঙ্কের পঞ্চম রাগিণীতে
প্রাণে কি এক অননুভূত ভাবের তরঙ্গ উঠ'ত—শরীর কি এক সুখ-
স্বপ্নের আবেশে বিভোর হ'য়ে যেত,—তখন একজনকে ভালবেসে-
ছিলেম । এত ভাল বেসেছিলেম যে, তার তিলেক অদর্শনে
প্রলয়ের অন্ধকার দেখতেম,—প্রাণ হাহাকার ক'রে কেঁদে উঠ'ত ।
সেও ব'লত,—সে আমায় ভালবাসে । তখন মনে ক'রতেম,
—বাস্তবিক বুঝি তাই । দিনে দিনে মন-প্রাণ,—আমার সর্বস্ব তার
পায়ে ডালি দিলেম । কপট,—অতি কপট প্রণয়ী সে,—একদিন
আমি সুখ-স্বপ্ন ভেঙ্গে দিল । পায়ে ধ'রে কাঁদলেম—পদাঘাত
ক'রে চ'লে গেল,—একবার ফিরেও চাইলে না ।

খিজির । তারপর ?

ইরাণী । তারপর ভাবলেম যাকে ভালবাসি, কেন তাকে ভালসার
গণ্ডীর মধ্যে আবদ্ধ রাখব ? আমি তাকে ভালবেসে সুখী—
প্রতিদান নাই বা পেলেম—তার কাজে এই জীবন বিলিয়ে দেব ।
একদিন না একদিন সে বুঝবে, আমি তাকে কত ভালবাসি ।
তখন যেই তার মনে হবে আমার উপর সে কত অবিচার ক'রেছে,
—আমার আকুল প্রেমের কত অমর্যাদা ক'রেছে—তার মর্মে ছিঁড়ে
ধাবে । যে শেল সে আমার বুকে হেনেছে, তার চেয়ে ভীষণতর
শেল তার বুকে বিঁধবে ।

খিজির । ইরাণী, তা'হলে রমণী-হৃদয়ে প্রেম নেই—

ইরাণী । তুল, বন্ধু, তুল ! পরের জন্ত আপনাকে বিলিয়ে দিতেই যে
নারীর জন্ম,—তাদের হৃদয়ে প্রেম নেই ! বোধ হয়, কোনদিন সে

প্রেম উপভোগ ক'রবার তোমার সুযোগ ঘটেনি, অথবা ঘটলেও
অনুভব ক'রবার প্রাণ তোমার নেই,—তাই এ কথা ব'লছ ।

খিজির । এ আমি বিশ্বাস ক'রতে পারি না ।

ইরাণী । ভাল, পরীক্ষা ক'রে দেখ । যাক, এখন কাজের কথা হ'ক—

তোমার বন্দিনী ঐ সত্ত্ব বিকসিত কুম্ভটীর কি ক'রবে ? চিরাভ্যস্ত
পথ গ্রহণ ক'রবে, না নূতন কিছু ক'রবে ?

খিজির । কি রকম ?

ইরাণী । ভ্রমরের বুক থেকে কেড়ে এনে, পদতলে দলিত ক'রবে,—না,

দূরে দাঁড়িয়ে তার হাসি—তার খেলা—তার সৌন্দর্য উপভোগ ক'রবে ?

খিজির । ভ্রমর কে ?

ইরাণী । বলদেব ।

খিজির । তুমি কি ব'লতে চাও যে দেবলা বলদেবকে ভালবাসে ?

ইরাণী । আমার ত বিশ্বাস—

খিজির । রমণী ভালবাসে !

ইরাণী । পূর্বেই ব'লেছি পরীক্ষা করে দেখ । একটা কথা বলি—

শোন বন্ধু, যদি ঐ সৌন্দর্যাময়ী নারীর হৃদয় চাও, তবে দূরে দাঁড়িয়ে
দেখ ;—আর যদি তার প্রাণহীন দেহ চাও, তবে বৃন্তচ্যুত কর ।

তুই পথ আছে—যে দিকে ইচ্ছা যাও ।

খিজির । কিন্তু বড় সুন্দরী । আচ্ছা, ভেবে দেখি ;—চল ইরাণী, বাইরে
যাই ।

[উভয়ের প্রস্থান ।

শব্দ-দৃশ্য ।

দরবার-মণ্ডপ ।

(কাফুর ও সৈন্তগণ এক দিকে, অষ্ট দিকে মারাঠাসর্দারগণ ।)

কাফুর । (নিঃশব্দে) মনে থাকে যেন ভাই সব, আমার হাতেই তোমাদের

শিক্ষা এবং এই বীরধর্মে দীক্ষা । প্রভুভূত্যের সন্থ হ'লেও—

দেবী দেবী ।

[নবম দৃশ্য ।

একদিনও তোমাদের উপর কোন রুচ ব্যবহার করিনি । তোমরাও এতকাল প্রাণ দিয়ে আমার আদেশ পালন ক'রেছ । ভীষণ সমস্যার ভূমিতে আমি আজ দাঁড়িয়ে । দেখ ভাই সব, দুটো রক্ত চক্ষু দেখে এ সব কথা যেন ভুলে যেও না—বেইমানি ক'র না । সাবধান—ঐ সাহাজাদা আসছেন ।

(খিজির ও ইরাণীর প্রবেশ)

খিজির । (সিংহাসনে উপবেশন করিয়া) আপনারাই বুঝি মারাঠাসর্দার ?
১ম সর্দার । সাহাজাদার অনুমান সত্য ।

খিজির । আপনাদের আবেদন আমি মঞ্জুর ক'রলেম । যান্ সর্দারগণ, নিশ্চিত মনে নগরে বাস করুনগে—পাঠানসৈন্য আপনাদের তৃণ-গাছটিও স্পর্শ ক'রবে না ।

সর্দারগণ । সাহাজাদার জয় হোক—

খিজির । কৈ হায়—বন্দী মারাঠা সৈন্য—

(বন্দী সৈন্যগণকে লইয়া একজন প্রহরীর প্রবেশ)

এদের বন্ধন মোচন কর (তথাকরণ) বন্ধুগণ,

মারাঠা সৈ । জয় সাহাজাদার জয়,—

কাফুর । (স্বগত) একি কুহক জানে—আশ্চর্য্য !

খিজির । বন্ধুগণ, তোমাদের বীরত্ব দেখে আমি চমৎকৃত—তোমাদের মত শত্রু পেয়ে আমি ধন্য ! অসাধারণ একটা কিছু দেখলে স্বতঃই প্রাণ আনন্দে নেচে ওঠে । বীরগণ, তোমরা মুক্ত ।

মারাঠা সৈ । জয় সাহাজাদার জয়—

খিজির । কৈ হায়—সেই বন্দী রাজপুত—

(দেবীসিংহকে লইয়া প্রহরীর প্রবেশ)

শৃঙ্খল খুলে দাও, আজও বেঁচে আছ বন্ধু ?

দেবী । ছুরিতে মধু মাথালে মৃত্যুবরণের লাঘব হয় না সাহাজাদা ।

দ্বিতীয় অঙ্ক]

দেবলা দেবী ।

খিজির । তোমায় আমি মুক্তি দিচ্ছি রাজপুত্র—

দেবী । আমি মুক্তি চাইনা ।

খিজির । উত্তম, একে শৃঙ্খলিত ক'রে নিয়ে যাও ।

দেবী । (ব্যঙ্গস্বরে) সাহাজাদা করুণার অবতার ।

(প্রহরী তাহাই করিল)

খিজির । ইরাণী, মহারাজ বলজীকে নিয়ে এস ।

(ইরাণীর প্রস্থান এবং শৃঙ্খলিত বলদেবকে লইয়া পুনঃ প্রবেশ)

খিজির । বন্দী ! তুমি করুণসিংহের কন্যাকে আশ্রয় দিয়ে আমাদের

বিরুদ্ধাচরণ ক'রেছ—স্বপক্ষে তোমার কিছু ব'লবার আছে ?

বল । সম্মুখ-সংগ্রামে পরাস্ত হ'য়ে, বিষাক্ত শরে যারা গুপ্তভাবে রমণীর প্রাণ

সংহার করে, তাদের করুণা জাগাতে আমি কিছু ব'লতে চাইনা ।

খিজির । তোমার শাস্তি প্রাণদণ্ড—

বল । আমি প্রস্তুত ।

খিজির । ইরাণী, সসম্মানে গুজরাটের রাজ-কন্যাকে এখানে নিয়ে এস ।

(ইরাণীর তথাকরণ)

রাজকন্যা, কমলাদেবী আপনাকে স্বরণ ক'রেছেন—আপনি কি তাঁর

নিকটে যেতে চান ? এখন চূপ ক'রে থাকলে চ'লবে কেন ?—

পালাচ ত্যাগ ক'রে আমার কথার উত্তর দিন ।

দেবলা । বন্দিনীর ইচ্ছা অনিচ্ছায় কি যায় আসে—

খিজির । রাজকন্যা ! আপনি আমার বন্দিনী নন—আপনি সম্পূর্ণ

স্বাধীনা—ইচ্ছা হয়, বাইরে দেবীদাস আপনার অপেক্ষা ক'রছে—

তার সঙ্গে গমন করুন । আর যদি আপনার জননীকে দেখতে

সাধ হয়,—আমার সঙ্গে যেতে পারেন । যেখানেই থাকুন, আমায়

বিশ্বাস করুন—পাঠান আর আপনাকে বিরক্ত ক'রবে না—আপনি

এখন সম্পূর্ণ নিরাপদ ।

নবম দৃশ্য]

দেবলা দেবী ।

দেবলা । আমি দিল্লী যাব না—

খিজির । উত্তম, যেখানে অভিরুচি গমন করুন—

দেবলা । দয়া ক'রে আমায় দেবীদাদার নিকট পাঠিয়ে দিন ।

খিজির । ইরাণী, রাজকন্যাকে সেই রাজপুত্রের নিকট পৌঁছে দিয়ে এস ।

(ইরাণী ও দেবলা কিঞ্চিৎ অগ্রসর হইলেন ।)

ঘাতক, বলদেবজীর শিরশ্ছেদ কর— (দেবলা দাঁড়াইলেন)

খিজির । ইরাণী, রাজকন্যাকে সত্বর এখান থেকে নিয়ে যাও—

ইরাণী । চলুন—

দেবলা । (সহসা সিংহাসনতলে নতজানু হইয়া) দীন ছুনিয়ার মালিক,

ভগবানের অবতার,—আমার আশ্রয়দাতার জীবন ভিক্ষা দিন ।

খিজির । (স্বগত) আশ্রয়দাতার জীবন ! তবে কি কৃতজ্ঞতা ! (প্রকাশে)

তা হয় না । রাজকন্যা,—আপনি স্বাধীনা—আপনি নিরাপদ—

স্বস্থানে গমন করুন । বলদেবজী আমাদের বিরুদ্ধাচরণ ক'রেছেন,

তার শাস্তি প্রাণদণ্ড ।

দেবলা । তাঁর ত কোন অপরাধ নেই । তিনি যা ক'রেছেন, সব

আমারই জন্ত । আমিই অপরাধিনী । সাহাজাদা, যদি একান্তই

প্রাণ নেওয়া প্রয়োজন হয়—ওকে মুক্তি দিন—ঘাতককে আমায়

বধ ক'রতে আজ্ঞা করুন ; দোহাই সাহাজাদা—আমার প্রাণ নিয়ে

আমার আশ্রয়দাতাকে মুক্তি দিন ।

খিজির । তা, হয় না নারি, তোমাকে হত্যা করে কলঙ্ক কিন্তে

পা'ব না ।

দেবলা । (স্বগত) ভগবন্—এ কি ক'রলে—এ কি ক'রলে ! শেষে

আমিই বলজীর মৃত্যুর কারণ হ'লেম্—

খিজির । ঘাতক ! (ঘাতক অগ্রসর হইল)

দেবলা । সাহাজাদা, কণেক অপেক্ষা করুন ; যদি একান্তই রাজার

জীবননাশ ক'রতে হয়—তার আগে আমায় বধ করুন—আমিই
সমস্ত আপদের কারণ, আগে আমায় বধ করুন—

খিজির । ভদ্রে, কেন আপনি পরের জন্ত এত কাতর হ'চ্ছেন ! আপনি
স্বাধীনা—যেখানে ইচ্ছা গমন করুন—ঘাতক !

দেবলা । তবে কি কোন উপায় নেই ?

খিজির । উপায় ? হাঁ, এক উপায় আছে ;—রাজকন্যা, তুমি যদি
আমার এই ইরানী ভৃত্যকে বিবাহ ক'রতে সম্মত হও, তবে বন্দীকে
প্রাণ ভিক্ষা দিতে পারি ।

বল । অসম্ভব—না খিজির খাঁ—আমি প্রাণ-ভিক্ষা চাই না—

খিজির । আপনার উত্তর রাজকন্যা ?

দেবলা । দয়াময় আমার হৃদয়ে শক্তি দাও । পিতা, পিতা, স্বর্গ থেকে
তোমার অভয় হস্ত দেখিয়ে আমায় উৎসাহিত কর ! পুতিগন্ধময়
দেহের বিনিময়ে ইষ্টদেবতার জীবনরক্ষা—

(প্রকাশে) সাহাজাদা, আমি প্রস্তুত ।

বল । (বিকৃতকণ্ঠে) দেবলা—দেবলা—

দেবলা । বলজি, বলজি, মনের অবস্থা বুঝে আমায় ক্ষমা কর । শোন
বলজি, এতদিন সহস্র চেষ্টা ক'রেও তোমাকে যে কথা বলতে
পারিনি—আজ মৃত্যুর তীরে দাঁড়িয়ে সেই কথা বলে যা'চ্ছি—
দেবলা জীবনে মরণে তোমার ।

বল । তবে কেন এই ঘৃণা প্রস্তাবে সম্মত হ'চ্ছ

দেবলা । কেন ? এই দেহ—জরা ব্যাধি, মৃত্যুর হাতে যার নিস্তার নেই
—প্রতি মুহূর্ত্তে যায় ক্ষয়, সেই ক্ষণভঙ্গুর দেহের বিনিময়ে যদি আমার
ইষ্টদেবতার প্রাণ রক্ষা ক'রতে পারি,—কেন ক'রব না প্রভু ? আজ
তোমার দেবলার মরণ—কিন্তু বড় গৌরবের—বড় শাস্তিময়—বড়
বাহিত । সাহাজাদা ! এইবার আপনার দণ্ডপ্রত্যাহার করুন—

দেবলা দেবী ।

[নবম দৃশ্য ।

খিজির । কণ্ঠে স্বর নেই—রসনায় ভাষা নেই, কেমন ক'রে আদেশ প্রত্যাহার ক'রবে দেবী ! কি স্বর্গীয় এ দৃশ্য ! প্রণয়াম্পদের জীবন রক্ষার জন্ত আত্মোৎসর্গ মূর্তি ধ'রে সসারে নেমে এসেছে,—কি অলৌকিক অপার্থিব জ্যোতিতে ষদন রঞ্জিত—চোখ চেয়ে চেয়ে ঝ'লসে যাচ্ছে—আবার চাইছে । এত সৌন্দর্য্য ত কোন দিন দেখি নি—প্রাণে এ শিহরণ ত কোন দিন অনুভব করিনি ;—হৃদয়হীন আমি,—আমার চোখেও আজ অশ্রু ! ইরাণী—ইরাণী ! তুই সত্য ব'লেছিস,—আমারই ভুল ! ধন্য ধন্য তুমি রাজকন্যা ! মহারাজ বলজি,—

বল ! 'মহারাজ' সম্বোধন এখন ব্যক্তের পরিচায়ক খিজির খাঁ—

খিজির । না মহারাজ ব্যক্ত নয়, ষা' ব'লছি তার প্রতিবর্ণ সত্য । তুমি মুক্ত নও—আজ তোমাকে তোমার রাজ্য ফিরিয়ে দিচ্ছি । এ সিংহাসনে আর আমার ব'সবার অধিকার নাই—এ এখন তোমাব ।

(প্রহরী বলদেবের বন্ধন মোচন করিল ।)

দেবলা । ভগবান্ আপনার মঙ্গল করুন ।

খিজির । রাজকন্যা !—

দেবলা । আমি প্রস্তুত সাহাজাদা—

খিজির । উত্তম, তবে মহারাজ বলজি—আমার ইচ্ছা যে ঐশ্বরিক স্বরূপ আমার এই মুক্তাহার তোমার ভাবী পত্নীর গলায় দৃশ্যে পরিণে দিয়ে আমার হারকে ধন্য কর—আমাকে ধন্য কর । বিস্মিত হ'য়ে কি দেখছ বলজি—পাষণ হ'লেও আমি মানুষ । আমার অমুরোধ রক্ষা কর—

বল । (হার লইয়া) করুণার অবতার, কে আপনি ছদ্মবেশী

দেবতা ?

খিজির । যদি বন্ধুত্ব অধিকার দেও—আমি তোমার বন্ধু ।

(বলদেব দেবলার গলায় মালা পরাইয়া দিলেন ; পরে দুই জনে
নতজানু হইয়া)

বল । সাহাজাদা ! জানি না, কি ক'রে হৃদয়ের কৃতজ্ঞতা জানাব ?

খিজির । কেন বন্ধু ! একবার বন্ধু ব'লে আলিঙ্গন দেও—তোমার
পবিত্র স্পর্শে আমি ধন্য হই । (উভয়ে আলিঙ্গন-বন্ধ হইলেন)

মহারাজ, আমার ইচ্ছা যে আপনাদের শুভ-পরিণয় আমার দেবগিরি
পরিত্যাগের পূর্বে সম্পন্ন হয় । এ আনন্দের অংশ না নিয়ে আমি
দিল্লী গিয়ে সুখী হব না ।

বল । তাই হবে । আমি আপনাকে সাদরে নিমন্ত্রণ ক'রছি ।

খিজির । আমি আনন্দের সঙ্গে গ্রহণ ক'রছি ।—মহারাজ, আপনার
ভাবী পত্নীকে পার্শ্বে নিয়ে সিংহাসনে উপবেশন করুন—দেখে আমরা
ধন্য হই । (বলদেবের তথাকরণ ।)

ইরানী, এইবার সেই রাজপুতকে ডাক, (ইরানীর তথাকরণ) শূন্য
খুলে দাও । কি বন্ধু ! এখন বোধ হয় মুক্তি চাও ?

দেবী । এ কি ! এ কি ! আমি কি স্বপ্ন দেখছি ।

খিজির । কি বোধ হয় ?

দেবী । করুণাময় মহাপুরুষ ! আজ থেকে এ প্রাণ তোমার ।

খিজির । মহারাজ !—আজ আমরা আপনার দ্বারে অতিথি ।

বল । এ আমার মহৎ সম্মান সাহাজাদা,—আমুন (সকলে প্রস্থানোত্ত)

কাফুর । দাঁড়ান সাহাজাদা—

খিজির । কে ?

কাফুর । চিন্তে পা'রছেন না বোধ হয়, আমি কাফুর খাঁ ।

খিজির । কি চাই তোমার ?

কাফুর । শুনুন সাহাজাদা,—এতক্ষণ আমি নির্বাক হ'য়ে আপনার কার্য
দেখছিলাম । কিন্তু এখন বুঝছি, যে সম্রাটের কল্যাণে এবং

দেবলা দেবী।

[নবম দৃশ্য ।

সাম্রাজ্যের মঙ্গলের জন্য, আমার দু'চারিটি কথা না ব'ললে' চলে না। আমি জানতে চাই যে, কোন অধিকারে আপনি এ বন্দীদের বিচার ক'রছেন ?

খিজির। তার পূর্বে আমি জানতে চাই যে, কোন অধিকারে গোলাম হ'য়ে, তুমি আমার কাছে কৈফিয়ৎ চা'চ্ছ ?

কাফুর। আমি রাজভক্ত প্রজা, সম্রাটের নামে আপনাকে জিজ্ঞাসা ক'রছি,—বলা না বলা অবশ্য আপনার ইচ্ছা।

খিজির। তা হ'লে আমার উত্তর—তোমার সম্রাট যদি কখনও জিজ্ঞাসা করেন, কৈফিয়ৎ আমি তাঁকেই দেব।

কাফুর। বেশ, তাই দেবেন। বলদেবজী, করুণসিংহের কন্যা আপনারা আমার বন্দী—সৈন্যগণ শৃঙ্খলিত কর।

(সৈন্যগণ অগ্রসর হইল)

খিজির। খবরদার—(সৈন্যগণ ফিরিয়া আসিল)।

কাফুর। শুনুন সাহাজাদা,—আমার কার্যে বাধা দিলে, বিদ্রোহীজ্ঞানে আপনাকেও আমি বন্দী ক'রতে বাধ্য হ'ব। বুঝে কাজ করবেন—

খিজির। বটে ! এতদূর !—কাফুর খাঁ, আমার আদেশ অমান্য ক'রে—একজন সৈনিক দ্বারা বিষাক্ত শরে তুমি শক্তিময়ী লক্ষ্মীবাইকে হত্যা করিয়েছিলে। ভেবেছিলাম—দিল্লী গিয়ে তোমাৎ সৈন্যগণের রাধের বিচার ক'রব—কিন্তু এখনই ক'রবার প্রয়োজন হ'লে হ'লে সে সমক্ষে তোমার কিছু ব'লবার আছে ?—

কাফুর। আমি উত্তর দিতে বাধ্য নই—

খিজির। শোন কাফুর, তোমার শাস্তি,—এই মুহূর্ত্ত হ'তে সপ্তাহকাল তুমি অস্ত্র ধারণ ক'রতে পারবে না। সৈনিকগণ, কাফুরখাঁকে নিরস্ত্র কর।—কি, সব চুপ করে দাঁড়িয়ে রইলি যে—আমার আদেশ শুনতে পাসনি ?—বেইমান কমবক্ত সব—

(ক্ষিপ্রহস্তে তরবারি বাহির করিয়া একজন সৈনিকের
মস্তক দেহচ্যুত করিতে গেলেন ।)

সৈনিক । দোহাই সাহাজাদা—

খিজির । শীঘ্র আদেশ পালন কর—(সৈনিকগণ অগ্রসর হইল)

কাফুর । সাহাজাদা—

খিজির । খবরদার—বাধা দিলে আরও অপমানিত হবে । সাবধান—
(সৈনিকগণ কাফুরকে নিরস্ত্র করিল)

শোন কাফুর থা ! আমার জন্ম হুকুম ক'রতে—আর তোমার জন্ম
সেই হুকুম তামিল ক'রতে—

[ইরানীর সহিত সৈন্যগণের ও খিজিরের সহিত অন্যান্য সকলের প্রস্থান ।
কাফুর প্রস্তরমূর্তির মত দণ্ডায়মান হইয়া ক্রোধে দন্ত দন্ত ঘর্ষণ
করিতে লাগিলেন ।]

তৃতীয় অঙ্ক ।

প্রথম দৃশ্য ।

কক্ষ ।

কমলাদেবী শোফায় অর্দ্ধশায়িতা—চিন্তামগ্না । বাঁদীগণ তাঁহার
সেবা করিতেছে ।

কমলা । দূরে—আরও দূরে—ঐ নিবিড় ঘন অন্ধকারে ঝাঁপ দিতে হবে ।
সাহস দেখে পৃথিবী মুখ ঢাকবে—সূর্য্য চোখ বুঁজবে—চন্দ্র খ'সে
প'ড়বে । ছুটে এস—ছুটে এস শয়তান—তোমার নিকট আত্ম-
বিক্রয় ক'রতে আমি উন্মাদিনী । এস, এস, আমার সমস্ত
হৃদয়ে তোমার আধিপত্য বিস্তার কর । পা'রুব না ? চোখের
উপর তিন তিনটে পুত্রের মৃত্যু দেখেছি—আলাউদ্দিনের খড়্গ
তাদের বুকে বিঁধেছে—দর দর ধারে রক্ত ছুটেছে—সেই স্রোত
রুদ্ধ ক'রতে ক্ষতস্থান চেপে ধরেছি—তা'দের উষ্ণ রক্ত হাত
রঞ্জিত হ'য়ে গেছে ।—আর ভাব'ব না—উন্মাদ হ'ব—উন্মাদ হ'ব
(প্রকাশ্যে) সম্মুখে কি এখনও দরবার থেকে আসেন নি ?

১ন বাঁদী । না বেগমসাহেবা ।

কমলা । আমার বীণা আন । (বাঁদী বীণা আনিয়া তাঁহার হাতে দিল)
এই বীণা একদিন মর্ত্যে স্বর্গ থেকে এনেছিল,—আবার ভাব'ছি—
না, এ কি জালা ? কিসে এ চিন্তার হাত থেকে নিস্তার পাব ?
তোরা গান কর—

বাঁদীগণের গীত ।

ধেমের এই ধারা—

বিরহে মর্শদাহন—মিলনে আশ্রহার।

এই, চোখে চোখে দুটি আছে বসে,

এই, পথ চেয়ে বসে কার আসে,

এই, কনক-উজ্জ্বলবরণী, হেরে নির্মল কিবা ধরণী,

যেব উঠে এই হৃদয়াকাশে, প্রবল ধারা নরনে বরিষে—

হেরে তিমিরবরণী ধরা ।

এই, ফুলের ভূষণ করি আভরণ আপনি আপন মুক

এই ছিঁড়ে ফুলমালা, বলে বড় আলা, করিছে কলর দক্ষ,

এই, মলয়-গরণে শিহরে হরষে আবেশে বিভোর দৃষ্টি

এই, বেশ ভূষা টেনে, ফেলে দেয় দূরে—সমীরে গলে বৃষ্টি ;

এই, রক্তিম অধরে হাসির রেখাটি

এই, ঘূর্ণিত নরনে ভীষণ ক্রকুটি—

যেন পানলিখীপারা ।

(আলাউদ্দিনের প্রবেশ)

কমলা । (ক্রমশ উঠিয়া) বাঁদীর সেলাম পৌছে জাঁহাপনা—

কমলা

[বাঁদীগণের প্রস্থান ।

আজ আপনাকে এত বিষণ্ণ দেখছি কেন জাঁহাপনা ?

আলা । বড় দুঃসংবাদ পেয়েছি কমলা—

কমলা । দুঃসংবাদ ?

আলা । কাফুর, খিজিরের বিরুদ্ধে এক অভিযোগ পাঠিয়েছে ।

কমলা । আজও কি ক্ষুদ্র দেবগিরি পরাভূত হয় নি ?

আলা । সবই বলছি, ধীরে ধীরে শোন । দেবগিরি জয় ক'রে খিজির

তোমার কন্যাকে এবং বলদেবকে বন্দী ক'রেছিল ।

দেবলা দেবী।

[প্রথম দৃশ্য।

কমলা। দেবলাকে পেয়েছে ? সে কি আজও বেঁচে আছে ?

আলা। শোন, তারপর যুদ্ধান্তে খিজির বিচার ক'রে সমস্ত মারাঠা সৈন্যদের মুক্তি দিয়েছে ; আর বলদেবকে তার রাজ্য প্রত্যর্পণ ক'রেছে।

কমলা। আর দেবলা ?

আলা। খিজির স্বয়ং উপস্থিত থেকে বলদেবের সঙ্গে তোমার কন্যার বিবাহ দিয়েছে।

কমলা। (স্বগত) দয়াময় ! অপার তোমার করুণা। (প্রকাশে) জাঁহাপনা !

আলা। স্থির হও,—স্থির হও নারী, এখনও সব শেষ হয়নি। কাফুর তার কার্যে প্রতিবাদ ক'রেছিল ব'লে সে কাফুরকে সহস্র লোকের সম্মুখে অপমানিত ক'রেছে—একজন সৈনিক দ্বারা তার অঙ্গ থেকে অস্ত্র কেড়ে নিয়েছে।

কমলা। তারপর ?

আলা। আমি খিজিরকে তলব ক'রেছি, সে ফিরে আসুক।

কমলা। এই মাত্র ! এই আপনার বিচার ! আপনি না সে দিন প্রতিজ্ঞা ক'রে ব'লেছিলেন যে আমার কন্যাকে এনে দেবেন, এই আপনার প্রতিজ্ঞাপালন ! এই ভাবে আমার শত অন্তঃকরুণ, অকুল অং জলের মর্যাদা রাখলেন। মহাগৌরবময় অস্ত্র হস্তে ভ্রাসিয়ে দিয়েছেন কি এই প্রতিদানের জগ্য তোমার পায়ে আমার জীবন—দৌরন—সর্বস্ব ডালি দেব। বীরশ্রেষ্ঠ কাফুরখাঁ শত যুদ্ধে জীবন বিপন্ন ক'রে তোমার জয়পতাকা বহন ক'রেছে, আজ সে অপমানিত—পদাহত ! তার অঙ্গ থেকে অস্ত্র কেড়ে নিয়েছে ! যে মারাঠা পুনঃ পুনঃ আমার কন্যার পাণিপ্রার্থনা ক'রে প্রত্যাখ্যাত হ'য়ে ফিরে গেছে, আজ তার হস্তে আমার কন্যাকে অর্পণ ক'রেছে ! সম্রাট, জাঁহাপনা। এতখানি অপরাধের শাস্তি কি শুদ্ধ তাকে তলব করা ! কেন তখন তোমার

কপটবাক্যে বিশ্বাস স্থাপন ক'রে অনাহারে প্রাণত্যাগ করিনি ;
তাঁ হ'লে ত আজ এ লাঞ্ছনা ভোগ ক'রতে হ'ত না । কি ভুল
ক'রেছি—কি ভুল ক'রেছি—

আলা । কমলা—কমলা—স্থির হও—স্থির হও ।

কমলা । হাঁ স্থির হব—একেবারে স্থির হব—এমন স্থির হব যে তোমার
শত অবজ্ঞা, শত হেনস্তা আর আমার গায়ে ঝিঁঝিঁবে না—(হস্তের
হীরকানুরীয় মুখে দিতে গেলেন ।)

আলা । কমলা, কি ক'রছো ? ও যে বিষ,—ক্ষান্ত হও,—ক্ষান্ত হও ।
যা ব'লবে আমি তাই ক'রব—দোহাই তোমার—ক্ষান্ত হও ! আমি
প্রতিজ্ঞা ক'রছি—তুমি যা ব'লবে তাই ক'রব ।

কমলা । আর তোমাকে বিশ্বাস নেই—তোমার ছল প্রতিজ্ঞায় আর
আমার আস্থা নেই,—এতদিনে তোমায় আমি বেশ চিনেছি—
কার্যোদ্ধারের জন্ত তুমি সব ক'রতে পার ।

আলা । আমায় বিশ্বাস কর, এত আমি কোরান ছুঁয়ে শপথ ক'রছি—
খিজিরকে তুমি যে শাস্তি ব'লবে, আমি তাই দেব

কমলা । উত্তম । বাদী—না আমিই শাস্তি । (প্রস্থানোচ্চতা ।)

আলা । কোথায় যাও ?

কমলা । আসছি— (প্রস্থান ।)

আলা । কোথায় গেল—বড় আঘাত পেয়েছে—আত্মহত্যা করায়
অসম্ভব নয় । কে আছি ? (বাদীর প্রবেশ) তোমাদের বেগম
সাহেবার প্রতি লক্ষ্য রাখ'বে, তিনি জানতে না পারেন—
সাবধান ।

বাদী । যো হুকুম খোদাবন্দ । (প্রস্থান ।)

আলা । সত্যই আমি অবিচার ক'রেছি । স্নেহহৃৎকল হৃদয় নিয়ে বিচার
করা চলে না । যতই তার অপরাধের কথা ভাব'তে লাগ'লেম ততই

সেবলা দেবী ।

[প্রথম দৃশ্য ।

তার বর্গগতা জননীৰ মুখখানি আমার চোখের সামনে সুস্পষ্ট হ'লে
জেগে উঠল ! সব ঘুলিয়ে গেল ! (কমলার প্রবেশ) ও কি ?

কমলা । খিজিরের দণ্ডাজ্ঞা—স্বাক্ষর করুন সত্ৰাট—

আলা । দেখি—

কমলা । কোন প্রয়োজন নেই । মনে ক'রে দেখুন, কোরাণ স্পর্শ
ক'রে ব'লেছেন কিনা যে, আমি যে শান্তি দিতে চাইব, তা'তেই
আপনি সম্মত ?

আলা । হুঁঃ—তা ব'লেছি বটে । আচ্ছা দাও । কিন্তু—দেখলে ক্ষতি কি ?

কমলা । এ ব্যবহার আপনারই যোগ্য । প্রতি কার্যে এত কপটতা
—এত ছলনা ! দিন সত্ৰাট আমার কাগজ ফিরিয়ে দিন—

আলা । না—না—এই আমি স্বাক্ষর ক'বুছি । (তথাকরণ)

কমলা । কোথায় কাফুরের সেই পত্রবাহক ?

আলা । সে বহু পূর্বে আগার পূর্বাদেশ নিয়ে চ'লে গেছে ।

কমলা । তাহ'লে দ্রুতগামী অশ্বারোহী দ্বারা এই আদেশপত্র পাঠিয়ে দিন ।

আলা । কৈ হায়— (জনৈক খোজার প্রবেশ ।)

উজিরের কাছে নিয়ে যাও—দ্রুতগামী অশ্বারোহী দিয়ে এই পত্র
যেন পাঠিয়ে দেয় ।

কমলা । এখনই—

খোজা । যো হুকুম । (প্রস্থান ।)

কমলা । সাধে কি সব বিসর্জন দিয়ে তোমার কথায় আজও বেঁচে
আছি ! কোথায় বাঁদীরা—সঙ্গীতসুধায় জাঁহাপনার শান্তি দূর
করুক । না,—আমি গাই । “ গাইব জাঁহাপনা ?

আলা । গাও—

কমলা । সাহস হয় না । যদি তোমার মনের মত না হয়,—না, আমি
গাইব না ।

আলা । কমলা, আমার প্রাণ বড় ব্যাকুল হ'য়ে উঠেছে । কিসে স্বাক্ষর
ক'রেছি না জা'নতে পা'রুলে আমি স্থির হ'তে পারছি না ।

আমায় বল কমলা,—

কমলা । হায় সম্রাট—আমাকে আপনার এত সন্দেহ ! আপনি শ্রান্ত—
আগে বিশ্রাম করুন । আপনার নিকট গোপন ক'রুন, এমন
আমার কি আছে জাঁহাপনা ? থাক, আর গানে কাজ নেই ।

আলা । না, ধাও প্রাণেশ্বরী, তোমার সঙ্গীতের মূরে ভাসিয়ে দূর হ'তে
দূরান্তরে—যেখানে জালা নেই—শোক নেই—আধার নেই,—সেই
খানে আমায় নিয়ে যাও—

কমলা । যো হকুম । (স্বগত) আলাউদ্দিন ! এইবার তুমি নিজের
জালে নিজে জড়িয়েছ । আর তোমার নিস্তার নেই । এতদিনে
আমার মহাব্রত উদ্ঘাপিত হবে ।

বীণা বাজাইয়া গীত ।

জীবন সাঁঝে যম স্বপ্নের মাঝে,

উল্লাস ধরি কেন ঘন বাজে ।

শুধু এ মরু নাহিক বারি,

শুধু এ কুণ্ড, শুধু মঞ্জরী,

লুপ্ত ধারী, ত্যক্ত এ পুরী,

কেন তবে আজি যোহন সাজে ।

জাসিবে কি তবে সে চির বাঞ্ছিত,

চির কামনার ধন—হৃদয়-শোণিত,

বিষমপত্ত তাই কি রঞ্জিত,

তাই কি নরমে মধুর রাজে ॥

আসমুদ্র হিমাচল যার মনোরঞ্জে ব্যাগ্র—অবলার এমন কি শক্তি
আছে—যার দ্বারা তাঁর হৃদয় মোহিত ক'রবে জাঁহাপনা ।

আলা । চমৎকার তোমার সঙ্গীত, আমি মুগ্ধ—তৃপ্ত—তৃপ্তিত । এমন

দেবতা দেবী ।

[প্রথম দৃশ্য ।

গান ত কোন দিন শুনিনি—এ যে প্রাণ দিবে গাওয়া ; স্বরলহরী
যেন কোন বাস্তবের মধ্যে মূর্তিমতী হ'য়ে দাঁড়িয়ে—দ্রষ্টা আমি ।

কমলা । আমার পরম সৌভাগ্য যে, জাঁহাপনাকে আনন্দ দিতে পেরেছি ।

আলা । কমলা ?

কমলা । আদেশ করুন—

আলা । এখন আনায় বল,—আমার উৎকণ্ঠা দূর কর ।

কমলা । কি ব'লব জাঁহাপনা ?

আলা । কি লিখেছ সে পত্রে ?

কমলা । (স্বগত) এতক্ষণে পত্র নিয়ে অশ্বারোহী যাত্রা ক'রেছে ।

এখন আর ফিরিয়ে আনতে পারবে না । (প্রকাশে) পত্রপ্রাপ্তির
সম্প্রদায় মধ্যে দেবগিরি পৃথিবী-বক্ষ থেকে উপড়ে সাগর জলে ডুবিয়ে
দিতে, এবং আমার কন্যাকে উদ্ধার ক'রে সন্ধে করে এখানে আনতে
আদেশ দিয়েছি ।

আলা । খিজির সম্বন্ধে ?

কমলা । সেই কর্তব্যজ্ঞানহীন অর্ধাচীরের শিরশ্ছেদ ক'রে তার মুণ্ড
আপনার নিকট পাঠাবে, আর তার দেহ কুকুর দিয়ে খাওয়াবে ।

আলা । এঁা ! পিশাচী—রাক্ষসী—ক'রেছিম্ কি ! ক'রেছিম্ কি !

খিজির—খিজির—পুত্র আমার,—কে আছিম্—উজির—উজির—

কমলা । কোরাণ স্পর্শ ক'রে শপথের কথা স্মরণ করুন সম্রাট ।

আলা । ওঃ—খোদা ! (মুচ্ছা) ।

কমলা । চমৎকার এ দৃশ্য ! কল্পনার নেত্রে দেখছি—আমার স্বামী
ও দিকপালের মত তিন তিনটে পুত্র হারিয়ে—রাজ্য থেকে
বিতাড়িত হ'য়ে—পরিণীতা পত্নী হ'তে বিচ্ছিন্ন হ'য়ে এমনি ভাবে
মূচ্ছিত হ'য়ে প'ড়েছিলেন,—এমনি ভাবে 'হা ভগবান্' ব'লে আর্শ্বনাদ
ক'রেছিলেন । কই, কেউত তাঁর বেদনা বোঝেনি,—কেউ ত তাঁর

কথা একবারও ভাবেনি—তঁার এই মর্মস্থদ হাহাকার কেউ ত কাণ পেতে শোনেনি—কেবল পাগল বাতাস হা হা শব্দে এসে তঁার সেই ক্ষাঁণ স্বর গ্রাস ক'রে ছুটে গিয়েছিল । এই ত সে সম্রাট আলাউদ্দিন—যা'র প্রতাপে আজ ভারত ভয়ে ত্রিস্রমাণ—যা'র দানবীয় অত্যাচারে আজ রাজস্থান শ্মশান, এই ত সে সম্রাট আলাউদ্দিন—আমার পায়ের তলায় লোটাচ্ছে ! এই মুহূর্তেই এর জীবন-প্রদীপ নিৰ্ব্বাপিত ক'রতে পারি ! কিন্তু তা' ক'রব না—মৃত্যু ত এর পক্ষে পরম বাঞ্ছনীয় । আলাউদ্দিন, তোমার বৃকের উপর ব'সে একটু একটু ক'রে কঠিন—তীব্র—তীক্ষ্ণ নখর দ্বারা হৃৎপিণ্ড উপড়ে আন্ব ;—জ্বালার উপর জ্বালা—আগুনের উপর আগুন—বিষের উপর বিষ—এই তার আরম্ভ—

(তীব্র দৃষ্টিতে মূর্ছিত আলাউদ্দিনের দিকে চাহিয়া রহিলেন—
নয়ন হইতে বিদ্যুৎ ছুটিতে লাগিল ।)

দ্বিতীয় দৃশ্য ।

শিবির

খিজিরের সহিত গান করিতে করিতে ইরাণীর প্রবেশ ।

গীত ।

কাছে কাছে আছ তবু কেন দূরে ।

ধরা দিবে পুনঃ কেন ব'ও সরে ।

সুখস্বাবে সখা এ বে বড় দুঃখ,

দীপ্ত অনলে জলে যায় বুক ;

সহে না সহে না—বড় এ বাতনা

এলর ভীষণ আলোক অঁধারে ।

তোমার পরশে, পরাণ পূলকে,
হরষে মাতিবে অধির পলকে,
এস এস নাথ, হে চির-বাহিত
প্রেমের তিথারী দাঁড়ারে ছমারে ।

খিজির । অদ্ভুত তোমার সঙ্গীত—কিছুই বুঝলেম না ।

ইরাণী । কি ক'রে বুঝবেন—আমার মত অবস্থা যদি কখনও হয়—তখন
বুঝবেন ।

খিজির । আমি বুঝতে চাই না । ইরাণী, নর্তকীরা দিল্লী দিগে
গেছে ?

ইরাণী । না গিয়ে কি ক'রবে ! বেচারিরা বড় আশা ক'রে আপনার
সঙ্গে এসেছিল—আপনি স্পষ্ট জবাব দিলেন,—কি আর ক'রবে !
তবে আপনার দুঃসমন সেই আলী কিন্তু যায় নি ।

খিজির । কেন ? তোমার আদেশে সুরা ত ত্যাগ ক'রেছি—আর ত
তার এখানে থাকবার কোন প্রয়োজন নেই ।

ইরাণী । না গেলে কি ক'রবে ?

খিজির । কোথায় সে ?

ইরাণী । শিবিরের ঐ কোণে চূপ ক'রে ব'সে আছে ।

খিজির । আলী থা—

(নেপথ্যে আলী—“খোদাবন্দ”)

(আলীর প্রবেশ)

তারা সব গেল—তুমি যাও নি যে—

আলী । না জনাব, সে ছোটলোক বেটীদের সঙ্গে আমার পোষাবে না—
এখানে আমি বেশ আছি ।

খিজির । এখানে থেকে কি কর'বে ?

আলী । হজুরের জুতোর ধুলো ঝাড়ব ।

খিজির। আলী, তুমি দিল্লী ফিরে যাও—আমার কাছে আর ত মজা
পাবে না।

আলী। আমার অদৃষ্টের দোষ, নইলে এ দানাটা আপনার ঘাড়ে এসে
চাপবে কেন? এখন থেকে না হয় আফিংই খাব। জুতোই মারুন্
আর লাথিই মারুন্—আলী হুজুরের চরণ ছাড়ছে না।

খিজির। ইচ্ছা হয় থাক— [আলীর প্রশ্নান।

ইরাণী। আলী আমার উপর হাড়ে হাড়ে চটেছে।

খিজির। চটেবে না! পাপীকে যদি কোন দেবদূত স্বর্গের উজ্জল
আলোক দেখায়, তবে শয়তান চটে না? তা'র শিকার যে হাতছাড়া
হ'য়ে গেল।

ইরাণী। একি বলছেন জনাব।

খিজির। একটুও অতিরঞ্জিত করিনি বন্ধু,—ঠিক বলছি। জানি না—
কোন পুণ্যফলে তোমাকে পেয়েছি ইরাণী,—নইলে কে এই পশুকে
মানুষ ক'রত? আজ দেবগিরির প্রত্যেক অধিবাসী আমাকে
দেবতার মত শ্রদ্ধা করে! কিন্তু তারা জানে না, যে কোন দেবতার
অঙ্গস্পর্শে আজ আমি তাদের চক্ষে দেবতা। এখন প্রাণে প্রাণে
বুঝেছি ইরাণী, যে এতদিন যা ক'রেছি—সব তুল।

(জনৈক সৈনিকের প্রবেশ)

কে? কি চাও?

সৈনিক। এই পত্র সাহাজাদা—

খিজির। পত্র! দেখি—হঁ—যাও—

[সৈনিকের প্রশ্নান।

ইরাণী, আমায় দিল্লী যেতে হবে।

ইরাণী। কেন?

খিজির। সম্রাটের আদেশ।

ইরাণী। সসৈন্তে?

দেবলা দেবী ।

[দ্বিতীয় দৃশ্য ।

খিজির । না, একাকী ।

ইরাণী । এর কারণ ?—

খিজির । বোধ হয় কাফুর—

ইরাণী । তা সম্ভব । এ অবস্থায় দিল্লী যাওয়া কি নিরাপদ ?

খিজির । শুধু সম্রাটের আদেশ নয় বরু—পিতার আদেশ । নিরাপদ
না হলেও অমান্য ক'রতে পারি না ।

(দ্বিতীয় সৈনিকের প্রবেশ)

কে ? কি চাও ?

সৈনিক । আমায় চিন্তে পা'রছেন সাহাজাদা—

খিজির । তুমি বোধ হয় সম্রাটের একজন সৈনিক—

সৈনিক । সাহাজাদা, আপনার নিকট আমার অণু পরিচয় আছে । সেদিন

ঐ বৃক্ষতলে এক সৈনিককে প্রাণভিক্ষা দিয়েছিলেন—মনে পড়ে ?

খিজির । প্রাণভিক্ষা দিয়েছিলেন ! হাঁ—হ'য়েছে, সে লক্ষ্মীবাঈকে
হত্যা ক'রেছিল ।

সৈনিক । আমিই সেই সৈনিক, সাহাজাদা ;—আপনি দয়া ক'রে আমার
জীবন ভিক্ষা দিয়ে চাকরিটুকু বজায় রেখেছিলেন,—তাই এ দরিদ্রের
পরিবারবর্গ আজও তুমুঠো খেতে পাচ্ছে । আমি বড় গরীব
সাহাজাদা—

খিজির । কি চাও ?

সৈনিক । সাহাজাদা—আপনার বড় বিপদ । আপনাকে সতর্ক ক'রতে
এই দ্বিপ্রহর রজনীতে চোরের মত আমি আপনার শিবিরে ঢুকেছি ।
দিল্লী হ'তে এইমাত্র এক অশ্বারোহী ভীষণ এক দণ্ডাঙ্গা নিয়ে
পৌছেছে । কাফুরখান শিবিরে সবাই ব'সে পরামর্শ ক'রছে—আমি
সেখান থেকে আপনাকে সংবাদ দিতে পালিয়ে এসেছি । পালান—
সাহাজাদা—পালান—

খিজির । কি ব'লছ সৈনিক—আমি যে কিছুই বুঝতে পা'রছি না ।

সৈনিক । সে বড় ভীষণ কথা,—আমি উচ্চারণ ক'রতে পা'রছি না—

জিহ্বা জড়িয়ে আ'স্ছে—আতঙ্কে সর্বশরীর কাঁপছে,—সাহাজাদা
আপনাকে হত্যা—

খিজির । হত্যা !

সৈনিক । শুধু হত্যা নয়,—শির দিল্লী পাঠাবে, আর দেহ কুকুর দিয়ে
খাওয়াবে ।

খিজির । সম্রাটের আদেশ ?

সৈনিক । হাঁ জনাব,—এখনও সময় আছে—পালান্—আপনি পালান্ ।

খিজির । অসম্ভব ! এইমাত্র আমি সম্রাটের পত্র পেয়েছি, তিনি আমায়
মাত্র তলব ক'রেছেন ! সৈনিক তোমার কথা বিশ্বাস ক'রতে
আমার ইচ্ছা হ'চ্ছে না ।

সৈনিক । আমি কি আমার প্রাণদাতাকে প্রতারণা ক'রতে এই দ্বিপ্রহর
রজনীতে চোরের মত তাঁর শিবিরে ঢুকেছি ! খোদার কসম—
যা ব'লেছি তার একবর্ণও মিথ্যা নয় । সেদিন আমাকে যিনি
শরক্ষেপ ক'রতে আদেশ দিয়েছিলেন, কাফুর খাঁ নিজ হাতে তাঁকে
শৃঙ্খলমুক্ত ক'রেছেন,—আনন্দে তাঁরা দুইজন নৃত্য ক'রছেন ।
সাহাজাদা, আর বিলম্ব ক'রলে আমি ধরা পড়ে যাব—আমার শির
যাবে । দোহাই ধর্মের,—আমাকে বিশ্বাস করুন—এখনও পালান
—এখনও সময় আছে—আত্মরক্ষা করুন— [প্রস্থান ।

ইরাণী । সাবাস্—একটা লোক বটে ! এত বড় একটা দেনা সূদ সমেত
পরিশোধ ক'রলে !

খিজির । ইরানী, আমি যে কিছু ধারণা ক'রতে পা'রছি না—

ইরাণী । পারুন আর না পারুন—স'রে পড়ুন ।

খিজির । কোথায় ?

দেবলা দেবী ।

[দ্বিতীয় দৃশ্য ।

ইরাণী । যে দিকে দুই চোখ যায় ।

খিজির । কেন ?

ইরাণী । সাহাজাদা, আপনার পিতার স্বয়ং-রাজ্যের বর্তমান
অধিশ্বরী কে ?

খিজির । তোমার কথা আমি বুঝতে পারছি না.—

ইরাণী । আপনার পিতা এখন কার কথায় ওঠেন বলেন ?

খিজির । অনেকটা কমলা দেবীর ;—

ইরাণী । কে তিনি ?

খিজির । গুজরাটের ভূতপূর্ব রাজা—দেবলার জননী ।

ইরাণী । তাই বল । শোন বন্ধু, প্রথম যে পত্র পেয়েছিলে—সে তোমার
পিতার আদেশ । তারপর যা' এই সৈনিকের মুখে শুনেছ,—এ
তোমার সেই কমলা দেবীর আদেশ ।

খিজির । কমলাদেবী কে ? কেন আমি তার আদেশ মানতে যাব ?

ইরাণী । আবার তুল বুঝলে । বর্তমানে তোমার পিতা আর কমলা
দেবী ত পৃথক নন । যম্মী কমলাদেবী, আর যম্মী তোমার পিতা ।
তিনি যে ভাবে নাচা'চ্ছেন, তোমার পিতাও সেই ভাবে না'চছেন ।
অবশ্য এ আমার অল্পমান । কিন্তু যাই হ'ক,—তুমি পালানো ।

খিজির । যদি তাই হয়—কোথায় পালানো ? কোথায় গিয়ে নিরাপদ
হব ! না ইরাণী, আমি পালানো না—পিতা যখন আমার উপর
অবিচার ক'রেছেন, তখন এ প্রাণে আর আমার প্রয়োজন নেই ।

ইরাণী । কার উপর অবিচার ক'রছ হতভাগ্য ! তোমার পিতা কোথায় ?
তোমার মায়ের মৃত্যুর সঙ্গে সঙ্গে তাঁরও যে মৃত্যু হয়েছে ! কে তোমার
এ প্রাণের বেদনা বুঝবে ?—কার প্রাণ তোমার জন্ত কাঁদবে ?

খিজির । ঠিক ব'লেছ ইরাণী । এখন আমি সব বুঝতে পারছি ।
কাফুর করুণসিংহের সেনাপতি ছিল—তাই তার লাঞ্চার এবং

দেবলাকে পরিত্যাগ করায় ক্রুদ্ধ হ'য়ে সেই পিশাচী পিতাকে যে ভাবেই হ'ক বাধ্য ক'রে এই আদেশ পাঠিয়েছে ।

ইরাণী । অবশ্য এ অনুমান—

খিজির । না ইরাণী, এ অনুমান নয়—এ প্রত্যক্ষ সত্য । আমি আমার চোখের সামনে সব যেন দেখতে পাচ্ছি । কক্ষণে সেই কুলটা আমাদের অন্তঃপুরে ঢুকেছিল,—কক্ষণে পিতার মতিভ্রম ঘটেছে । ইরাণী, আমি এর প্রতিশোধ নেব—এমন প্রতিশোধ নেব, যা পাষণে খোদা অক্ষরের মত এদের স্মৃতিতে অক্ষয় হ'য়ে গাঁথা থাকবে । আমি চ'ললেম্—

(প্রস্থানোত্ত)

ইরাণী । আরে দাঁড়াও—দাঁড়াও—কোথায় যাচ্ছ ?

খিজির । দেবগিরি দুর্গে—

ইরাণী । আমি ?

খিজির । তুমি ! আমার সঙ্গে চল ।

ইরাণী । তাই বল । খুব সম্ভবপূর্ণে ধীরপাদক্ষেপে আমার পেছনে এস—

[উভয়ের প্রস্থান ।

(ক্ষণপরে বিপরীত দিক হইতে কাফুর, গণপং ও সৈন্তগণের প্রবেশ ।)

কাফুর । খিজির খাঁ,—এইবার—একি ! শূন্য শিবির !—সাহাজাদা—
সাহাজাদা ! কোথায় খিজির খাঁ আর তার বালক ভৃত্তা ! গণপং
আমার সন্দেহ হচ্ছে ।—আমার বিশ্বাস,—কোন প্রকারে সংবাদ
পেয়ে সে পলায়ন করেছে,—সৈন্তগণ, শিবিরের প্রত্যেক অংশ তন্ন
তন্ন করে সন্ধান কর । গণপং, চতুর্দিকে অশ্বারোহী পাঠাও—যেন
সে কোনমতে পালাতে না পারে । পদাহত ভূক্ত সুর্যোগ পেলেই
দংশন ক'রবে । যাও ।—

[বিভিন্নদিকে সকলের প্রস্থান ।

তৃতীয় দৃশ্য ।

দেবগিরিপ্রাসাদ । কক্ষ ।

বলদেব, খিজির ও ইরাণী ।

খিজির । শুনুন মহারাজ, যদি কোন দিন কোন উপকার ক'রে থাকি সে আমার কর্তব্য ক'রেছি মাত্র । সে কথা পুনঃ পুনঃ বললে আমি বড়ই লজ্জিত হব । আজ আমি সাহাজাদা ভাবে আপনার দুর্গে প্রবেশ করিনি—আজ ভিখারীর বেশে আপনার দ্বারে উপস্থিত । যদি অনুগ্রহ হয়, আগাকে আর আমার এই শরীর-রক্ষীকে আশ্রয় দান করুন । বল । খিজির খাঁ, যে অবস্থায়ই আপনি পতিত হ'ন না কেন, আমার চক্ষে আপনি সেই সাহাজাদা । এ আমার মহৎ সম্মান—আমার রাজ্যে বাস ক'রে আমার রুতায় করুন ।

খিজির । মহারাজের জয় হোক । কিন্তু মহারাজ পূর্বেও বলেছি এখনও ব'লছি—আমাদের আশ্রয় দিলে অচিরে কাফুরের বিরাট-বাহিনী আপনাকে গ্রাস ক'রতে ছুটে আসবে । এই হতভাগ্যের জন্ত একটা ভীষণ বিপদকে আহ্বান করা কর্তব্য কি না, আর একবার বিবেচনা ক'রে দেখুন ।

বল । সাহাজাদা ! বিবেচনা যা' ক'রবার বহুপূর্বে করেছি । আমি কি বিষ্মিত হ'য়েছি যে কার অনুগ্রহে এখনও আমি এই সাম্রাজ্যের শাসন-দণ্ড পরিচালনা ক'রছি,—কার করুণায় আমার চিরবাঞ্ছিত দেবলাকে পত্নীভাবে পেয়ে আজ আমি জগতে সবার চেয়ে সুখী । আমার ব'লতে যা কিছু, সবই ত আপনার নিকট পেয়েছি । যায় আপনার জন্ত যাবে । আলাউদ্দিন ত অতি তুচ্ছ—আজ যদি জগতের সনাতন শক্তি সম্মিলিত ও পুঞ্জীভূত হ'য়ে আমার বিরুদ্ধে দাঁড়ায়, দাঁড়াক ।

হাসুক সে কাফুর, সমুদ্রতরঙ্গের ভীম ভৈরব গর্জন নিয়ে
আমায় প্রাবিত ক'বুতে রাক্ষসের মত ধেয়ে,—আমার সঙ্কল্প অচল—
অটল ; পর্বতের মত ধীর—স্থির আমি ।

খিজির । তা হ'লে হে মহাপুরুষ, আজ থেকে এ তরবারি আপনার ।

(পদতলে তরবারি রাখিলেন)

বল । একি ক'রছেন সাহাজাদা,—আমায় অপরাধী ক'রবেন না !

খিজির । মহারাজ যদি দয়া করে আশ্রয় দিয়েছেন,—আর একটা
অনুরোধ,—আপনার সৈন্যদলকে আমায় ভিক্ষা দিন । যেরূপ সাহসী
ও সহিষ্ণু এরা, আমার মনোমত যদি এদের গ'ড়ে নিতে পারি,
আমার ভরসা আছে, এই ক্ষুদ্র শক্তি একদিন প্রবল প্রতাপান্বিত
সম্রাটের আসনও টলাবে । ভিখারীকে বিমুখ ক'রবেন না—

বল । এ আমার সৌভাগ্য সাহাজাদা । আমি সানন্দে আপনার প্রস্তাবে
সম্মতি দিচ্ছি ।

খিজির । কাফুর ! এইবার দেখ—কত শক্তিমান তুমি । মহারাজ,
আর আমার সময় নেই,—স্বৈচ্ছায় কর্তব্যের অচ্ছিন্ন শৃঙ্খল পরেছি
—শত বাহু বিস্তার ক'রে সে আমায় আহ্বান ক'রছে—এই মুহূর্তে
আমি কার্যে প্রবৃত্ত হব ।

বল । একটু বিশ্রাম—

খিজির । বিশ্রাম ! যদি কোন দিন সম্রাটের দক্ষিণহস্ত-স্বরূপ কাফুর
থাকে শৃঙ্খলিত ক'রে আপনার কারাগার দীপ্ত ক'রতে পারি,—
সেইদিন বিশ্রাম ক'রব । ক্ষমা ক'রবেন মহারাজ—দময়ান্তরে দেখা
ক'রব । এস ইরানী—

[খিজির ও ইরানীর প্রস্থান ।]

বল । অদ্ভুত এই খিজির থা—

[প্রস্থান ।]

চতুর্থ দৃশ্য ।

কাফুর খাঁর শিবির ।

(কাফুর)

কাফুর । ধিক্ এ জীবনে ! পাঁচ পাঁচ বার বগ্যার জলশ্রোতের গ্যায়
এই প্রকাণ্ড সৈন্য-শ্রোত নিয়ে আক্রমণ ক'রলেম,—পাঁচ পাঁচ বার
ক্ষুদ্র শক্তি নিয়ে আমায় প্রতিহত ক'রে ফিরিয়ে দিল । দিল্লী হ'তে
আরও বিশ সহস্র সৈন্য আনিয়েছি, কিন্তু আজ তার চার ভাগের
এক ভাগও জীবিত নেই । জানি না—কোন শক্তিতে আজ
খিজির খাঁ শক্তিমান্ । ওঃ—এই দশ দিনে পঁচিশ হাজার সৈন্য
হারিয়েছি ! কাজ কি ক'রেছি ?—সহরের দিকে এক ক্রোশও অগ্র-
সর হ'তে পারিনি । ভাবতেও শরীর শিউরে ওঠে । কেমন ক'রে
দিল্লীতে এ মুখ দেখাব ? যে বালককে এতদিন অবজ্ঞা ক'রে
এসেছি, আজ তার নিকট কি মর্মান্বহাণী পরাজয় ! এর চেয়ে যে
মৃত্যু ছিল ভাল । সৈন্যদের আর আমার উপর আস্থা নেই ;
তাদের অপরাধ কি ? আমার নিজেরই যে আর আমার শক্তির
উপর কোন বিশ্বাস নেই । সম্রাটের শেষ পত্র,—“ক্ষুদ্র দেবগিরি
জয় ক'রতে পূর্বে বিশ সহস্র সৈন্য দিয়েছি—পুনরায় বিশ সহস্র
পাঠাচ্ছি । পার, এই দিয়ে কাণ্ড উদ্ধার কর ;—না পার, অবসর
লও । আর সৈন্য দেব না ।” ত্রিশ হাজার সৈন্য নিয়ে যা' পারিনি,
আজ পাঁচ হাজারে তা কেমন ক'রে ক'রব !—তার উপর কারও
প্রাণে আর সে বল নেই—সে উৎসাহ নেই—সবাই নিজীব,—
যেন কবর থেকে উঠে আসছে । অসম্ভব—এ রণজয় অসম্ভব ! এই
কলঙ্কিত মুখ নিয়ে অপরাধীর বেশে নতশিরে দরবারে যেতে হবে,—
বিচারে মৃত্যু বা ঘোরতর লাঞ্ছনা । দুঃসহ জীবনভার বহন করা
অপেক্ষা মৃত্যু সহস্রগুণে শ্রেয়ঃ ; এই তার উপযুক্ত অবসর ।

(ছুরিকা বাহির করিয়া হৃদয় লক্ষ্য করিয়া আঘাতোচ্চোগ—

গণপৎ ছুটিয়া আসিয়া তাহার হাত ধরিলেন ।)

গণপৎ । কর কি—কর কি, খাঁ সাহেব !

কাফুর । গণপৎ বাধা দিও না । যদি মঙ্গল চাও,—যদি লাঞ্ছিত—হেয়
জীবন বহন ক'রতে না চাও, তবে তুমিও আমার দৃষ্টান্ত অনুসরণ
কর । হাত ছাড়—হাত ছাড়—

গণপৎ । মৃত্যু ত আর কেউ কেড়ে নিচ্ছে না, ছুদণ্ড পরেও ত ম'রতে
পা'রবে,—স্থির হ'য়ে আমার একটা কপা শোন—

কাফুর । সত্বর বল । মুক্তির সুদমন দ'রে দায়—

গণপৎ । কেন ম'রবে ?

কাফুর । কেন ম'রবে ! গণপৎ, তুমি কি মাতৃব নও—তুমি কি যোদ্ধা
নও, যে আমাকে জিজ্ঞাসা ক'রছ—কেন মরব ! চোখের সামনে
শরমুখে পঁচিশ হাজার সৈন্য এক সপ্তাহের মধ্যে ধূলোর মত উড়ে
মাফ্ হয়ে গেল,—পাঁচ পাঁচ বার আক্রমণ ক'রে প্রতিহত হ'য়ে
ফিরে এসেছি,—বালকের নিকট পরাজয়ের এই গভীর অনায়েয়
কলঙ্ক-কালিমা লালাটে নিয়ে কেমন ক'রে লোক সমাজে মুখ দেখাব ?

গণপৎ । স্বীকার করি,—পাঁচ বার আক্রমণ ক'রে পরাস্ত হ'য়েছি;
কিন্তু এবার যদি জয়ী হ'ই, তা' হ'লেও কি এ কলঙ্ককালিমা বিদূরিত
হবে না ?

কাফুর । জয়ী হ'লে বিদূরিত হবে বটে, কিন্তু সে জয়ের আশা ছরাশামাত্র ।

গণপৎ । এই কি সেই শত আসন্ন বিপদে হিমাত্তির গুণ অচল অটল
মহাবিচক্ষণ কাফুর খাঁ ! এত বিচলিত হওয়া তোমার পক্ষে বড়
লজ্জার কথা । যে মস্তিষ্ক একদিন একটা সাম্রাজ্যের সহস্র কার্য
পরিচালনা ক'রবে, আজ এই সামান্য কারণে তার এত বিচলিত
হওয়া সাজে না ! শোন কাফুর, আমি দিব্যচক্ষে দেখছি—ঐ

দেবলা দেবী ।

[চতুর্থ দৃশ্য ।

মণিমুক্তা-খচিত, সর্ব-ঐশ্বর্যামণ্ডিত দিল্লী-সিংহাসন একদিন তোমার দ্বারা অলঙ্কৃত হ'য়ে ধ্বংস হবে, তোমার পরিণাম এই জঘন্য মৃত্যু নয়। কাফুর। গণপং ! উন্মাদের গায় কি প্রলাপ ব'কছ ? তোমার মস্তিষ্ক বিকৃত। গণপং । উন্মাদ আমি নই কাফুর,—উন্মাদ তুমি ; আমার মস্তিষ্ক বিকৃত নয়—বিকৃত তোমার মস্তিষ্ক, নইলে চিরকৌশলী বীর আজ কেন ভুলে যাবে,—যে ছলে বলে শত্রু নিপাত ক'রতে হয়।

কাফুর। আমায় এই শিক্ষা দিতে এসেছ গণপং ! শত কৌশল ক'রে দেখেছি—কোন ফল হয় নি। খিজির যেন শয়তানের চেয়ে ধূর্ত।

গণপং । এবার আর ব্যর্থমনোরথ হ'তে হবে না।

কাফুর। আমি তোমার কথা ঠিক বুঝতে পারছি না গণপং।

গণপং । শোন খাঁ সাহেব—যে উপায়ে পূর্বে দুর্গ জয় ক'রেছিলে, এবার সেই উপায়ে কার্যোদ্ধার ক'রতে হবে, অর্থাৎ যে শক্তিতে আজ মারাঠা শক্তিমান,—সেই শক্তিকে অপসারিত ক'রতে হবে।

কাফুর। খিজিরকে হত্যা ক'রতে চাও ?—

গণপং । ঠিক ধ'রেছ—

কাফুর। উপায় ?

গণপং । লক্ষ্মীবাজিকে বিষাক্তশরে হত্যা ক'রেছিলেন,—এবারের মৃত্যু বাণ আলি খাঁ।

কাফুর। আলি খাঁ !

গণপং । আশ্চর্য্য হ'চ্ছ কেন ?

কাফুর। প্রাণান্তেও সে স্বীকার ক'রবে না—

গণপং । দে'খতে চাও ? আলী—

(আলিখাঁর প্রবেশ)

কেমন, তুমি স্বীকৃত ?

তৃতীয় অঙ্ক ।

দেবলা দেবী ।

আমি । আপনার আদেশ—স্বীকার না ক'রে কি করি । কিন্তু আমি
কি পেরে উঠব ?

গণপং । শোন আলী, এই ছুরিকায় তীব্র বিষ মিশ্রিত আছে । কোন
প্রকারে তার শরীরে একটু প্রবেশ করিয়ে দিতে পারলে মৃত্যু
অনিবার্য । যদি পার, পাঁচশত স্বর্ণমুদ্রা ! অগ্রিম অর্দেক দিচ্ছি—
বাকী কাজ শেষ ক'রে পাবে ।

আলী । পাঁচশত স্বর্ণমুদ্রা !

গণপং । হাঁ, পাঁচশত স্বর্ণমুদ্রা—এক একটা ক'রে তোমার হাতে গুণে
দেব । কাজও অতি সহজ—

আলী । তাই ত !

গণপং । আচ্ছা, আর এক কথা, ছুরিকা রাখ, পার, ভালই,—না পার
আমি আর এক মোড়ক অতি উগ্র বিষও দিচ্ছি ! কোন কৌশলে
তার আহাৰ্য্য বা পানীয়ে মিশিয়ে দিতে পারলে তনুহর্ন্তে মৃত্যু—কথা
ব'লবার অবকাশও পাবে না । এ আরও সহজ কাজ, পা'রবে না ?

আলী । পাঁচশত স্বর্ণমুদ্রা !—দেবেন ত ?

গণপং । এই অর্দেক নাও —(মুদ্রাদান) কেমন, হ'য়েছে ?

আলী । আমি পারব—নিশ্চয় পারব ।

গণপং । এই ত চাই । তবে এখনই যাত্রা কর । তোমায় কোন সন্দেহ
ক'রবে না—যা শিথিয়ে দিয়েছি, তাই ব'লবে । খুব সাবধান,—
যাও । (আলী প্রশ্বানোচ্চত)

আলীখাঁ—যদি পার, আরও একশ' বেশী দেব ।

আলী । আরও একশ' !

গণপং । হাঁ আলী, আরও একশ' ।

আলী । ইয়া আল্লা ! আমি পা'রব—যে ভাবে হয়, কাজ হাঁসিল
ক'রব । (প্রশ্বানোচ্চত ও ফিরিয়া)

দে বলা দেবী ।

[পঞ্চম দৃশ্য ।

বাকীটা কবে দেবেন ?

গণপং । কাজ শেষ করে এখন ফিরে আসবে ।

আলী । দেবেন ত ?

গণপং । নিশ্চয় । আমাকে কি তোমার অবিশ্বাস হচ্ছে ?

আলী । না—না—দে কি কথা ?

গণপং । কি ভাবছ কাফুর ?

কাফুর । শয়তানকে বিশ্বাস ক'রব, তবু মানুষকে আর বিশ্বাস ক'রব না । এই আলী পথে পথে ভিক্ষা ক'রে বেড়া'ত !—না—এর অপরাধ কি ? আমরা সবাই সমান । শয়তান ব'লে আমাদের প্রশংসা করা হয় । [প্রশ্নান ।

গণপং । এত ধর্মজ্ঞান তোমার কাফুর ! যেদিন বিপন্ন করুণসিংহকে পরিত্যাগ ক'রে আলাউদ্দিনের সঙ্গে যোগ দিয়েছিলে সে দিন এ ধর্মজ্ঞান কোথায় ছিল ? এখন তোমাকে কিছু ব'লব না ; কারণ এ কার্যে তুমিই আমার ব্রহ্মাণ্ড । উদ্দেশ্য সিদ্ধ ক'রে যে দিন নিজ হস্তে তোমার তপ্ত রুধিরে জ্যোষ্ঠতাতে আত্মার পরিতৃপ্তির জন্ম তর্পণ ক'রতে পারব, সেই দিন আমার বুকের আগুন নিভবে । কবে আসবে সে দিন ! ভগবান্ ! এত বড় বিশ্বাসঘাতকতা—এত বড় অধর্ম—এর কি কোন শাস্তি হবে না ! [প্রশ্নান ।

পঞ্চম দৃশ্য ।

প্রাসাদ-সম্মুখস্থ প্রাঙ্গণ ।

(খিজির ও ইরানী)

খিজির । এ তোমার অতি অচার ও অমূলক সন্দেহ, ইরানী । এই আলীখাঁ দিল্লীর রাজপথে ভিক্ষা ক'রে বেড়া'ত । নগর-ভ্রমণ কালে

এক দিন সেই অবস্থায় তা'কে দেখে আমার দয়া হ'ল !
সে আজ প্রায় ৭৮ বৎসরের কথা । সেই অবধি সে আমার
সঙ্গে সঙ্গে । প্রাণান্তেও সে কি আমার কোন অনিষ্টের চিন্তা
ক'রতে পারে ।

ইরানী । পারুক আর না পারুক,—আলীকে দেখে অবধি আমার প্রাণ
কি এক অজ্ঞাত আতঙ্কে কেঁপে উঠছে ! তা'কে নিকটে ডেকে
আমি অনেক কথা জিজ্ঞাসা ক'রেছিলাম—আমার প্রতি প্রশ্নে সে
যেন চম্কে চম্কে উঠল,—আমার দৃষ্টির সম্মুখে সে যেন কেমন
জড়সড় হ'য়ে গেল—আমার কাছ থেকে পালাতে পারলে সে যেন
ইপ ছেড়ে বাঁচে । সাহাজাদা, আপনার মঙ্গলের জন্তই ব'লছি,—
তাকে বিদায় দিন ।

খিজির । অমঙ্গলটা তুমি কি দেখলে ?

ইরানী । পাঁচ পাঁচ বার পরাজিত হ'য়ে, কাফুর কত অবমানিত—
মর্মান্বিত হ'য়েছে, তা বেশ বুঝতে পারেন । সহজে একটা দুর্গ জয়
ক'রতে যে বিষাক্ত শরে চোরের মত অবলার প্রাণ সংহার ক'রতে
পারে, সে যে এই মর্মান্বিতী অপমানের প্রতিশোধ নিতে আলীকে
এখানে পাঠায় নি, তা কি ক'রে বুঝলেন ?

খিজির । স্বীকার করি কাফুরের যেরূপ প্রকৃতি, তা'তে এ ব্যবহার তার
পক্ষে সম্পূর্ণ সম্ভব । কিন্তু ইরানী, যদি আমার সময় ফুরিয়ে থাকে,
তা'হলে শত আলীকে তাড়ালেও আমাকে রক্ষা ক'রতে পারবে না ।
আলীর হাতেই যদি মৃত্যু থাকে—তা হ'বেই । তা' বলে একটা
পিপীলিকাকে ভয় ক'রে চ'লব ? না ইরানী, তা পা'রবে না ।

ইরানী । আলির সঙ্গে ছুরিকা কেন ?

খিজির । আছে না কি ? বটে ! আলীও ছুরিকা হাতে ক'রেছে,—দিনে
দিনে হ'লো কি ! হাঃ হাঃ হাঃ—

দেবলা দেবী।

[পঞ্চম দৃশ্য।

ইরানী। আমার কথার উত্তর দিন, সাহাজাদা—

খিজির। কোন্ কথার ?

ইরানী। আলীর সঙ্গে ছুরিকা কেন ?

খিজির। পাগল ! নিশ্চয় আমাকে হত্যা ক'রবার জন্য নয়। প্রহরীদের নিকট শুনলেম যে, তাদের নিকট সে আমার শরীর-রক্ষক ব'লে পরিচয় দিয়েছে। এত বড় সাহাজাদার শরীর-রক্ষকের হাতে অন্ততঃ একখানা ছুরিকা না থা'কলে লোকের বিশ্বাস হবে কেন ? তাই বোধ হয়, আসবার সময় কোন সৈনিকের কাছ থেকে চেয়ে চিহ্নে ওখানা নিয়ে এসেছে। ইরানী, আনায় তুই বড় ভালবাসিস্—না ?

ইরানী। (মহাশ্বে) কিসে বুঝলেন ?

খিজির। নইলে আমার জন্য এত ভাব'বি কেন ? কি ? চূপ ক'রে রইলি যে—

ইরানী। এ যে আমার কর্তব্য সাহাজাদা—

খিজির। শুধু কর্তব্য ! না ইরানী,—তা নয়। তোমার প্রতিকার্যে যে তোমার অন্তরের পরিচয় পাই ! ভূত্যের কর্তব্য-পালন ত' এত মধুর হয় না—

ইরানী। ওঃ, সাহাজাদার অনেক ভৃত্য আছে কি না, তাই তাদের কর্তব্যপালন সম্বন্ধে মহা অভিজ্ঞতা জন্মেছে। সব ভৃত্যই প্রভুর কাৰ্য্য এই ভাবে করে—

খিজির। সবাই এই ভাবে করে ? দেবদূতের মত প্রতিপাদক্ষেপে এমনি ক'রে সতর্ক করে,—সারাব্যক্তি জেগে প্রভুকে পাহারা দেয়,—অপনক দৃষ্টিতে প্রভুর নিদ্রালস নয়নের পানে চেয়ে অশ্রু বিসর্জন করে,—ক্ষণেক অদর্শনে ব্যাকুলা হরিণীর গায় চকিত দৃষ্টি নিক্ষেপ করে ?

ইরানী। করে।—

খিজির। তখন স্বর্গ এই।

ইরানী । আজ দুই সপ্তাহ শয্যার সঙ্গে আপনার সম্বন্ধ নেই । শরীর ভেঙ্গে গেছে,—আজ ছুদগের জন্ত একটু বিশ্রাম করুন ।

খিজির । আজও কাফুর বন্দী হয় নি—

ইরানী । আজ না হ'লেও আশা আছে—কা'ল হবে । ছুদগের বিশ্রামে কোন ক্ষতি হবে না, বরং নূতন জীবন লাভ ক'রবেন ।

খিজির । বেশ—যাচ্ছি ।

[প্রস্থান ।

ইরানী । যখন বুঝ'বার তখন বুঝ'লে না,—যখন ধর'বার, তখন ধর'লে না ।

(গীত)

কতবা ডেকেছি,

কত গান গেয়েছি,

অসাড় হ'রে ছিলে পড়ে বধির ছিল কান ।

আজকে হঠাৎ চমক উঠে—

দেখছি বিশ্ব নিচ্ছে লুটে—

রবির তরে কমল ফোটে

আকুল করে প্রাণ ।

আরও আমি গাইব না,

গেহন ফিরে চাইব না ;

চুপট ক'রে আঁধার ঘরে

ধাক্কা ক'রে মান ।

কে এ মার্জারের মত মৃদুপাদক্ষেপে সাহাজাদার কাফে প্রবেশ ক'রছে ? আলী !—দেখি—

[বেগে প্রস্থান ।

অষ্ট দৃশ্য ।

কক্ষ ।

(খিজির-নিদ্রিত । আলীখাঁর প্রবেশ)

আলী । এই ছুরিকার এক আঘাতের মূল্য ছ'শো স্বর্ণমুদ্রা ! চমৎকার সুযোগ,—শূন্য কক্ষ । নিশ্চিন্তমনে সাহাজাদা ঘুমুচ্ছেন । একটু সাহস—একটু সাহস,—(আঘাতোত্তোগ) কিন্তু যদি জেগে উঠে

দেবলা দেবী ।

[ষষ্ঠ দৃশ্য ।

ধ'রে ফেলে—ম'রুতে ম'রুতেও আনায় ম'রুবে ;—পায়ের শব্দ !
বিলম্ব ক'রলে ধ'রে ফেলবে । ঐ পানীয়—এতেই বিষ মিশিয়ে
রাখি—যদি খায়—সব গোল মিটে যাবে । না খায় ছুরি আমার
কাছেই রইল । (পানীয়ে মিশ্রিতকরণ) । পায়ের শব্দ আরও
নিকটে—এই দিক থেকে আ'সছে—ঐ পথে পলাই । [প্রস্থান ।

(অগ্নি দ্বার দিয়া ব্যস্তভাবে ইরানীর প্রবেশ)

ইরানী । শূন্য কক্ষ ! কেউ ত নেই—তবে কি আমারই ভুল ? যেখানে যা
ছিল, ঠিক তেয়ি আছে । নিশ্চয়ই কেউ এ কক্ষ প্রবেশ ক'রেছে
—চক্ষুকে ত অবিশ্বাস ক'রতে পারি না—কিন্তু গেল কোথায় ?

খিজির । (ত্রস্ত উঠিয়া) ওঃ—অনেকক্ষণ ঘুমিয়েছি । (চক্ষু মুছিয়া)
কে, ইরানী ?

ইরানী । হা আমি । সাহাজাদা, একটু পূর্বে আপনার ঘরে কেউ
এসেছিল ?

খিজির । তা আমি কি করে জানব ? ক্লান্ত দেহ পেয়ে নিদ্রাদেবী কি
আমায় সহজে ছেড়েছেন ?—আমি ত এতক্ষণ অজ্ঞান হ'য়েই ছিলাম ।

ইরানী । সাহাজাদা ! আমার যেন বোধ হ'চ্ছে, আলীখাঁ আপনার
ঘরে ঢুকেছিল ।

খিজির । কেন ? আমায় হত্যা ক'রতে ? দূর পাগল ! দেখছি আলী
শেষটা তোকে ক্ষেপিয়ে তুলবে । ইরানী, একটু জল । (ইরানী
প্রস্থানোত্ত)—না, এই যে রয়েছে ।

(পানীয়পাত্র লইয়া পানের চেষ্টা)

ইরানী । ও জল স্পর্শ ক'রবেন না, সাহাজাদা ।

খিজির । কেন ?

ইরানী । সাহাজাদা ! জানি না কি একটা অজানা আতকে আমার
প্রাণ কেঁপে উঠছে । আমি প্রাঙ্গণ থেকে দেখেছি, আলীর মত

কে একজন আপনার এই কক্ষে প্রবেশ ক'রেছে ;—আপনি ও
জল খাবেন না—আমি অণু জল এনে দিচ্ছি ।

খিজির । ইরানী, তুই যে ক্রমে আলীর বিভীষিকা দেখতে আরম্ভ ক'রে-
ছিস্ । তোর আশঙ্কা যে সম্পূর্ণ অমূলক, তা' প্রমাণ ক'রতে আমি এই
জলই খাব, নইলে দিন দিন এটা তোর একটা ব্যাধির মধ্যে দাঁড়াবে ।
ইরানী । সাহাজাদা, এখনও আমার কথা রাখুন—দোহাই আপনার—
আমি অণু জল এনে দিচ্ছি ।

খিজির । কেন, এ জলের অপরাধ ? কি একটা ভুল ধারণা প্রাণের
মধ্যে পুষে রেখে নিজের শাস্তি নষ্ট ক'রছিস্ । তোর কোন চিন্তা
নেই—এই দেখ, এ জল খেয়েও আমি জীবিত থাকুব ।

ইরানী । যদি একান্তই আমার কথা না রাখেন, তবে কতকটা আমায়
দিন, আমি খেয়ে পরীক্ষা ক'রে দিই ।

খিজির । ইরানী, তুই কি শেষ ক্ষেপে গেলি !

ইরানী । দোহাই সাহাজাদা—আমিও তৃষ্ণার্ত,—পানীয়ের কতকটা
আমায় দিন ।

খিজির । বেশ, এই নে—তুই নিজে খেয়ে দেখে নিশ্চিত হ' । দেখছি
আমার জন্ম ভেবে ভেবে তুই পাগল হবি । আলীকে আমি আজই
তাড়াব—(ইরানী জলের একাংশ পান করিল) ।

ইরানী । সাহাজাদা—

খিজির । ইরানী—ইরানী—কি হ'য়েছে ?

ইরানী । দূরে ফেলে দিন—তীত্র বিষ ।

খিজির । বিষ ! (হাত হইতে পানপাত্র পড়িয়া গেল)

ইরানী । হাঁ—বিষ— (পড়িয়া গেলেন ।)

খিজির । ইরানী—ইরানী—কথা কও—আমার দিকে চাও—কেন
অমন—এ কি ? এ কি ? কে—কে তুমি ?

দেবস্যা দেবী ।

[ষষ্ঠ দৃশ্য ।

ইরানী । আ—মি—ম—তি—য়া—

খিজির । মতিয়া ! তুমি—ইরানী—মতিয়া !! একি সত্য ! আমি যেন
কোন মতে ধারণা ক'রতে পারছি না ; ঐ ঠু সেই কমনীয় মুখ
খানি মাধুৰ্য্যে পরিপূর্ণ,—অঙ্ক আমি,—তাঁই এতদিন দেখতে
পাইনি । সৰ্বনাশী ! কি ক'রলি ! কি ক'রলি !

ইরানী । (জড়িত স্বরে) প্র—তি—শো—ধ । (মৃত্যু)

খিজির । মতিয়া ! মতিয়া ! একি ? অসাড়,—বক্ষে স্পন্দন নেই !—
যাঃ—সব শেষ ! পিশাচ আমি, তোমার আকুল প্রেম প্রত্যাখান
ক'রে তোমাকে পদাঘাত ক'রেছিলেম ;—দেবী তুমি, আজ নিজ-
প্রাণ বলি দিয়ে আমার জীবন রক্ষা ক'রলে ! না, না—এ স্বপ্ন—
এ হ'তে পারে না,—অসম্ভব ! আমি কি জাগ্রত না নিদ্রিত ! ঐ
ত' আমার সম্মুখে সেই দেবী প্রতিমা,—গতজীবন—বিষের ঘোরে
বিবর্ণ । স্বপ্ন নয়—প্রত্যক্ষ—ধ্বব । ইরানী, প্রিয়তম, আমায় ছেড়ে
ত তুমি এক মুহূর্তও থাকতে পার না,—কথা কও—ফিরে চাও !
মতিয়া, মতিয়া ! ভেবেছিলেম এবার দিল্লী গিয়ে, তুল সংশোধন
ক'রব—তোমার পায়ে ধ'রে ক্ষমা ভিক্ষা চাইব ;—মানিনি ! আমায়
সে সুযোগও দিলি না ! যদি তোর গুন্বার শক্তি থাকে—তুনে যা',
আমি তোকে ভালবাস্তেম—বড় ভালবাস্তেম । অশ্রু নয়—বিলাপ
নয়,—প্রতিশোধ—প্রতিশোধ—! কে আছি—আলীখার তপ্ত
রক্ত—না, কাফুরের ছিন্নশির—না, গগপতের রক্তাক্ত কবন্ধ,—না,
কিছু না,—আমি নিজের উপরে প্রতিশোধ নেব,—আমিই তোকে
হত্যা ক'রেছি । মতিয়া—প্রাণেশ্বরী—(মতিয়ার মৃতদেহের উপর
মূর্ছিত হইয়া পড়িয়া গেলেন) ।

চতুর্থ অঙ্ক ।

—: :: —

প্রথম দৃশ্য ।

রুগস্থলের একাংশ ।

বিপরীত দিক হইতে কাফুর ও রক্তাক্ত কলেবরে
খিজিরের প্রবেশ ।

খিজির । এই যে নরাধম নারী-ঘাতক,—সারা দেশ তোর সন্ধান
ক'রেছি—এতক্ষণ পালিয়ে বেড়িয়েছি—এবার আর তোর রক্ষা
নেই । কুলাঙ্গার ধর্মত্যাগী ক্লীব !—পারিস্, আত্মরক্ষা কর—
(যুদ্ধ করিতে করিতে কাফুরের তরবারি হস্তচ্যুত হইল)

কাফুর । আমি নিরস্ত্র—

খিজির । উত্তম ; সাহস হয় আবার তরবারি গ্রহণ কর ।—

(যুদ্ধ হইতে লাগিল । কাফুর পরাস্ত হইয়া মাটিতে পড়িয়া গেল ।

খিজির তাহার বক্ষের উপর উপবেশন করিলেন ।)

বীরনারী লক্ষ্মীবান্ধ ! স্বর্গ হ'তে দেখে তৃপ্ত হও । মতিয়া, মতিয়া—
এতক্ষণে তোমার শোচনীয় মৃত্যুর প্রতিশোধ নিচ্ছি—পাপিষ্ঠকে
পশুর মত হত্যা ক'রছি । আল্লার নাম কর কাফুরখা ।

(ছুরিকা দ্বারা বক্ষ ভিন্ন করিতে গেলেন, সহসা উঠিয়া দাঁড়াইলেন)

না, এ ভাবে তোকে হত্যা ক'রব না—এ মৃত্যু তোর পক্ষে শাস্তি,
—শাস্তি নয় । ভেবে ভেবে তোর অপরাধ অনুযায়ী নূতন দণ্ড
আবিষ্কার ক'রব—যাতে সহস্র-বৃশ্চিক-দংশনের জ্বালায় জলতে

দেবলা দেবী ।

[দ্বিতীয় দৃশ্য ।

জ'লতে—তিলে তিলে তো'র প্রাণবায়ু বহির্গত হবে। কুলান্দার,
তুই আমার বন্দী । নিঃশব্দে আমার সঙ্গে আঁধার—থবরুদার ।

[উভয়ের প্রশ্নান ।

দ্বিতীয় দৃশ্য

কক্ষ ।

দেবলা ও বলদেব ।

(দেবলা গান গাহিতেছেন, বলদেব মুক্কেনেত্রে তাঁহাকে দেখিতেছেন ।)

দেবলার গীত ।

বধু তোমার হ'য়ে দাসী, সুখ ভাসি দিবা-নিশি,
কত তোম'য় ভ'লবাসি—ভালবাসি—ভালবাসি ॥
বিখরয়ী বীর তুমি, অবলা সরলা আমি,
কেমনে বাঁধিব তোমার কোথায় পাব তেমন ক'াসি ।
পায়ে রেখ মনে রেখ—ওগো আমার হৃদয়-শশী,
দেখ' বেন শুকার নাক' অকালে মোর মধুর হাসি ।

বল । এ আবার কি রঙ্গ তোমার ?

দেবলা । যেমন বিছা তোমার, তেমনি বুঝেছ । এ বুঝি রঙ্গ ?

বল । (কৃত্রিম কোপে) দেখ দেবলা ! এখন আমি যে সে লোক নই,
যে যখন তখন তুমি আমার ঠাট্টা বিক্রম ক'রবে । মনে রেখ—
এখন আমি মহারাজ বলদেবজী,—বার শক্তির নিকট সম্মাট
আলাউদ্দিনও পরাভূত ।

দেবলা । ওঃ, ভারি বীরপুরুষ তুমি ! ভাগ্যিস্ দয়া ক'রে আমি তোমার

গৃহলক্ষ্মী হ'য়েছি—নইলে আর যুদ্ধে জয়ী হ'তে হ'ত না ! ওঃ—
ওঁর শক্তির নিকট আলাউদ্দিন পরাভূত ! কি শক্তিমান পুরুষ ।
বল । না, আমি শক্তিমান হব কেন ? তোমার শক্তিতেই আমার চলে ।
দেবলা । সে কথা একশ' বার । আমিই যে তোমার শক্তি ! দেখ না,
যত দিন আমি তোমার ঘরে আসিনি, তত দিন তুমি বিজিত,—
আর যেই আমি তোমার অঙ্গনে পা বাড়িয়েছি, সেই তোমার গলে
জয়মাল্য ।

বল । সত্য ব'লেছ দেবলা,—তুমিই আমার রাজলক্ষ্মী । তোমার
আগমনের সঙ্গে সঙ্গে আমার রাজশ্রী শতগুণে বর্দ্ধিত—তোমায়
পেয়ে আমি ধন্য ।

দেবলা । ওঃ—ভাবে যে একেবারে গদগদ হ'য়ে গেলে ?

বল । দেখলে,—কথায় কথায় কত দেবী হ'য়ে গেল !

দেবলা । কেন ?

বল । আজ বন্দীদের বিচার—আমায় এখনই দরবারে যেতে হবে ।

(দাসীর প্রবেশ) কি চাই ?

দাসী । বিশেষ দরকারে সাহাজাদা একবার সাক্ষাৎ চান ।

বল । এমন অসময়ে ?—চল যাচ্ছি ।

দেবলা । তাঁকে এখানেই ডাক—আমি কক্ষান্তরে যাচ্ছি ।

বল । এখানে !

দেবলা । ক্ষতি কি । তাঁর মত আত্মীয়,—তাঁর মত বান্ধব—এ জগতে
আমাদের কে আছে প্রিয়তম ? হৃদয়ের নিভৃত কন্দরে যার সিংহাসন
প্রতিষ্ঠা করে পূজা ক'রতে পার—যার কথা স্মরণপথে উদিত হবামাত্র
কৃতজ্ঞতায় মাথা আপনি নত হয়,—তাঁকে গৃহে প্রবেশ ক'রতে দিতে
পা'র্বে না ? বিশেষ সাহাজাদা এখন সেই ইরানী বালার শোক
অধীর । তাঁকে এখানেই আস্থান কর ।

দেবলা দেবী।

[দ্বিতীয় দৃশ্য।

বল। তুমি ঠিক ব'লেছ দেবলা। সাহাজাদাকে সম্মানে এখানে নিয়ে

এস—

[দাসীর প্রস্থান।

তবে তুমি কক্ষান্তরে যাও দেবলা—

[দেবলার প্রস্থান।

খিজিরের প্রবেশ।

এই যে, আসুন সাহাজাদা,—অমন সঙ্কচিত ভাবে আ'স্ছেন কেন ?
খিজির। অভিশপ্ত পাপী এই ভাবেই দেবমন্দিরে প্রবেশ করে মহারাজ ;
শত চিন্তা—শত ব্যাকুলতা,—পাছে তা'র স্পর্শে কিছু অপবিত্র
হয়। বিস্মিতনেত্রে কি দেখছেন মহারাজ ?

বল। এক রাত্রে এত পরিবর্তন !

খিজির। পরিবর্তন !

বল। কৃষ্ণকেশ—শুরুপ্রায়, চক্ষু—কোটরগত, গৌরবর্ণ—কৃষ্ণাভ—

এ কি দেখছি সাহাজাদা ?

খিজির। এই পরিবর্তন দেখেই চমকে উঠেছেন মহারাজ !—যদি হৃদয়
চিরে দেখাতে পারতেন, তা' হলে দেখতে বন্ধু—কি এক প্রলয়ের
ভীম প্রভঞ্জন একরাত্র সেখানে বায়ে গেছে,—কি এক দুঃসহ জ্বালা
প্রতি পলে শত বর্ষের পরমাষ গ্রাস ক'রছে !—বড় জ্বালা—বড়
জ্বালা। শুরু কেশ, কোটরগত চক্ষু, তা'র কতটুকুর পরিচয় দিতে
পারে ! যাঃ দেখ্ছ বলজি, এ মূর্তি সজীব নয়—অসাড় অনুভূতিহীন,
নিষ্প্রাণ—কঙ্কাল ! মাঝে মাঝে মনে হয়—এ'কে ভেঙ্গে, চুরে, টেনে,
ছুড়ে ফেলে দি—

বল। প্রকৃতিস্ব হ'ন সাহাজাদা—

খিজির। প্রকৃতিস্ব হ'ব আমি ! জান কি বলজি, কেন এ দারুণ
মনস্তাপ ? সেই নিরপরাধা বালিকা, তার সর্কস্ব সমর্পণ ক'রে
আমায় ভালবেসেছিল, প্রতিদানে কি পেয়েছিল জান ? পদাঘাত !
নিষ্ঠুর পদাঘাত ! আর তা'র বিনিময়ে সে আমায় কি দিয়েছে

জান ? প্রাণ !—পদাঘাতের বিনিময়ে—প্রাণদান ! বলজি—বলজি
আর কত নয় ! মাঝে মাঝে মনে হয়, নিজের মাংস নিজে
কামড়ে খাই—বুকের উপর তুষানল জ্বলে রাপি । কি ক'রেছি !
—কি ক'রেছি ! (বক্ষে করাঘাত)

বল । সাহাজাদা ! সাহাজাদা !

খিজির । সেই শুষ্ক নীরস সম্বোধন—সাহাজাদা ! ও ডাকে আর মধু
নেই,—ও কথা শুনে এখন বাঙ্ক মনে হয়—কানে আঙ্গুল দিতে
ইচ্ছা হয় ! সাহাজাদা—সাহাজাদা—সাহাজাদা—যেন ঠেলে দূরে
ফেলে দিতে চায় । প্রাণের সঙ্গে সম্বন্ধ নেই, শুধু বাহ্যিক গান,
শুধু বৃথা আড়ম্বর । এমন অভাগা আমি, যে এই বিস্তীর্ণ জগতে
এমন আমার কেউ নেই, যে একবার মুখের সম্বোধনে কাছে
টেঁনে নেয়—যে একবার তার কোমল করস্পর্শ এই যাতনা-তপ্ত
ললাটকে একটু শীতল করে,—কেউ নেই—আমার কেউ নেই ।

(দেবলার প্রবেশ)

দেবলা । আছে । ভাই !

খিজির । আঃ ! যে হও তুমি, আবার ডাক—দারুণ পিপাসা—শুষ্ক
হৃদয়—ডাক—আবার ডাক । এ ডাক ত' বহুদিন শুনিনি,
এমন ভাবে ত বহুদিন কেউ বুকের কাছে টেঁনে নেয় নি, ডাক
আবার ডাক—

দেবলা । ভাই—ভাই—

খিজির । যদি প্রাণের পিপাসা মিটিয়েছ সঙ্কোচের বাধ ভেঙে একবার
কাছে এস বোন্ ! নয়ন ভ'রে ভোঁমাষ দেখি—

দেবলা । এই যে ভাই কাছে এসেছি,—(হাত ধরিলেন)

খিজির । বলজি—বলজি ! আমার হাত পা ভেঙে আসছে—দেহ
আনন্দে অবশ—রোমাঞ্চিত ! অসহ—অসহ ; পালাই—ছুটে

দেবলা দেবী।

[তৃতীয় দৃশ্য ।

পালাই—(বেগে প্রস্থানোত্তর ও ফিরিয়া) মহারাজ, যে জগৎ
এসেছিলেম,—না, থাক্— [প্রস্থান ।

বল । এ যে উন্মাদের লক্ষণ ! সাহাজাদা—সাহাজাদা— [প্রস্থান ।
দেবলা । প্রাণ দিয়েও যদি তোমার এ যাতনার এক কণাও লাঘব
ক'রতে পা'রতেম ! ভগবান্ ! আমার ভাইকে শান্তি দেও—

[প্রস্থান ।

তৃতীয় দৃশ্য ।

রাজপথ ।

(ফকিরগণের প্রবেশ ।)

গীত ।

আমি চাহিনা হইতে এ বিশ্ব জগতে
বিরাট বিপুল বিষয় মহান,
কর যোরে ক্ষুদ্র, স্থজিয়া নগণ্য,
যাহে জীব লভয়ে কলাণ ।

হে ভগবান ।

আমি চাহিনা হইতে অনন্ত অলধি,
লবনাক্ত বারি নাহিক অবধি,
কর যোরে ক্ষুদ্র নির্মূল কুপ,
শুদ্ধ হবে জীব ঝরি করি পান ;

হে ভগবান ।

আমি চাহিনা হইতে বিরাট হিমাদ্রি
উর্ধ্বশিখর নভ-ধকভেদী ;
কর যোরে ক্ষুদ্র সমস্তগ ভূমি,
শস্ত লভি জীব ঝরিবে পরাণ ।

হে ভগবান ।

আমি চাহিনা হইতে মহান মহোকহ,
 যোজন বিস্তৃত বিশাল দেহ ;
 কর মোরে কুল বংশধর,
 দণ্ড করি অন্ধ করিবে অরণ ।
 হে ভগবান্ ।

চতুর্থ দৃশ্য ।

দরবার-মণ্ডপ ।

সিংহাসনে বলদেব এবং পার্শ্বে খিজির উপবিষ্ট ।

শৃঙ্খলিত যবন-সৈন্যগণ ।

বল । সৈন্যগণ, তোমরা বীর ; তোমাদের হত্যা ক'রে আমি কলঙ্ক-
 ভাজন হ'তে চাই না,—তোমরা মুক্ত—দিল্লী ফিরে যাও ।

সৈন্যগণ । জয়, মহারাজের জয়—

খিজির । ইসলামীয়গণ, তোমাদের স্বজাতি এবং স্বধর্মী এক বালিকার
 সমাধিতে যোগদান ক'রতে আমি তোমাদের আহ্বান করি ।

ইসলামীয়গণ,—এ তোমাদের শ্রেষ্ঠ কর্তব্য ।

১ম সৈন্য । সানন্দে আমরা যোগ দেব, জনাব ।

খিজির । উত্তম, তবে এস,—সকলে নতজান্ন হ'য়ে মহারাজ বলদেবজির
 নিকট তার কবরের উপযুক্ত ভূমি ভিক্ষা করি ।

(সকলে নতজান্ন হইল)

মহারাজ ! সেই অভাগিনীর কবরের জগ্ন আপনার এই রাজ্যের
 সামান্য একটু জমি ভিক্ষা চাই । ভরসা করি, বিধর্মী হলেও মৃতের
 অন্তিমকার্য্যে এ ত্যাগ স্বীকারে আপনার 'ন্সায় মহানুভব কখনও
 কুণ্ঠিত হবেন না

বল । উঠুন সাহাজাদা,—ওঠ বীরগণ ! সাহাজাদা, আমার রাজ্যে

যেখানে ইচ্ছা, আপনি সেই বালিকাকে সম্বাহিত করুন । সেই দেবীর কবর বক্ষে ধারণ ক'রে আমার নগরী ধ্বংস হোক ।

খিজির । মহারাজের জয় হোক ।

বল । কে আছিস্ ?—বন্দী আলীখাঁ—

খিজির । (সুপ্তোখিতের গায়) আলী খাঁ ! আলী খাঁ !—মহারাজ, যদি অনুমতি করেন, তবে আলী খাঁ আর কাফুরের বিচার আমি নিজে ক'রতে চাই । ব্যক্তিগতভাবে তা'রা আমার সর্বনাশ ক'রেছে ।

বল । আমি সানন্দে অনুমতি দিচ্ছি, সাহাজাদা ।

(আলীখাঁকে লইয়া একজন সৈনিকের প্রবেশ)

খিজির । আলী খাঁ !

আলী । সাহাজাদা !—আমায় প্রাণে মারবেন না,—আমি আপনার জুতোর ধূলো ;—দোহাই সাহাজাদা, টাকার লোভ দিয়ে তা'রা আমার মাথা খারাপ ক'রে দিয়েছিল ।

খিজির । বিশ্বাসঘাতক কৃতঘ্ন কুকুর ! অর্থের লোভে আমায় হত্যা ক'রবার প্রয়াস পেয়েছিলি ! অথচ তুই পথে পথে ভিক্ষা ক'রে বেড়াতিস্—আমিই তোকে কুড়িয়ে এনে, প্রাসাদে স্থান দিয়েছিলাম—অন্ন দিয়ে তোর প্রাণ রক্ষা ক'রেছিলাম ! এত অকৃতজ্ঞ তুই ! নরাধম, তোকে প্রাণভিক্ষা দিলে, আবার অন্য হিতৈষীর বৃকের উপর ব'সে তা'র টুঁটি কামড়ে ধ'রবি । তুই জীবিত থাকলে যে দেশে তুই বাস ক'রবি সে দেশের বায়ু পর্য্যন্ত কৃতঘ্নতার বিষে আচ্ছন্ন হবে,—নিমকহারাম কুকুর—তোর নিস্তার নেই—

(আলীর মস্তকের কেশ ধরিয়া তরবারি নিক্ষেপিত করিলেন)

আলী । ও আল্লা । জল—জল

খিজির । হাঃ হাঃ হাঃ হাঃ—আমার পানীয়ে বিষ মিশিয়েছিলি না !

জল দেব—জল দেব ! এই দিচ্ছি থাও—

(তরবারির আঘাতে মস্তক দেহচ্যুত করিলেন,
সেই মুণ্ড ধরিয়া ।)

মতিয়া,—মতিয়া,—কতকটা তৃপ্ত হও । আর একটু অপেক্ষা কর,
কাফুরের তপ্ত রুধিরে পূর্ণমাত্রায় তোমার তৃপ্তি সাধন ক'রবে ।—
কেমন অর্থলোভী পিশাচ,—অর্থের লালসা এইবার মিটেছে ? কি
ক'রবে—তোমার মত মূষিককেও আজ হত্যা ক'রতে হ'ল—কৈ হাদ্দ—
কাফুরখাঁ—

কাফুর । একি ? আলী খাঁ !

খিজির । হ্যা, আলীখাঁ ।—তোমার প্রাণের দোস্তু সে !—তার মুণ্ড
তোমারই অধিকার !—এই নাও—

(আলীর ছিন্নশির কাফুরের অঙ্গে নিক্ষেপ করিলেন)

কাফুর । এ কি পৈশাচিক ব্যবহার !

খিজির । আজ এর প্রয়োজন হ'য়েছে । তোমার পৈশাচিক আচরণের
প্রতিশোধ নিতে আজ পিশাচ হ'য়েছি—ছিন্নশির দর্শনে আজ আনন্দ
—রুধিরে আজ তৃপ্তি !—পৈশাচিক ব্যবহার ! হাঃ হাঃ হাঃ হাঃ—

কাফুর । খিজির খাঁ,—যদি আমায় হত্যা ক'রতে চাও, হত্যা কর,—

এ দৃশ্য আমি সহ ক'রতে পারি না ।

খিজির । বীর তুমি, এত অল্পে অধীর ! বিষাক্ত শরে অতর্কিত অবস্থায়
রমণীকে হত্যা ক'রবার আদেশ দিতে যার জিহ্বা আড়ষ্ট হয়নি,—
পুত্রের বিরুদ্ধে পিতার হৃদয় বিষাক্ত ক'রতে যার বক্ষঃরক্ত
জমাট বাঁধে নি,—পুনঃ পুনঃ পরাভূত হ'য়ে আততায়ীকে গরল-
দানে হত্যা ক'রতে যার প্রাণ একটুও কাঁপেনি,—আজ তার এ
অধীরতা কেন ?

কাফুর । অসহ ! অসহ্য ! খিজিরখাঁ—যদি তোমার বন্দী—শান্তি
গ্রহণের জন্ত প্রস্তুত—

খিজির। ধীরে, কাফুর, ধীরে !—এত ব্যস্ত কেন ! তুমি ত আলীখাঁ
মত সামান্য লোক নও, যে অসির এক আঘাতে তোমার মস্তক
দেহচ্যুত ক'রবে—তুমি দিল্লীখরের দাঙ্গা হস্তস্বরূপ,—ভারতের
ভাগ্যবিধাতা,—মহাবীর,—মহাবিচক্ষণ ! তোমাকে একটু বিবেচনা
ক'রে শাস্তি দিতে হ'বে। এমন শাস্তি দেব, যা মরণের পরপারে
গিয়েও তোমার স্মরণ থাকবে—দাঁড়িয়ে যারা দেখবে—সপ্তাহ
তা'দেরও আহাৰ নিদ্রা থাকবে না—ক্ষণে ক্ষণে শিউরে উঠবে—
মূর্ছা যাবে,—এমন মৃত্যু তোমায় দেব—

কাফুর। খিজির—খিজির—এ কি নারকীয় মূর্তি তোমার ! তুমি যেন
মনে মনে কি এক ভীষণ বিভীষিকার ছবি আঁকছ !

খিজির। ঐ, ঐ, মতিয়া আমার চক্ষের সম্মুখে—দেখতে—দেখতে
আঁখিতারা নিম্প্রভ,—স্থির ; দেহ হিম,—কঠিন,—অসাড় ; গৌরতনু—
বিবর্ণ ; জিহ্বা চিরদিনের জন্ত নীরব,—নিথর,—নিষ্পন্দ ।—ঐ—
ঐ—সেই ক্ষীণ আৰ্ত্তনাদ,—দুঃসহ যাতনায় দস্তে দস্তে অধর দংশন—
কাতরতা গোপনের সেই নিষ্ফল প্রয়াস—

বলজি। খিজির—

খিজির। ঐ—ঐ—সেই জড়িত কণ্ঠে প্রতিশোধ কামনা—এখনও—
এখন—আমার কানে বাজছে ; হত্যা—নিষ্ঠুর হত্যা ! বন্দী,তোমার
শাস্তি—তপ্ততৈলপূর্ণ কটাহে তোমায় নিষ্ফেপ ক'রবে—পুড়তে
পুড়তে তোমার প্রাণ বেরোবে,—

কাফুর। ওঃ—খিজির, খিজির—আমায় অণু শাস্তি দেও—

খিজির। কোন কথা শুনে চাই না—নিয়ে যাও। না, দাঁড়াও—
তৈলপূর্ণ কটাহে নিষ্ফেপ ক'রলে কতটুকু যন্ত্রণা পাবে।—কতক্ষণ
সে যাতনা স্থায়ী হবে ! না, এ শাস্তি যথেষ্ট নয়। যে জালায়
কৃষ্ণকেশ একরাশে শুক হয়, তার লক্ষভাগের এক ভাগ

যন্ত্রণাও এ'তে হবে না—এ'কে কোমর পর্যন্ত মৃতিকায় প্রোথিত করে অজগর সর্পকে আঘাত করে ছেড়ে দেবে—বা'তে আহত হ'য়ে সমস্ত শক্তিতে তা'রা এই ছুরাআকে দংশন করে ।

কাফুর । ওঃ—

খিজির । এই-ই তোমার উপযুক্ত শাস্তি । নিয়ে যাও—

[কাফুরকে লইয়া সৈনিকের প্রস্থান ।

কে আছি, শীঘ্র কাফুরকে ফিরিয়ে আন—

(কাফুর ও সৈনিকের পুনঃ প্রবেশ)

কাফুর । আবার কেন খিজির ?

খিজির ! প্রয়োজন আছে ।—ভেবে'ছ কাফুর, আমি বেঁচে থে'কে দিবারাত্র জলব—আর তুমি ম'রে সমস্ত জালার হাত এড়াবে ? অজগরের একটা ছোবলে তুমি ঢ'লে পড়বে, পরমুহূর্তে মহাশাস্তি, —তত অনুগ্রহ আমি ক'রব না ।

কাফুর । তবে ?

খিজির । তোমার শাস্তি আমি স্থির ক'রতে পারছি না, যতই ভীষণ দণ্ডের কল্পনা ক'রছি—আমার প্রাণের অনলের তুলনায় তা' তুচ্ছ জ্ঞান হচ্ছে । যাও,—আপাততঃ তুমি কারাগারে থাক—

কাফুর । যা ক'রবে আজই ক'রে ফেল—

খিজির । বন্দীর উপদেশের কোন প্রয়োজন নেই ! শোন সৈনিক, কারাগারে এর সম্মুখে আলীখাঁর ঐ ছিন্নমুণ্ড টাঙ্গিয়ে রাখবে—যাতে চো'ক খুললেই এর নজরে পড়ে । নিয়ে যাও—

কাফুর । খিজির, খিজির,—তা'র চেয়ে আমার বধ কর,—যে ভাবে তোমার ইচ্ছা—আমায় বধ কর ।

খিজির । হাঃ হাঃ হাঃ হাঃ—

পঞ্চম দৃশ্য ।

সমাধি-ক্ষেত্র ।

(নাগরিকাগণের প্রবেশ)

গীত ।

নীরবে মাধি থেম-ব্রত,

ফিরে আশ্রবলি চির নিশ্চিন্ত ।

ভবে এসে যের ফুলি ফুল,

সৌরভে দিক করিল আকুল,

করিল সুখাদান, পেল না প্রতিদান,

কেন তবে আসিল, কেন ভালবাসিল,

কসার নিতে জানে দিতে নাহি জানে ত' ।

অতৃপ্ত আশা হৃদয়ে ধরিয়া,

হের সে সুধায়ে রুয়েছে জাগিয়া,

আলি তার স্মৃতি রাখিতে জাগ্রত,

যত ধৈর্যিক অশ্রুতপু চিত্ত ।

[প্রস্থান ।

খিজির । বিমাদ এবং আনন্দের কি চমৎকার সংমিশ্রণ ! দাহ এবং শান্তি একসঙ্গে প্রাণের ভিতর জেগে উঠছে । এ কি ! ফুল ! কে এই নিঃস্বপ্ন নিস্তরক সমাধিতে এসে কুসুম-উপহারে তার আরাধনা করেছে ? তার কথা স্মরণ করে একবিন্দু অশ্রুপাত করেছে ? আমার মত অভাগা কি এ জগতে আরও আছে ! (নতজানু হঠাৎ কবরের সম্মুখে বসিলেন) ইরানী, বন্ধু—প্রিয়তম,—অপরাধের যোগ্য দণ্ড কি এখনও হয়নি ! একবার এস মতিয়া, ফিরে এস—এবার পায়ে ধরে তোমার ক্ষমা চাইব—আদর করে তোমায় হৃদয়ে বসাব,—প্রেমসস্তাষণে তোমায় অভ্যর্থনা করব । আমার সামান্য কষ্ট দেখলে

তুমি অধীর হ'তে—আজ, কোন্ প্রাণে মনস্তাপের এই প্রবল
বহ্নিতে আমায় দগ্ধ ক'রুছ ? যদি চক্ষু থাকে, আমার দেহের দিকে
একবার ফিরে চাও—যদি হৃদয় থাকে, আমার প্রাণের ভিতর
একবার উঁকি মেরে দেখ,—দেখ কি জ্বালা,—কি দুঃসহ দাহ
সেখানে । তা'হলে এই মাটি ফুঁড়ে আমায় মার্জনা ক'রতে তুমি
উঠে আ'সবে—(জগ্গিস্ খাঁর প্রবেশ) এস এস প্রিয়তম,—একবার
এস—আমায় মার্জনা ক'রে যাও, বড় জ্বালা—বড় জ্বালা—অসহ—
অসহ—(বক্ষে করাঘাত)

জগ্গিস্ । হাঃ হাঃ হাঃ হাঃ—

খিজির । কে ? কে তুমি এই নির্জন সমাধিক্ষেত্রে প্রেতের মত
অট্‌হাসি হা'সছ ?

জগ্গিস্ । তোমারই মত মানুষ ।

খিজির । সজীব, না নির্জীব ?

জগ্গিস্ । তোমারই মত সজীব—

খিজির । বিশ্বাস হয় না ।

জগ্গিস্ । কারণ ?

খিজির । পরের দুঃখ দেখে মানুষ এমন পিশাচের মত হাসতে পারে না ।

জগ্গিস্ । (ব্যঙ্গস্বরে) বাস্তবিক !

খিজির । নিশ্চয় ।

জগ্গিস্ । তুমি এ রকম আর দেখনি ?

খিজির । দেখা দূরের কথা, কোনদিন কল্পনাও ক'রতে পারি নি ।

জগ্গিস্ । আমি কিন্তু দেখেছি—

খিজির । কোথায় ?

জগ্গিস্ । দিল্লীতে ।

খিজির । দিল্লীতে !

দেবতা দেবী ।

[পঞ্চম দৃশ্য ।

জর্জিস্ । হাঁ দিল্লীতে—হারেমে ।

খিজির । হারেমে !!!

জর্জিস্ । হাঁ হারেমে । তবে শুন্বে ?—বেশী দিনের কথা নয়, এক পিশাচ তার প্রণয়াকৃষ্টা চরণাশ্রিতা রমণীকে পদাঘাত ক'রে, তার মর্মে নিদারুণ শেল বিঁধিয়ে, এগনি ভাবে দানবীয় উল্লাসে অট্টহাসি হেসে গগন বিদীর্ণ ক'রেছিল । অবলা ছিন্ন ব্রততীর মত যাতনায় মাটিতে লুটিয়ে প'ড়ে খোদাকে ডেকেছিল ! কড়াক্রান্তি হিসাব ক'রে শোধ দিয়েছে—চমৎকার তার প্রতিশোধ !

খিজির । কে তুমি ?

জর্জিস্ । আমার নাম জর্জিস্ খাঁ—

খিজির । তুমি সে কথা কেমন ক'রে জানলে ?

জর্জিস্ । সেই অবলা আমার ধর্ম-ভগ্নী ছিল ।

খিজির । তুমি কি তার সেই ভাই ?

জর্জিস্ । কোন্ ভাই ?

খিজির । স্বকাৰ্য্য উদ্ধারের জন্ত যে তাকে পাঠিয়েছিল ।

জর্জিস্ । হাঁ । সহস্রবার বক্ষ বিদীর্ণ করে—লক্ষবার শিরশ্ছেদ ক'রে যে শাস্তি না হ'ত, নিজপ্রাণ বলি দিয়ে—তোমার জীবন-রক্ষা ক'রে—আজ তা' অপেক্ষা অনেক গুরুদণ্ড তোমায় দিয়েছে । যাতনায় আজ তার কবরের সামনে ব'সে বুক চাপ্‌ড়াচ্ছ—তাই দেখছি, আর আনন্দে শতমুখে আমার তৃপ্তির হাসি বক্ষভেদ ক'রে বেরুচ্ছে । ভারাক্রান্ত হৃদয় নিয়ে তার সন্ধানে দিল্লী থেকে এসে-ছিলেম—আজ তার সন্ধান পেয়ে,—তার কাৰ্য্য দেখে, হাল্কা প্রাণে ফিরে যাচ্ছি । চমৎকার প্রতিশোধ ! চমৎকার প্রতিশোধ !!
হাঃ হাঃ হাঃ হাঃ—

(প্রস্থানোত্তত)

খিজির। একটা কথা—

জঙ্গিস্। কি?

খিজির। প্রাণ দিয়ে শত্রুর জীবন রক্ষা ক'বলে কি তার কঠোর শাস্তি হয়?—তার কার্যের সমুচিত প্রতিশোধ হয়?

জঙ্গিস্। নিজেই তা' প্রাণে প্রাণে বুঝতে পা'বুছ—আমায় কেন জিজ্ঞাসা কর? চমৎকার প্রতিশোধ! চমৎকার প্রতিশোধ! [প্রস্থান।

খিজির। নিজ হস্তে আলিখাঁর শিরশ্ছেদ ক'রেছি,—এক নিমিষে সব শেষ! কি যাতনা তার! আর আমি?—পেয়েছি—পেয়েছি কাফুর, এইবার তোমার মৃত্যুবাণ পেয়েছি—আর তোমার রক্ষা নেই— [প্রস্থান।

ষষ্ঠ দৃশ্য।

কারাকক্ষ।

কাফুর।

কাফুর। আবার—আবার সেই বিভীষিকা,—চোখ বাঁজে আছি, তবুও চোখের সামনে তার ছিন্ন মস্তক। ঐ যে সম্মুখে বিকৃত, বিগলিত সেই শির! পেছন ফিরে দাঁড়াই। এ দিকেও আবার! এ যে দক্ষিণে, বামে, সম্মুখে, পশ্চাতে,—চতুর্দিকে সেই ছিন্ন শির—সেই রক্তধারা! কোথায় পালাই—কোথায় পালাই? ঐ—ঐ চারিদিকে আমায় ঘিরে ফেলেছে! কে কোথায় আছে, আমায় এ নরক যন্ত্রণা থেকে রক্ষা কর—মুক্ত কর—(ভূমিতে পতন—পরে উঠিয়া) স্তব্ধ জগৎ—জেগে একা আমি। বিশ্ব নিদ্রিত—আমায় প্রহরী রেখে। কত যুগ এই ভাবে চলে যাবে,—তারা ঘুমবে,—আমায় পাহারা দিতে

হ'বে। কেন? কিসের জন্ত প্রাণ এত যত্নসায়ণ এ দেহকে এমন ব্যগ্রভাবে আঁকড়ে ধ'রে আছে? ছেড়ে দে—ছেড়ে দে—চ'লে যাই। (গবাক্ষের সম্মুখে আসিয়া) শান্ত প্রস্তুত নূতন রং-এ রঞ্জিত হ'য়ে আবার দেখা দিচ্ছে—আজ সে এত মলিন—এত কদম্বা! একদিন ছিল—যখন এই ক্রান্তির দীপ্তি দেখে—ঐ আবার—আবার আলীর সেই ছিন্নশির মুখব্যাদান ক'রে বিগলিত দেহ নিয়ে, আমায় বিনাশ ক'রতে ছুটে আসছে,—ঐ এলো, ঐ এলো—রক্ষা কর,—কে কোথায় আছ—পিশাচের হাত থেকে আমায় রক্ষা কর।

(কাপিতে লাগিল)

(খিজির খাঁর প্রবেশ)

খিজির। কাফুর!

কাফুর। কে? খিজির! সাহাজাদা, তোমাদের আশ্রিত আমি, আমায় রক্ষা কর। ঐ—ঐ—আলীর মুণ্ড আমার দিকে কটনটিয়ে চেয়ে আছে! দোহাই তোমার—আমায় রক্ষা কর,—

খিজির। কাফুর!

কাফুর। না—না—কোথাও ত' কিছু নেই—ঐ ত আলীর শির প্রাচীর—সংলগ্ন। কি ভীষণ প্রাণঘাতী মনোবিকার!

খিজির। কাফুর, শান্তিগ্রহণের জন্ত প্রস্তুত হও।

কাফুর। এর চেয়ে ভীষণতর আর কি শাস্তি দেবে খিজির খাঁ?

খিজির। আমি পরাজিত হ'লে তুমি কি ক'রতে?

কাফুর। তোমায় শৃঙ্খলিত ক'রে সম্রাটের সমক্ষে হাজির ক'রতেম—

খিজির। এই মাত্র!

কাফুর। সম্রাটের শেষ আদেশ এইরূপই ছিল। হাঁ—আমায় কি শাস্তি দিতে এসেছ?

চতুর্থ অঙ্ক ।

দেবী দেবী

খিজির । তুমি মুক্ত—এই তোমার শাস্তি ।

কাফুর । বন্দীর সঙ্গে পরিহাস ক'রে, তার অবস্থার বিষয় তা'কে বিশেষ ভাবে হৃদয়ঙ্গম করিয়ে দেওয়া—বীরত্বের পরিচায়ক বটে ।

খিজির । পরিহাস নয়—আমায় বিশ্বাস কর কাফুর,—তুমি মুক্ত—দিল্লী ফিরে যাও ।

কাফুর । “তুমি মুক্ত—দিল্লী ফিরে যাও”—এ পরিহাস ভিন্ন আর কি বুঝব খিজির খাঁ !

খিজির । পরিহাস ! কেন ?

কাফুর । তোমাকে বন্দী ক'রে নিয়ে যেতে না পা'রলে, দিল্লীতেও আমি নিরাপদ নই । সম্রাটের আদেশে হয় আমাকে কারাকঙ্ক উজ্জল ক'রতে হবে, অথবা হৃদয়-রুধিরে ঘাতকের খড়্গ রঞ্জিত ক'রতে হবে ।

খিজির । কেন ?

কাফুর । সম্রাটের শেষ আদেশের এই-ই মর্ম্ম । মৃত্যু আমার অনিবার্য্য, তোমার হাতেই হ'ক বা সম্রাটের আদেশেই হ'ক । তবে তোমার হাতে মরণই আমি বাঞ্ছনীয় মনে করি ।

খিজির । কেন ?

কাফুর । পঁচিশ হাজার সৈন্য নিয়ে ক্ষুদ্র দেবগিরির হীনশক্তির নিকট পরাজিত হ'য়ে, কেমন ক'রে এই কলঙ্কিত মুখ দরবারে দেখাব ? সবার টিটকারি দেবে—যারা জীবনে অস্ত্র হাতে করেনি,—কাপুরুষ ব'লে তারাও উপহাস ক'রবে ! সে লাঞ্ছনা কেমন ক'রে সহ্য ক'রব ?

খিজির । হঁ—তোমার বাচতে সাধু হয় ?

কাফুর । অবোধের মত এ কি প্রশ্ন জিজ্ঞাসা ক'রছ খিজির ? দিবারাত্র যে মৃত্যুকে আহ্বান করে, সেও অলমগ্ন হ'লে প্রাণরক্ষার জন্য ক্ষুদ্র তৃণকে অবলম্বন করে ।

দেবলা দেবী।

[ষষ্ঠ দৃশ্য।

খিজির। (স্বগত) মতিয়া, তোমার শক্তির এক কণা আমায় ভিক্ষা দাও,
(প্রকাশে) কাফুর তুমি দিল্লী ফিরে যাও—এই আমি তোমায়
নিজহস্তে শৃঙ্খলমুক্ত করে দিচ্ছি। (তথাকরণ)

কাফুর। চমৎকার সাহাজাদা!

খিজির। ব্যঙ্গ নয়—আমার কথা শোন। যে ভাবে গেলে, তুমি
নিরাপদ হ'তে পারবে, সেই ভাবে দিল্লী যাও?

কাফুর। তুমি কি উন্মাদ খিজির?

খিজির। সম্পূর্ণ প্রকৃতিস্থ।

কাফুর। আমি যে কিছু ধারণা ক'রতে পা'রছি না।

খিজির। অতি সোজা কথা—অতি সহজ কাজ। আমায় শৃঙ্খলিত
ক'রে দিল্লী নিয়ে চল। তুমি নিরাপদ হও।

কাফুর। দিল্লীতে তোমার কি বিপদ জান?

খিজির। বেশ জানি।

কাফুর। তবুও তুমি—

খিজির। হাঁ তবুও আমি যাব।

কাফুর। একি প্রহেলিকা খিজির?

খিজির। কিছু না,—এই কয়দিন দিবারাত্র ভেবে ভেবে তোমার শাস্তি
নির্ণয় ক'রেছি। বন্দী,—গ্রহণ কর।

কাফুর। শাস্তি!

খিজির। হাঁ শাস্তি। আমায় শৃঙ্খলিত কর কাফুর,—বিলম্ব ক'র না,
বিলম্বে কার্য্য পণ্ড হবে।

কাফুর। এতক্ষণে বুঝেছি। হে মহান্—উদার—পুরুষোত্তম! মূর্খ
আমি, তাই এতদিন তোমায় বুঝতে পারিনি! ধ্যানের ধারণা,
কবির কল্পনা তুমি,—অজ্ঞান আমি—কেমন ক'রে তোমায় ধ'রব!
কিন্তু সাহাজাদা, আমরণ এই বিভীষিকার রাজ্যে থাকুব—এই

নরকের গর্ভে প'চে মাটির সঙ্গে মিশে যাব,—সেও স্বীকার, তবুও এ শাস্তি গ্রহণ ক'রতে পারব না । আমায় ক্ষমা কর—না, প্রাণান্তেও তা' পা'রব না ।


খিজির । কেন ?

কাফুর । পরশ-মণিস্পর্শে লৌহও স্বর্ণ হয়,—আলোকের আগমনে আধার টুটে যায় । আজ আমি নূতন আলোক দেখতে পেয়েছি, কি উজ্জল—কি মহিমাময়—কি স্বর্গীয় আভায় দীপ্ত ! চোখ আমার ঝ'লসে যাচ্ছে—খিজির, আমায় ক্ষমা কর ।

খিজির । তুমি বন্দী,—আমার ইচ্ছানুরূপ শাস্তি গ্রহণে বাধ্য ।

কাফুর । তা' সত্য বটে । খিজির খাঁ,—মনে বড় অহঙ্কার ছিল যে, আমি অজেয় । যুদ্ধে তোমার নিকট পরাস্ত হয়েছিলেম, কিন্তু সান্ত্বনা ছিল যে, দৈবতুর্কিপাকে আমি বিজিত—হয় ত, পুনরায় যুদ্ধ হলে জয়ী হব । কিন্তু আজ এক নিমিষে তুমি আমার সে অহঙ্কার চূর্ণ ক'রে দিলে ! এক কথায় জয়-পরাজয়ের চূড়ান্ত নীমাংসা করে দিলে ! হে বিরাট পুরুষ,—আজ নতমস্তকে তোমার দেবতুল্য মহত্বের নিকট মুক্তকণ্ঠে পরাজয় স্বীকার ক'রছি ।

খিজির । আমায় শৃঙ্খলিত কর কাফুর—(কাফুরের তথাকরণ)—
মতিয়া ! মতিয়া ! আমার চোখের সামনে আরও উজ্জল—আরও সুস্পষ্ট হ'য়ে দাঁড়াও ।



পঞ্চম অঙ্ক ।

—১০*১০—

প্রথম দৃশ্য ।

দেবগিরি রাজ-প্রাসাদ—কক্ষ ।

দেবলা ও দেবীদাসের প্রবেশ ।

দেবলা । যা ব'ল'ব স্থির হ'য়ে শোন । আমাদেরই জন্ম আজ সাহাজাদার
বিপন্ন । আমাদের না জানিয়ে—না ব'লে—তিনি দিল্লী গিয়েছেন,
নিষ্ঠুর আলাউদ্দিনের বিদানে তাঁর পরিণাম তুমি বেশ বঝতে
পারছ । আজ কি আমাদের চূপ ক'রে বসে থাকা সাজে ?

দেবী । কি ক'রবে ?

দেবলা । কেন ? রক্তজ্ঞতা প্রকাশের এই ত উপযুক্ত অবসর, আমারই
জন্ম এই দুর্ঘটনা । আমি যদি দিল্লী গিয়ে প'বা দেই, তবে নিশ্চয়
আমার মায়ের ক্রোধশান্তি হবে, সম্রাটও বিস্ত্র হ'য়ে সাহাজাদার
পূর্বাপরাধ বিস্মৃত হ'য়ে আবার তাঁকে প্রসন্নদৃষ্টিতে দেখবেন ।
ধূমকেতুর মত উদ্ভিত হ'য়ে সাহাজাদার জীবনে আমি যে মহাবিপন্ন
বাধিয়েছি, আমার প'রা দেওয়াতে তা' শান্ত হবে ।—আমি দিল্লী
যাব ।

দেবী । তুমি উন্মাদিনী দেবলা,—নইলে কখন এরূপ জঘন্য প্রস্তাব

ক'রতে পা'রতে না । তোমাকে দিল্লী নিয়ে যাবে—তুমি পাঠামের
অন্তঃপুরচারিণী হবে—মুসলমানের বিলাসের দাসী হবে,—সেই দৃশ্য
দেখতে হবে এই আশঙ্কায় না তোমার পিতা—আমার প্রভু—
মরণের বৃকে মুখ ঢেকেছেন । তাঁর কণ্ঠা হ'য়ে তুমি দিল্লী যেতে
চাও ! খবরদার, খবরদার দেবলা,—পুনরায় আমার সম্মুখে ও হয়ে
বাক্য উচ্চারণ ক'র না—হয়ত বা আত্মবিস্মৃত হব—অঙ্গুর উপর
সংযম হারা'ব ।

দেবলা । দেবীদাদা, তবে কি আমি এই স্থখ সম্ভোগ,—এই ঐশ্বর্যের
মধ্যে নিমজ্জিত থা'কব,—আর যিনি এর কারণ—যার করুণায়
আজ আমি ইন্দ্রাণীর চেয়ে সুখী, উপায় থা'কতে তাঁর জীবনরক্ষার্থে
একটা অঙ্গুলি সঞ্চালনও ক'রব না ?

দেবী । কি উপায়ে তুমি তাঁকে রক্ষা ক'রবে ?

দেবলা । আমি দিল্লী যাব ।

দেবী । দিল্লী যাবে ! আবার সেই প্রস্তাব । তোমার মাতা কমলাদেবী
কিন্তু পিতা বোধ হয় করুণসিংহ নন ।

দেবলা । দেবীসিংহ সংযত ভাবে কথা ব'ল । স্মরণ রে'খ যে তুমি
দেবগিরির অধিশ্বরীর সঙ্গে আলাপ ক'রছ ।

দেবী । আর দেবগিরির অধিশ্বরী, তুমিও মনে রে'খ যে দেবীসিংহ
কলঙ্ক ও মনস্তাপ হ'তে নিজেকে রক্ষা ক'রবার জন্য তার প্রভু
যখন নিজহস্তে বক্ষ ভিন্ন ক'রলেন, তখন পর্বতের মত অটল—অচল
হ'য়ে চোখের উপর সেই মৃত্যু দেখেছে—তুমি সেই দেবীসিংহের
সম্মুখে দাঁড়িয়ে—আর সে এখন সম্পূর্ণ সশস্ত্র ! যেমন বৃক্ষ তার
তেমনি ফল । কি ভ্রুকুটি ক'রছ ! সেই দুশ্চরিত্রা নারীর দৃষ্টান্ত
আদর্শ ক'রে, বৃক্ষ এখন পৈশাচিক লালসা চরিতার্থ ক'রতে
দিল্লীর ব্যভিচারের শ্রোতে ভা'সতে চাও । কিন্তু দেবীসিংহ জীবিত

দেবলা দেবী ।

[প্রথম দৃশ্য ।

থাকতে তোমার সে বাসনা পূর্ণ হবে না । তুমি স্বপ্নেও মনে ক'র না
যে হস্তে তরবারি থাকতে তোমাকে পাঠানহারেমে—আমি কি—
ক্ষিপ্ত হ'য়ে গেছি । আমায় ক্ষমা করু দিদি—তোকে যে এত দুর্ভাষা
ব'লতে পারি, এ যে আমি কোনদিন স্বপ্নেও ভা'বতে পারিনি !
আমায় ক্ষমা করু দিদি—বড় দুঃখে —

(চক্ষু মুছিলেন)

দেবলা । রাজপুত ! ব'লতে পার, আমার পিতা কে ?

দেবী । একি অদ্ভুত প্রশ্ন পাগলী ।

দেবলা । আমার কথার উত্তর দাও—

দেবী । করুণসিংহ—

দেবলা । তোমার বিশ্বাস হয় ?

দেবী । তুই কি ক্ষেপে গেলি ।

দেবলা । তোমার কি বিশ্বাস হয়, যে আমি করুণসিংহের ঔরসজাত ?

দেবী । কেন হবে না ?

দেবলা । তবে রাজপুত, মুহূর্ত্ত বিলম্ব না ক'রে আমার সঙ্গে দিল্লী যেতে
প্রস্তুত হও—যাও—তোমার গুরুর দোহাই—কোন কথা ব'ল না—
কোন প্রশ্ন ক'র না,—সত্বর প্রস্তুত হও ।

(চিন্তিতভাবে দেবীসিংহের প্রশ্নান ও বিপরীত দিক

হইতে বলদেবের প্রবেশ)

বলদেব । দেবলা—

দেবলা । প্রিয়তম—

বলদেব । আমি প্রস্তুত—আর মুহূর্ত্ত বিলম্ব ক'রবার অবকাশ নেই—

তুমি সত্বর প্রস্তুত হ'য়ে এস ।

দেবলা ।। সেকি ! তুমি কোথায় যাচ্ছ ?

বলদেব । কেন, দিল্লীতে ! আমি অন্তরালে দাঁড়িয়ে তোমার সর্বস্ব
কথাই শুনেছি ।

দেবলা । তুমিও যাবে !

বল । তা'তে আশ্চর্য্য হ'চ্ছ কেন প্রিয়তমে ! মাহাজাদার কাছে কি
শুধু তুমিই কৃতজ্ঞ ! আমি কি ভুলে গিয়েছি প্রিয়তমে, যে কে
অযাচিত ভাবে আমায় এই দেবগিরির সিংহাসন দান ক'রেছে—কে
বিপাতার করুণার গায় আমার চির-ঈপ্সিত দেবলাকে আমার বুক
তুলে দিয়ে, আমায় জগতের শ্রেষ্ঠ স্মৃথে স্মৃথী ক'রেছে । চল দেবলা,
স্বামী স্ত্রীতে গিয়ে আলাউদ্দিনের পায়ে লুটিয়ে পড়ি গে'—তা'তে
যদি মাহাজাদাকে রক্ষা ক'রতে পারি । প্রতিমুহূর্ত্তই এখন মূল্যবান—
তুমি সত্বর প্রস্তুত হ'য়ে এস ।

[বিপরীত দিকে উভয়ের প্রস্থান ।

দ্বিতীয় দৃশ্য ।

কক্ষ ।

আলাউদ্দিন ও কমলাদেবী ।

কমলা । এ কি সত্য ?

আলা । আমায় কি তুমি অবিশ্বাস কর ?

কমলা । অপরাধী ক'রবেন না জনাব,—কিন্তু আপনারই মুখে শুনে-
ছিলেম, যে দেবগিরির যুদ্ধে সম্রাটের বাহিনী পরাস্ত এবং কাফুর
বন্দী । জাঁহাপনা মেহেরবানি ক'রে এ বাদীকে জানিয়েছিলেন
যে, অতি সত্বর সেই মারাঠা-বীরের দর্প চূর্ণ ক'রতে নূতন সৈন্য
যাবে । কই, এ কথা ত' কখনও শুনিমি যে, মাহাজাদা সেই যুদ্ধে
বন্দী হ'য়েছেন ।

আলা । পূর্বে যা শুনেছিলেম—সে অন্যক । কাফুর আমার সে

দেবলা দেবী ।

[দ্বিতীয় দৃশ্য ।

কুতাবার পুত্রকে বন্দী ক'রে দিল্লী পৌঁছেছে । পরাজিত হবে
আলাউদ্দিনের বাহিনী !—ভারতের প্রশস্ত বক্ষে যাব বিজয়-বৈজয়ন্তী
গর্ভভরে সমুন্নত । অসম্ভব—অসম্ভব !

কমলা । জাঁহাপনার জয় হোক !

আলা । আজ আমি সেই রাজদ্রোহীর বিচার ক'রে তা'কে সমুচিত
দণ্ড দেব !

কমলা । জাঁহাপনার যেরূপ ইচ্ছা । প্রীড়িতা হ'লেও সে সম্বন্ধে আর
আমি কোন কথাই কইব না ।

আলা । কেন ?

কমলা । একবার জাঁহাপনার কার্যে হস্তক্ষেপ ক'রে বিরাগ-ভাজন
হ'য়েছিলেম—সাত দিনের মধ্যে দেখা পাইনি—মশ্বপীড়ায় উন্মাদিনীর
ন্যায় ছুটে বেড়িয়েছি । আর আমার কি আছে—স্বামী, গৃহ, পুত্র,
কন্যা—সব হারিয়ে এখনও বেঁচে আছি ! তুমি যদি অনাদরে দূরে
ফেলে দাও—তুমি যদি অবজ্ঞায় মুখ ফিরিয়ে থাক,—ভুখিনী কোন
স্থখে এ পাপ জীবনভার বইবে ? কোন আশায়—

আলা । আবার সে কথা কেন কমলা ? তা'র জন্ম ত' কতবার মাজ্জনা
ভিক্ষা ক'রেছি । তোমার উপর যে কখনও কড় হ'তে পারি এ
আমার স্বপ্নেরও অতীত ! জানি না, তোমার নয়নে কি কুহক
আছে, তোমার কণ্ঠস্বরে কি নাশকতা আছে—তোমার অপার্থিব
সৌন্দর্যে কি মোহ আছে, যার দ্বারা আচ্ছন্ন হ'য়ে আমার
মুগ্ধদের কোহিনুর—গৌরবের মুকুটমণি—মনুষ্যত্ব পর্য্যন্ত বিসর্জন
দিয়েছি । কে কবে ধারণা ক'রেছে—কে কবে ভাবতে পেরেছে
যে যৌবনের তারল্য ও উচ্ছ্বলতায় যা'র হৃদয় রমণীর অব্যর্থ
কটাক্ষবাণ হেলায় জয় ক'রেছে—আজ প্রৌঢ়ত্বে সে এক নারীর
অঞ্চলার্গ্রে নাগপাশে বদ্ধ হবে—রাজকার্য্য পরিত্যাগ ক'রে অন্তঃপুরে

আশ্রয় নেবে । আজ যদি পুত্রের সেই আলাউদ্দিন জীবিত থাকত তবে ক্ষুদ্র দেবগিরি জয় ক'রতে তার পঁচিশ হাজার সৈন্য বিনষ্ট হ'ত না—পাঁচ হাজার নিয়ে সে মারাঠা জাতিকে পিষে ম'রতে পা'রত । কিন্তু সব ছেড়েছি—সব হারিয়েছি—সব বিসর্জন দিয়েছি,—আর সে তোমারই জন্ত ।

কমলা । এ বাদীর উপর জাঁহাপনার অসীম করুণা ।

আলা । করুণা !—না—না—আলাউদ্দিনের হৃদয়ে করুণার স্থান নেই । এই নিশ্চয় হৃদয় স্নেহপ্রবণ খল্লতাতকে হত্যা ক'রতে একটুও বিচলিত হয় নি,—শোভাময়ী সমৃদ্ধিশালিনী সহস্র নগরীকে শ্মশানের ভস্মস্তুপে পরিণত ক'রতে একটুও কাঁপে নি,—জাতির পর জাতির উন্নতির পথে কুঠারাঘাত ক'রে তাদের ধ্বংসের করালবদনে তুলে দিতে একটুও টলে নি । পর্বতের মত অচল অটল হ'য়ে নিজপথ পরিষ্কার ক'রেছে । করুণার সঙ্গে আলাউদ্দিনের চিরবিরোধ ;—এ আমার দুর্বলতা । বুঝতে পা'রছি, এই অনৈসর্গিক আকর্ষণে দিনে দিনে আমার সাম্রাজ্যের ভিত্তি শিথিল হ'য়ে আসছে,—আমার প্রাণের অনাবিল শান্তির নিষ্কার প্রতিমূহুর্ত্তে তোমার উষ্ণ নিঃশ্বাসে বাষ্প হ'য়ে উড়ে যাচ্ছে, তবুও পতঙ্গের মত ঘুরে ফিরে সেই অনলের উপর ঝাঁপিয়ে পড়ছি । কি এক দুর্দমণীয় আকাজক্ষা—কি এক অতৃপ্ত তৃষ্ণা—আমায় কঠিন কশাঘাত ক'রে তাড়িয়ে নিয়ে যায়,—সাধ্য নেই আত্মরক্ষা করি—শক্তি নেই ফিরে ঘাই ! যাক সে কথা,—খিজিরের সম্বন্ধে তোমার কিছু বলবার আছে ?

কমলা । তুমি ত সবই জান । হনকষণ ও কৃষি যাদের বৃত্তি, সেই নীচ মারাঠার ঘরণী আজ রাজপুত্রের কণ্ঠে ! ভাবতেও আমার শরীরের রক্ত তপ্ত হ'য়ে মস্তিষ্কে ওঠে,—না জাঁহাপনা,—আমার বলবার কিছু নেই ।

দেবলা দেবী ।

[দ্বিতীয় দৃশ্য ।

আলা । তবে কক্ষান্তরে বসে আমার বিচার দেখ । কৈ ছায়—বন্দী
খিজির খাঁ—

কমলা । তোমারই কথায় আজও বেঁচে আছি,—তোমার অসীম করুণা
থেকে এ বাদীকে কখন বঞ্চিত ক'র না । [প্রস্থান ।

আলা । মাঝে মাঝে ভেতর থেকে যেন কে বজ্রমর্দে বলে ওঠে
'আলাউদ্দিন সাবধান—নিজের পায়ে নিজে কুঠারাঘাত ক'র
না ।' বঝতে পারি না—ভাবতে যাই,—শতচিন্তা শত দিক্ থেকে
এসে সব গুলিয়ে দেয় ! (জনৈক প্রহরি খিজিরকে লইয়া প্রবেশ
করিল) কে এ উন্মাদ ? উল্লুক, আমি তোকে বন্দী খিজিরখাঁকে
আন্তে আদেশ করি নি ?

খিজির । এই উন্মাদই বন্দী খিজির খাঁ জাঁহাপনা—

আলা । এ্যা—তুমি খিজির ! চোখে ঝাপসা দেখি কেন ? এ কি
সম্ভব ! এই মৃতি ! হা খোদা ! পুত্র ! এর কারণ ?

খিজির । কিসের কারণ, সম্রাট ?

আলা । এ কি দেখছি ?

খিজির । হতাশ হবেন না, জাঁহাপনা,—আরও আছে । কিন্তু আমার
বড় ছুভাগ্য যে তা দেখাতে পাচ্ছি না । তা হ'লে বোধ হয়
আপনার তৃপ্ত হ'ত ।

আলা । পুত্র ! আমার উপর অবিচার ক'রো না ।—

খিজির । অবিচার আমি ক'রছি না,—অবিচার যদি কেউ ক'রে থাকেন
তবে সে আপনি । বাজে কথার প্রয়োজন নেই,—যে মুণ্ডের নিমন্ত্রণ-
পত্র কাফুরের নিকট পাঠিয়েছিলেন, আজ সেই মুণ্ড স্বেচ্ছায় সম্রাটের
দ্বারে অতিথি । রাজাধিরাজ,—তা'র যথোচিত সংকার করুন ।

আলা । ভুলে যা—সে সব ভুলে যা । সব ভুলে গিয়ে একবার বাবা
ব'লে ডাক । শৈশবে যেমন অনন্ত নির্ভরতার সঙ্গে আমার বুকে

ঝাঁপিয়ে পড়তিস, একবার তেমনি ক'রে মসারের শত অর্পিত—
শত ঝঙ্কা,—আমার মাথায় চাপিয়ে দিয়ে—আমার সমস্ত অপরাধ
ভুলে—অভিমান ত্যাগ ক'রে, একবার আমার কোলে আয় ;—শত
অমৃতের উৎস রসনায় ধ'রে একবার 'বাবা' ব'লে ডাক । স্নেহের
ঘাতু-দণ্ডস্পর্শে কৃষ্ণ শুক কেশ আবার তেমনি কৃষ্ণত তরঙ্গায়িত
ললিতকৃষ্ণ দেহ প্রাপ্ত হ'ক,—শুক নীরস গণ্ড আবার লাবণ্যে ভ'রে
উঠুক—যাতনা দগ্ধ উষরহৃদয় আবার স্নেহ মনতার উর্ধ্বতায় পূর্ণ
হ'ক,—ডাক—পুত্র, একবার 'বাবা' ব'লে ডাক ।

খিজির । উত্তম অভিনয় !

আলা । অভিনয় ! না খিজির, যা বলছি তা'র প্রত্যেক অক্ষর আমার
হৃদয়ের অন্তস্থল থেকে উঠছে—প্রত্যেকটা কথা আজানুমানির
মত পবিত্র—গাঢ়—নিশ্চল । আমার বিশ্বাস কর পুত্র—

খিজির । কেমন ক'রে ক'রব সম্রাট ? প্রতিমূহুর্তে বৈশাখী আকাশের
মত ষাঁর মতির পরিবর্তন হয়, পলকের মধ্যে ষাঁর বিধান বদলে
যায়—এক পতিত্যাগিনী ব্যাভিচারিণী রমণীর আদেশে যিনি চালিত
—তাকে কেমন ক'রে বিশ্বাস ক'রব ?

আলা । সব বুঝি—তবু পারি না । কি একটা তীব্র অকর্ষণ আমায়
টেনে নিয়ে যাচ্ছে ! পুত্র, আমায় শক্ত ক'রে ব'রে রাখ,—
কিছুতে ছাড়িস্ না—স্নেহের দৃঢ় বন্ধনে আমায় বেঁধে রাখ—
দেখ্ তা'তে যদি এ প্রবল স্রোত প্রতিহত হ'য়ে ফিরে যায় ।
—শত চেষ্টায়ও আমি পারিনি—আমি পা'রব না—সে শক্তিও
আমার নেই ! তুই হয়ত' পারবি—বড় সুন্দর এই । আজ
তো'র লাবণ্যহীন দেহ্যষ্টি দেখে অতীতের অনেক কথা আমার
মনে পড়ছে । মনে পড়ছে তো'র জননীর সেই পবিত্র মুখশ্রী,—
যা দেখলে একটা অশ্রান্ত বিমল পুসকে প্রাণে ভ'রে দিত—পুণোর

দেবলা দেবী।

[দ্বিতীয় দৃশ্য।

একটা স্নিগ্ধ সৌরভ ছুটে এসে দেহমন সুরাঙ্কিত ক'রে দিত।—
খিজির, যদি কোন অন্য় ক'রে থাকি,—আমি তো'র পিতা—
আমি মা'জনা চাইছি—আমায় মা'জনা ক'রে, তো'র স্নেহের দৃঢ়
বন্ধনে বেঁধে রাখ। তবুও নীরব—তবুও নীরব! হায় পুত্র—তুই
যদি এমনি অন্ততপ্ত হ'য়ে আজ আমার কাছে ছুটে আসতিস্—
এমনি আকুল হ'য়ে আমার নিকট মা'জনা ভিক্ষা ক'রতিস্—অতি
গুরুতর অপরাধে অপরাধী হ'লেও আমি তোকে মা'জনা ক'রতেম।
খিজির। বন্দী'র সঙ্গে এ আচরণের উদ্দেশ্য আমি ঠিক বুঝতে
পা'রছি না।

আলা। বন্দী! তাই ত! খুলে নে—খুলে নে—প্রহরী, শৃঙ্খল খুলে
নে—বা—তো'রা সব দূর হ'য়ে যা— [প্রহরীর প্রস্থান।
আজ অভিমান নয়—শৃঙ্খল নয়—প্রহরী নয়,—শুধু স্নেহ—শুধু
হৃদয়ের বিনিময়—শুধু মধুর সম্মুখণ!—খিজির—খিজির!

খিজির। পিতা—পিতা—(পদতলে পড়িলেন)।

আলা। (বক্ষে ধরিয়) আঃ—

খিজির। পিতা!

আলা। পুত্র!

(কমলার প্রবেশ)

কমলা। চমৎকার!

আলা। এখানে না—এখানে না—আজ পিতা/পুত্রের সুদীর্ঘ বিচ্ছেদের
পর মধুর মিলন—মর্ত্যে স্বর্গ নেমে এসেছে—পৃথিবী পুলকে নেচে
উঠেছে—আকাশ মাটিতে লোটাচ্ছে! যা, রাগসি, স'রে যা—
তো'র পাপদৃষ্টিতে এ উৎসব—এ আনন্দ এখনই সব শুকিয়ে যাবে।
যা—স'রে যা—স'রে যা—

কমলা। শ্রী; চমৎকার আপনায় গায়-বিচার! নররূপে মুক্তিমান

ধর্ম আপনি ! ছিঃ ছিঃ ছিঃ ! [জ্ঞান্লেম, সাহাজাদার জন্ত
সম্রাটের আইনে স্বতন্ত্র বিধান আছে ! লক্ষ লক্ষ প্রজার দণ্ডমুণ্ডের
ভার ষাঁর হস্তে গুস্ত—যাঁকে সবাই ভগবানের অবতার ব'লে মান্য
করে—গ্ৰায় অগ্ৰায় বিচার না ক'রে, ষাঁর আদেশ কোটা কোটা
নরনারী অবনতমস্তকে পালন করে,—তাঁর এ পক্ষপাতীত্ব !

আলা । আর না—আর না—ক্ষান্ত হ'—ক্ষান্ত হ' রাক্ষসী । এ আইনের
কথা নয়—বিধানের কথা নয়—গীমাংসার কথা নয়—এখানে প্রাণের
কথা ! পাষাণি !—চেয়ে দেখ্—চোখ মেলে এই করুণ মূর্তির দিকে
চেয়ে দেখ—যা' দেখলে পাষণ্ড গ'লে জল হ'য়ে বেরোয়—আর
মনে কর্ যে এর মা আমার নিকট এঁকে গচ্ছিত রেখে গিয়েছিল—
মরুবার সময় আমার হাতে এঁকে সঁপে দিয়েছিল । নারী তুই—
তারপর যা বলবার থাকে বল ।

কমলা । সম্রাট, আজ যদি অণু এক ব্যক্তি এইরূপ অপরাধে অভিযুক্ত
হ'য়ে বিচারের জন্ত আপনার সমক্ষে দাঁড়াত, তবে কি, সে তা'র
বৃদ্ধ পিতার অন্তিমের আশা এবং বৃদ্ধা মাতার বক্ষের পঙ্কর ব'লে
তা'র শাস্তির কিছু লাঘব হ'ত ? ঘাতকের খজ্ঞা কি তা'র মস্তকে
উত্তত হ'ত না ?

আলা । নারি ! বৃথা আমায় তিরস্কার ক'রুছ ! আমার এ অবস্থা যদি
তোমার হ'ত, তুমিও আমার মত আচরণ ক'রতে । ভেবেছিলেম
—খিজিরকে তা'র অপরাধ অনুযায়ী দণ্ড দেব ; কিন্তু তা'র এই
বিরস মুখশ্রী দেখে আমার সব সঙ্কল্প মুহূর্তের মধ্যে টুটে গেল—
কঠোরতা স্নেহের উত্তাপে গ'লে ষাংসল্যে পরিণত হ'ল ! আমার
শুধু মনে হ'ল তা'র মায়ের অন্তিম অনুরোধ—আমার শুধু মনে হ'ল
যে, সে আমার মাতৃহারা অনাথ পুত্র ।

কমলা । এত দুর্বল হৃদয় নিয়ে রাজত্ব করা চলে না । সম্রাট ! যে মুহূর্তে

আপনার এই দুর্বলতা—এই অবিচার—এই পক্ষপাতীত্বের কথা—
এই প্রাসাদের বাইরে যাবে—সেই মুহূর্তে আপনার কোটা কোটা
প্রজার হৃদয়ে ভক্তি এবং বিশ্বাসের দুই অক্ষয় স্তম্ভের উপর প্রতিষ্ঠিত
আপনার যে অটল সিংহাসন ছিল, প্রলয়ের ভূমিকম্পে সিংহনাদে
তা' ট'লে উঠবে। শত চেপ্টায়—শত আশ্রয়স্থি দিয়েও আর তা'
আপনি স্থির রাখতে পারবেন না !

আলা। খোদা ! খোদা ! চির অন্ধকারে আবৃত ক'রবার পূর্বে
কেন একবার এ স্বর্গীয় আলোক দেখা'লে ?

কমলা। জাঁচাপনা। আমি শেষ উত্তর শুনতে চাই। বলুন সম্রাট,
আপনার নিকট সুবিচার-প্রত্য'শা আমার পূর্ণ হবে কি না ?

আলা। নিশ্চিন্ত হও নারী ! পাবে—সুবিচার পাবে। রাজা আমি
সুবিচার ক'রব না ? ক'রব—সুবিচারই করব ! তাহলে যদি হৃদয়
কঁপে ওঠে—তাকে নখাঘাতে টেনে ছিড়ে ফেলব—চোখে যদি অক্ষ
আসে—তাকে জোর ক'রে চোখের মধ্যে পুবে রাখব—আর্তনাদ
ক'রতে যদি ইচ্ছা হয়—কষ্ট জোরে চেপে ধ'রব। হায় রাজাসুখ !
—অতি নীন প্রজাও আজ আমার সঙ্গে তার অবস্থার বিনিময়
ক'রতে চাইবে না। পিক্—পিক্ এ সিংহাসন ! হা,—বিচার ক'রব,
—সুবিচারই ক'রব। রাজদ্রোহী, তোমার কিছু বলবার আছে ?

খিজির। কিছু না—

আলা। রাজদ্রোহীর শাস্তি—প্রা—-৭—দ—ও—

কমলা। সম্রাটের জয় হোক—

আলা। চূপ কর পিশাচী, সম্রাটের জয় যে দিন তোকে প্রথম দেখে-
ছিলেম, সেই দিন থেকেই লুপ্ত হয়ে গেছে। কে আছিস্ ?

(প্রহরীর প্রবেশ)

এই মুহূর্তে বন্দীর শিরশ্ছেদ কর—কেমন ? সুবিচার পেয়েছ !

পঞ্চম অঙ্ক ।]

দেহলা দেবী ।

আর কেন নারী, এইবার আমায় ত্যাগ কর । ওহো হো, হৃদয় !
দূঢ় হও ; নতুবা চূর্ণ ক'রে ফেলব । অক্ষ ! ফিরে যাও—ফিরে
যাও, নতুবা চোখ্ উপড়ে ফেলব । খিজির—খিজির—পুত্র
আমার,—আমায় ক্ষমা কর ; বড়,—বড় অভাগা আমি ।

খিজির । অপরাধী ক'রবেন না জনাব, শত দোষে দোষী হ'লেও
“ আপনি আমার পিতা,—আমার জন্মদাতা—দেবতার দেবতা ।
অজ্ঞান সম্ভান আমি, অভিনয় ক'রে কত রুঢ় কথা ব'লেছি,
আমায় মার্জনা করুন । বিবিসাহেবা, আমার প্রতিশ্রুতি আমি
পূর্ণ মাত্রায় পালন ক'রেছি,—সম্রাটের বিরাগ ভাঙ্গন হ'য়েও
আপনার কণ্ঠ্যকে স্মৃখী ক'রেছি । চল প্রহরী—(প্রস্থানোচ্চত)

আলা । খিজির—

খিজির । পিতা,—

আলা । আমায় কি ভোর কিছু ব'লবার নেই ?

খিজির । মৃত্যুর তীরে দাঁড়িয়ে আর কি ব'লব জনাব ? তবে এক ভিক্ষা,
যদি পূর্ণ হয়,—মতিয়ার কবরের পাশে যেন আমায় সমাহিত করা
হয় । শুধু এই ভিক্ষা । এস প্রহরী—(প্রহরীর সহিত প্রস্থান ।

আলা । গেল,—দীপ নিভে গেল,—খোদা—(মুচ্ছা ।)

কমলা । হাঃ হাঃ হাঃ হাঃ—কি ভৃষ্টি !

‘ ভূতীয় দৃশ্য ।

কাফুরের গৃহ ।

কাফুর ও গণপৎ ।

কাফুর । তুমি এ সময়ে এখানে গণপৎ !

গণপৎ । 'তা'তে আশ্চর্য্য হচ্ছ কেন কাফুর ? যে উদ্দেশ্য নিয়ে দু'জনে

দেবলা দেবী।

[তৃতীয় দৃশ্য ।

ক'ব্য ক্ষেত্রে নেমেছিলেম, আজ তা' সিদ্ধপ্রায়—এমন আনন্দের দিনে এখানে আ'স্ব না ?

কাফুর। কোন উদ্দেশ্য সিদ্ধপ্রায় ?

গণপৎ। দিল্লীসিংহাসনে শুরশ্রেষ্ঠ কাফুর খাঁর অধিরোহণ।

কাফুর। উম্মাদের মত কি ব'ল্ছ গণপৎ ?

গণপৎ। যা' হবে তাই ব'ল্ছি। আমি দিব্য দৃষ্টিতে সব দেখতে পাচ্ছি ! বিঘ্ন যা কিছু ছিল, আজ তা দূরীভূত হবে !

কাফুর। তার অর্থ ?

গণপৎ। কেন, তুমি কি জান না, যে খিজিরখাঁকে বধ্যভূমিতে নিয়ে গেছে ?—

কাফুর। বধ্যভূমিতে নিয়ে গেছে !—কেন—কেন ?

গণপৎ। বধ্যভূমিতে যে জন্তু নেয় ! সম্রাটের আদেশে এখনই তার শিরশ্ছেদ হবে।

কাফুর। শিরশ্ছেদ হবে !

গণপৎ। হাঁ কাফুর। তবে আর ব'ল্ছি কি ? এক মাসের মধ্যে কাফুর খাঁর গুণগানে ভারত-গগন মুখরিত হবে।

কাফুর। সাহাজাদাকে বধ করবার আদেশ দিয়েছেন, অথচ আমাকে একবার সে সম্বন্ধে সম্রাট্ কোন কথা জিজ্ঞাসা করেন নি !

গণপৎ। সে বরং ভালই হ'য়েছে,—পাপের ভাগী হ'তে হবে না।

কাফুর। স্তব্ধ হও গণপৎ। না,—তা হবে না। আমি জীবিত থাকতে সে অমূল্য জীবন ঘাতকের খড়্গে বিনষ্ট হ'তে দেব না। আমি তাঁকে রক্ষা ক'রব।

গণপৎ। তুমি কি আনন্দের উচ্ছ্বাসে ক্ষিপ্ত হ'লে কাফুর ? প্রকৃতিস্থ হও—প্রকৃতিস্থ হও।

পঞ্চম অঙ্ক ।]

দেবলা দেবী ।

কাফুর । আমি বেশ প্রকৃতিস্থ অছি বিলম্বে সর্কনাশ হবে ।

(প্রস্থানোত্ত)

গণপৎ । কোথায় যাও, কাফুর ।

কাফুর । সাহাজাদাকে রক্ষা ক'রতে !

গণপৎ । তোমার চরিত্র আমি ঠিক বুঝতে পারছি না ।

কাফুর । তা' পা'ববে কি ক'রে বিশ্বাসঘাতক ! বিপন্ন বন্ধুকে শত্রুর

হাতে ফেলে যে প্রাণ নিয়ে পালায়, সে আমাকে বুঝবে না ।

যাও—নিজের কার্যে যাও ।

গণপৎ । এত পরিবর্তন তোমার কি ক'রে হ'ল কাফুর ?

কাফুর । শুনে—কি ক'রে হ'ল ? তবে শোন—দানবীয় মায়ায় আমার

চোখের সামনে যে যবনিকা প'ড়ে আমার দৃষ্টিকে বিকৃত ক'রেছিল,

শুভমুহূর্ত্তে এক দেবতার পৃথস্পর্শে সে যবনিকা স'রে গিয়ে

আমাকে আবার সহজ—সরল—সাধারণ দৃষ্টি দিয়েছে । তাই আজ

খিজির খাঁকে চিন্তে পেরেছি—বুঝেছি সে কত বড়—কত মহৎ !

আকাশের মত উদার তা'র প্রাণ—হজরতের মত পবিত্র, নিশ্চল

সে । তুমি আমায় খিজির খাঁর হাতে ছেড়ে দিয়ে নিজের প্রাণ

নিয়ে পালিয়েছিলে,—আর সে নিজের প্রাণ বিপন্ন ক'রে আমায়

মুক্তি দিয়েছে—নিরাপদ ক'রেছে । নইলে আজ তাঁকে বধ্যভূমিতে

নিয়ে যেত না—নিয়ে যেত এই কাফুর খাঁকে । শোন গণপৎ !—

এই মুহূর্ত্তে তুমি আমার গৃহ পরিত্যাগ কর—আর কখনও আমার

সম্মুখে এস না । হাঁ, আর এক কথা,—ভবিষ্যতের জন্ত স্মরণ রে'খ

যে, আজ থেকে আমি তোমার পরম শত্রু, আর সাহাজাদার

চরিত্রমুগ্ধ গোলামের গোলাম । যাও—

গণপৎ । ভাল,—দেখা যাবে ।

(বিপরীত দিকে উভয়ের প্রস্থান ।

চতুর্থ দৃশ্য।

বধ্য ভূমি।

খিজির ও ঘাতক।

খিজির। এই ত জীবন! শুধু অশ্রান্ত জানা—শুধু তীব্র মনস্তাপ।
অমূল্য মনুষ্যত্ব বিসর্জন দিয়ে,—কে এই দুর্কষ্ট জীবনভার বহিতে
চায়! মৃত্যুর পরপারে, বোধ হয়, শান্তি আছে। পুত্র বহুকাল
প্রবাসবাসের পর সেই পরম দয়ালু স্নেহময় পিতার চরণোদ্দেশে
চ'লেছ, পিতা তা'কে ব্যগ্ধ আলিঙ্গনে বক্ষে তুলে নিতে পথে
দাঁড়িয়ে আছেন; চক্ষু তার অসীম স্নেহ,—অনন্ত করুণা,—হস্ত
তার সমস্ত অপরাধের মার্জনা জ্ঞাপন ক'রছে। চল্ খিজির,—
চল্, পিতার আলয়ে ছুটে চল্।

ঘাতক। নাহাজাদা—

খিজির। না, আর বিলম্ব ক'রুব না। ভেবেছিলেম,—কাফুরের সঙ্গে
সাক্ষাৎ হ'লে বলজিকে নিরাপদ ক'রে যাব—হল না। যাক,
তুমি প্রস্তুত হও,—সেই অবসরে আমি একবার পিতার নিকট
মনোবেদনা জানিয়ে নিই। (নতজন্ম হইয়া) দয়াময়, জীবনে আর
কখনও তোমাকে ডাকিনি,—পাপ ভিন্ন করিনি। সম্মান সহস্র
অপরাধে অপরাধী হলেও, অন্ততপু-হৃদয়ে একবার পিতা ব'লে
ডাকিলে, পিতা তার সমস্ত অপরাধ মার্জনা ক'রে কোলে তুলে
নেন্—এই আমার ভরসা। দয়াময়,—আমার বিষ্মতি দাও,—শান্তি
দাও—(ঘাতক খড়্গ উত্তোলন করিল। ঠিক সেই সময় কাফুর
“ক্ষান্ত হও” বলিয়া উপস্থিত হইলেন। ঘাতক খড়্গ নামাইল।)

খিজির। কে?

কাফুর । আমি কাফুর, সাহাজাদা—

খিজির । এসেছ ! তোমার সঙ্গে একবার দেখা ক'রবার ইচ্ছা ছিল ।

কাফুর । আদেশ করুন ।

খিজির । কাফুর, কোনদিন কোন কারণে যদি তোমার মনে কষ্ট দিয়ে থাকি, আমায় ক্ষমা কর ভাই । (কাফুরের হাত ধরিলেন ।)

কাফুর । এ কি বলছেন সাহাজাদা—আমায় আর অপরাধী ক'রবেন না ।

খিজির । আর এক কথা—দেবলা ও বলজির বিরুদ্ধে যদি কোন বৈরভাব হৃদয়ে থাকে,—তা দূর করে দাও । তাদের বিরুদ্ধে আর কখনও অস্ত্রধারণ ক'র না,—এই আমার অন্তিম ভিক্ষা ।

কাফুর । আপনার আদেশ শিরোধার্য্য ।

খিজির । কার্য্য শেষ । নিশ্চিত ।—হাঁ, কাফুর যদি কখনও দেবগিরি যাও—না, থাক,—এস ঘটক, সম্রাটের আদেশ পালন কর ।

কাফুর । ঘটক, ক্ষণেক অপেক্ষা কর । আমি সম্রাটের অন্তরূপ আদেশ নিয়ে আসছি ।

ঘাতক । ক্ষমা ক'রবেন হুজুরালি, আর বিলম্ব ক'রলে আমার জান যাবে । সাহাজাদার ছিন্নশির নিয়ে এখনই আমাকে, সম্রাটের নিকট পৌঁছিতে হবে । আমার উপর এইরূপ আদেশ জনাব ।

কাফুর । শোন ঘটক—আমি সম্রাটকে মানি না—কমলাদেবীকে মানি না ।—সহজে আমার আদেশ পালন না ক'রলে—আমি তোমাকে বলপ্রয়োগে বাধ্য ক'রব । আমাকে একবারও জিজ্ঞাসা না করে একটা রমণীর প্ররোচনায় এমন অমূল্য জীবন ঘাতকের খড়্গে নষ্ট ক'রছেন, অথচ কাফুর খাঁ এই রাজ্যে এমন ক্ষমতা রাখে যে, এই মুহূর্ত্তে সে আলাউদ্দিনকে সিংহাসন থেকে টেনে নামিয়ে এই খিজির খাঁকে বসাতে পারে । না—কখনও হ'বে না । যাও ঘটক—তোমার সম্রাটকে গিয়ে বল যে, কাফুর খাঁ তাঁর কার্য্যে বাধা দিচ্ছে—

দেবলা দেবী

[চতুর্থ দৃশ্য ।

সাধ্য থাকে—শক্তি হয়—তিনি তা'কে নিবৃত্ত করুন। যাও,—
এ স্থান ত্যাগ কর।

ঘাতক। আমার কোন অপরাধ নেই, জনাব—

কাফুর। আমার আদেশ পালন কর—যাও। (ঘাতক প্রশ্নানোত্ত)

খিজির। দাঁড়াও।—কাফুর! তুমি না অস্বভাবসারী—তুমি না বীর—
ছিঃ! এ ইতরজনোচিত ব্যবহার তোমার সঙ্গে না! এতকাল
হৃদয়রক্ত ঢেলে রাজভক্ত ব'লে যে সুনাম অর্জন ক'রেছ, এই তুচ্ছ
জীবনের জন্ত কেন তা হারা'বে?

কাফুর। কি ব'লছেন সাহাজাদা! একটা রমণীর খেয়াল চরিতার্থ
ক'রতে বিচারের নামে অবিচারে নিরপরাধ আপনার এমন অমূল্য
জীবন বিনষ্ট হবে, আর আমি তাই দাঁড়িয়ে দেখব?

খিজির। ক্ষুব্ধ হ'য়ো না বন্ধু,—প্রবৃত্তিতে বিচার ক'রে দেখ,—আজ এ
প্রয়োজন হ'য়েছে। ব্যাধির উপশমের জন্ত অনেক সময় বিষপানও
ব্যবস্থা। সম্রাট ব্যাধিগ্রস্ত—তাকে মায়াবীর মায়াজাল থেকে
উদ্ধার ক'রতে একটা অস্বাভাবিক কিছুর প্রয়োজন—দে স্ত্রবিচারেই
হ'ক আর অবিচারেই হ'ক। আর—আমায় বিশ্বাস কর কাফুর,
এ প্রাণের উপর আর আমার কোন মমতা নেই—মতিয়া আমার
বুক ভেঙ্গে দিয়ে গেছে। এদ ঘাতক—তোমার কার্য্য কর। কাফুর,
তুমি এ দৃশ্য সহ্য ক'রতে পার'বে না। স্থানান্তরে যাও ভাই।

কাফুর। ওঃ! সাহাজাদা—বেশ, আমি যাচ্ছি। কিন্তু আলাউদ্দিন,
আজ তোমার কার্য্যের যোগ্য পুরস্কার পাবে। [বেগে প্রস্থান।

খিজির। মতিয়া, মতিয়া—যাচ্ছি!

(ঘাতক স্বীয় কার্য্য করিল)

পঞ্চম দৃশ্য ।

কক্ষ ।

আলাউদ্দিন ।

মালা । দোষ কার ? আমার ! কেন ? রাজা আমি, গায়-বিচার
 " ক'রেছি ! পুত্র বলে পক্ষপাতী হ'ক'রিনি—অপরাধ অনুযায়ী দণ্ড
 দিয়েছি ! তবে কমলার ? তারই বা দোষ কি ? পীড়কের বিরুদ্ধে বিচার
 প্রার্থনায় অপরাধ কি ? খিজির ত তা'র উপর যথেষ্ট অত্যাচার
 ক'রেছে । তবে কার দোষ ? তা'র নিজের দোষ—নইলে পিতা হ'য়ে
 —বিচারক হ'য়ে, কেন আমি তাকে চরম দণ্ডিত ক'রব ? তবু
 যেন বোধ হয়, এর ভিতর কোন রহস্য আছে ; কি রহস্য থাকবে ?
 সে রাজদ্রোহী—পিতৃদ্রোহী—দেবগিরি-বাহিনীর সঙ্গে যোগ দিয়ে
 সে ত প্রকাশে আমার বিরুদ্ধাচরণ করেছিল । উচিত ক'রেছি—
 বিচারকের যোগ্য কার্য ক'রেছি—রাজধর্ম পালন ক'রেছি । তবু
 প্রাণ কাঁদে কেন ? তার কথা মনে হ'লে চোখ দিয়ে জল আসে কেন ?
 না, হ'ক সে অপরাধী—সবাই আমাকে দুর্বলচিত্ত বলে ঘৃণা করুক—
 যায় রাজ্য, ছারখারে যাক । তা'কে হত্যা ক'রতে পাব না—না,
 কখনই না—এই মুহূর্তে আদেশ প্রত্যাহার ক'রে তাকে ফিরিয়ে
 আনব—সে যে মেহেরার বড় আদরের খিজির । কে আছি—

(খিজিরের মুণ্ড লইয়া ঘাতকের প্রবেশ)

ঘাতক । জাঁহাপনা !

আলাউদ্দিন । কে তুই ? এ কি ? এ কি ? (দুই হস্তে চক্ষু ঢাকিলেন)

ঘাতক । জাঁহাপনা ! এই সাহাজাদার ছিন্ন মুণ্ড ।

আলাউদ্দিন । এঁটা ! সাহাজাদার ছিন্ন মুণ্ড ! তবে কি তুই তাকে সত্য সত্যই
 হত্যা ক'রেছিস্ ! কি ক'রেছিস্—কি ক'রেছিস্ ঘাতক ! আমার

দেবলা দেবী।

[পঞ্চম দৃশ্য ।

পরলোকগতা মেহেরার গচ্ছিত ধনকে—আমার প্রিয়তম পুত্রকে
তুই নিষ্ঠুর ভাবে হত্যা ক'রেছিস্ ! খিলিজি-বংশের গৌরব—বীরত্বের
একাদর্শ—এমন পুত্র আমার সে ; তা'কে তুই—না—না—না—
এ অসম্ভব ! এতদিন অবনত মস্তকে তা'র আদেশ পালন ক'রে
আজ তোর এত স্পর্ধা হবে না যে, তার সঙ্কে খড়্গাঘাত ক'রবি ।
বল্—বল্ নরাধম—কোথায় আমার পুত্র ?

ঘাতক । জাহাপনা ! এই তাঁর ছিন্নমুণ্ড—

আলা । ছিন্নমুণ্ড ! তা'র ছিন্নমুণ্ড ! বড় অপরাধ ক'রেছিল সে, তাই
তা'কে মৃত্যুদণ্ডে দণ্ডিত ক'রেছিলেম—তুই আমার সে আদেশ
পালন ক'রেছিস্ । দে,—ও মুণ্ড আমার হাতে দে—আমার বংশ
ধরের মুণ্ড আমার হাতে দে ! (হস্ত প্রদারণ করিলেন)
বা—নিয়ে যা ঘাতক ; আমার দৃষ্টির সম্মুখ হ'তে নিয়ে যা ।
তো'র হৃদয়ে কি বিন্দুমাত্রও করুণা নেই—মায়া—নেই—সহানুভূতি
নেই—তাই পুত্রকে হত্যা ক'রে তার ক্রোধরাক্ত ছিন্নশির পিতার
নিকট নিয়ে এসেছিস্—তুই কি মানুষ ন'স্—তো'র কি প্রাণ নেই—
এ কি ! পৃথিবী কেঁপে উঠ'ছে কেন ? সূর্য্য, চন্দ্র, গ্রহ, তারা সব
নিভে যা'চ্ছে—প্রলয়ের ঝড় গর্জন ক'রে ছুটে আস'ছে—রক্ত
বণ্ডার স্রোতে ছুটে আস'ছে ।—রক্ত—রক্ত—চারিদিকে রক্তের
সমুদ্র—এখনও ছুরাখা এখানে দাঁড়িয়ে আছিস্ ! পালা—পালা—
তো'কে ঐ রক্তের নদাতে ডুবিয়ে মা'রবে না যা,—চ'লে যা—

ঘাতক । মো ছকুম খোদাবন্দ ! (প্রস্থানোচ্চত)

আলা । (ছুটিয়া ঘাতকের গলা চাপিয়া ধরিলেন ; ভীতিবিহীন
ঘাতকের হস্ত হইতে মুণ্ড স্থানান্তরিত হইয়া ভূতলে পড়িয়া গেল) কোথায়
পালাস্ দস্যু ? আমার পুত্রকে হত্যা ক'রে—সম্রাটের বংশধরকে
হত্যা ক'রে, কোথায় পালারবি ! জাহান্নামে গেলেও তো'র নিস্তার

নেই । তোকে আমি জীবন্তে কবর দেব—আগুনে পোড়াব—
কুকুর দিয়ে খাওয়াব—(ঘাতককে ছাড়িয়া) না,—না—তোমার
অপরাধ কি ? তুই ত' আমারই আদেশ পালন ক'রেছিস্ ! যা—চলে
যা—আমার সম্মুখ হ'তে দূর হ' (ঘাতকের প্রশ্নান) কি ক'রেছি—
কি ক'রেছি,—ও হো হো—

(কমলার প্রবেশ)

এই যে নারী ! এতদিনে তোমার মনোবাঞ্ছা পূর্ণ হ'য়েছে—
ঘাতক আমার আদেশ বর্ণে বর্ণে প্রতিপালন ক'রেছে । কেন,
এইবার তৃপ্ত হ'য়েছ ?

কমলা । এত অল্পে তৃপ্ত হ'ব ! মনে পড়ে আলাউদ্দিন, নিজ হস্তে
খুল্লাঘাতে আমার তিন তিনটি পুত্রকে কি ভাবে রণস্থলে হত্যা
ক'রেছ ! যা আমি—স্বচক্ষে তাদের সেই শোচনীয় মৃত্যু দেখে-
ছিলাম । আমার চোখের সামনে তাদের দেহ অসাড় হ'য়ে গেল—
অথচ আমার চক্ষু হ'তে এক বিন্দু অশ্রু পড়েনি । তারপর মনে কর
দেখি, আমার স্বামীর কি অবস্থা ক'রেছ ? রাজ্যেশ্বরকে পথের
ভিখারী ক'রেছ,—তাঁর পত্নীকে বন্দি ক'রে তাঁ' হ'তে বিচ্ছিন্ন
ক'রেছ । মনে পড়ে সে সব কথা ? পদ্মিনী আগুনে ঝাঁপ দিয়ে
সমস্ত যন্ত্রণার অবসান ক'রেছিল, আর আমি, যে হাতে সেই
আহত পুত্রদের শোণিত-প্রবাহ রুদ্ধ ক'রেছিলাম,—সেই হাতে
তোমার দত্ত অন্ন আহাৰ ক'রে জীবন রক্ষা ক'রেছি ! কেন, জান
প্রতিশোধ গ্রহণের জন্ম ! তোমার সিংহাসনকে অশান্তির আকরে
পরিণত ক'রবার জন্ম ! আমার স্বামীকে যে যন্ত্রণা দিয়েছ, তার
সহস্রগুণ যন্ত্রণা দিয়ে তোমার জীবনের প্রতিমূর্ত্ত আলস্য
ক'রবার জন্ম ! আজ পুত্রশোকে তুমি আর্তনাদ ক'রছ—শোক

দেবলা দেবী।

[পঞ্চম দৃশ্য।

কিপ্তপ্রায় হ'য়েছ—তাই দেখ্‌ছি—আর আনন্দে হাততালি দিয়ে
আমার নৃত্য ক'রতে ইচ্ছা হচ্ছে! বাঃ বাঃ—কি তৃপ্তি—কি
শান্তি!

আলা। বটে! শয়তানি—তোকে আমি পিপীলিকার মত পিষে মা'রব—
কমলা। মরণের ভয় কি দেখাম্‌ শয়তান? মরণ ত' আমার বহুপূর্বে
হ'য়েছে;—রাজপুত্রমণী হ'য়ে তোর হারেমে বাস ক'রেছি—
তোর সঙ্গে আলাপ ক'রেছি—তোর প্রদত্ত আহার গ্রহণ ক'রেছি
—সে পাপের এই প্রায়শ্চিত্ত (বক্ষে ছুরিকাঘাত)

(নেপথ্যে প্রহরিগণ—“জাহাপনা—দস্যু—দস্যু—”)

(নেপথ্যে দেবলা—“ভাই, ভাই”—)

(দেবলা, বলদেব ও দেবীসিংহের প্রবেশ)

দেবলা। ভাই—ভাই—এ্যা—এ কি? দেবীদাদা, দেবীদাদা, কি
দেখ্‌ছি—কি দেখ্‌ছি—

বলদেব। ওঃ—সাহাজাদা, এত ক'রেও তোমায় বাঁচাতে পার্‌লেম না।
আলা। কে তোরা দস্যু?

দেবী। দস্যু নই সম্রাট! তোমার প্রহরীরা আমাদের প্রবেশপথে
বাধা দিয়েছিল—তাই আমি চিরদিনের জন্তু তা'দের স্তব্ধ ক'রে
এসেছি—এই মাত্র।

দেবলা। দেবীদাদা এই কি সম্রাট আলাউদ্দিন?

দেবী। হাঁ,—এই সেই পুত্রঘাতক—

দেবলা। সম্রাট, শোণিত-পিপানা কি তোমার এত তীব্র যে এক মুহূর্ত,
বিলম্ব সহিল না? কি ক'রলে—কি ক'রলে মূর্থ? বিনাদোষে
নিজের দেবতুল্য পুত্রকে হত্যা ক'রলে? ভাই—ভাই, পার্‌লেম না।
ঃ—আর যদি একদণ্ড পূর্বেও আ'সতে পার্‌তেম!

লা। কে তুই ?

লা। কে আমি ? সম্রাট, পঁচিশ হাজার প্রাণ বলি দিয়ে—রাজকোম
শূন্য ক'রে—যে দেবলার ছায়ামাত্রও দেখতে পাওনি,—পিশাচ
ঐপিতার উত্তম খড়্গ হ'তে—দেবপ্রতিম সাহাজাদাকে রক্ষা ক'রতে
আজ স্বেচ্ছায় সেই দেবলাদেবী তোমার দ্বারে উপস্থিত ।

লা। তুই দেবলা ?

দেবলা। হাঁ সম্রাট,—আমিই দেবলা ।

লা। হুঁ—তোমার জন্মই আজ আমি পুত্রহারা—তোমার জন্মই আজ
আমার প্রাণে ধূ ধূ ক'রে চিতাগ্নি জ্বলছে । প্রতিহিংসা—প্রতি-
হিংসা—আরও—আরও রক্ত চাই—রক্ত চাই—রক্ত চাই—
(দেবলাকে আক্রমণ করিতে গেলেন)

লা। শব্দদার,—

লা। কে আছিস ? বন্দী কর—বন্দী কর । রক্ষী—রক্ষী—

(বেগে কাফুরের প্রবেশ)

কাফুর। আর রক্ষীর প্রয়োজন নেই । তোমার পাপ-রাজত্বের যবনিকা
আজ এইখানে পড়বে । পুত্রঘাতী দস্যু,—তোমার অত্যাচারে আজ
ভারতের এক প্রান্ত হ'তে অন্য প্রান্ত পর্য্যন্ত ক্রন্দনের এক মহারোল
উঠেছে,—শয়তান—এই বিষাক্ত ছুরিকাই তোমার কার্যের যোগ্য
পুরস্কার ।

(আলাউদ্দিনের বক্ষে ছুরিকাঘাত ।)

যবনিকা পতন ।

প্রিণ্টার—শ্রীশশিভূষণ পাল,

মেট্রিকাফ্ প্রেস;

১৫নং নয়ানচাঁদ দস্ত ষ্ট্রীট, কলিকাতা।
